


The Ohio State University



3 2435 01219 1367

BP75D316T81928

001

HAZRET-I MUHAMMED VE KUR'AN-I KERIM

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	02	15	17	8	16	016	1

12/20/1911

LIBRARY
OHIO STATE UNIVERSITY

حضرت محمد و قرآن کریم

مترجمی

عمر رضا

مؤلفی

زودہ دہودہ نیورت

مترجم طرفندن دین تدقیقاتنک تاریخی حقندہ بر مقدمه و متعدد
نوطلر علاوہ اولونمشدر

ایکٹیجی طبعی

BP 75.27

D383

1928

ترجمه ك مقدمه

تقریباً ایکی سنه مقدم ایلك دفعه ترجمه و نشر ایتدیكمز بو اثر ك قارئلریمزدن کوردیکی رغبت نتیجه سننده موجود نسخه سی قالمادینی ایچین ایکنجی دفعه طبعنه لزوم حس ایتدك. بو فرصتدن بالاستفاده اثر ك مقدمه سی و ترجمه سی یکیدن تدقیق ایدیلشدر . بوندن دولایی قارئلریمز ، ایکنجی طبعك برنجی طبعدن بلکه دهها فرقلی اولدیغنی کوره جکاردر . شبهه سز بو ، قارئلریمزدن کوردیکمز التفات و رغبتك پك طبیعی بر نتیجه سیدر . اثریمزه کوستردکلری رغبتله نشر ایتدیكمز اثر لك تکملانه یاردیم ایدن قارئلریمزه اك صمیمی شکرانله مدیونز . بوراده بو صمیمی بورجی ایفالاتمه یی بر وظیفه عد ایدیورز .

(حضرت محمد و قرآن کریم) عنوانیله ترجمه ایتدیكمز بو اثر ك مؤلفی (ژونده وه نیپورت = John Davenport) انگلیز عالم تالیف و تحریرنده متعدد اثر لریله طاینمش ، قیمتلی وحقشناس بر محرردر . مستر (دوه نیپورت) ك حضرت محمد و قرآن کریمی موضوع بحث ایدرك غرب عالم تعصبك دینمز و پیغمبریمز حقنده اویدوردینی خرافه لری و اونلره اسناد ایتدیکی فالفلری رد و جرح ایدن بر اثری بولوندیغنی بعض اسلام مؤلفلرینك اقتباساتندن آ کلابوردم . بو اثری کورمه یی چوق آرزو ایتدیكم حالده اونك بر نسخه سنی بولق ممکن اولمامشدی . فی الحقیقه ، بو اثر ، یاریم عصردن فضله بر زمان مقدم لوندرده طبع ایدیلشدی . بو قادر زمان مقدم طبع اولونان بر اثری بولق خصوصنده مشکلاته تصادف ، پك طبیعیدر . نقط آوروپا کتبخانه لرنده اولسون بو اثر ك بر ویا بر قاچ نسخه سنه تصادف ایتك ایجاب ایتزمیدی ؟ اثر ك معالی و حقایق اسلامیه یی افاده ایتمه سی اونك بر آن اول اورتادن قالدیر یلماسنی انتاج ایتمش اولاجق که وقوع بولان تحریاته رغماً اثر ك بر نسخه سی بولونمامشدی . مع مافیہ مستر (دوه نیپورت) ك حفره نسیانه کومولر و آنجق بعض کتابلر ك گوشه لرنده بوجاقلرنده بر قاچ سطرینه تصادف اولونان اثری ، غیرت دینی و حمیت ملیه سی مسلم اولان عزیز و فاضل وطنداشمز اسعد فواد بك افندیك همتیله ، بعث بعدالموته مظهر اولدی . اسعد بك افندی ، بو اثری بولق املیله بر چوق کتبخانه لرك فهرستلرینی تدقیق ایتمش ایسه ده مثبت بر نتیجه استحصال ایده مه مش ، نهایت کچن سنه اثر ك بر قاچ نسخه سنی الده

ایتمکه موفق اولارق ، اوکا تازه برحیات ویرمشدر. اسعدبک افندی بولدیغی
نسخه لرك برینی بزه اهدا ایتمک لطفنده بولوندقلرندن بزده اثری ترجمه ونشر
ایدهرك دینداشلیرمیزی استفید ایتمی استهداف ایله اثرک ترجمه ونشرینی
تأمین ایتمک . [۱]

مستر (ده وه نیپورت) ک اثری کوزدن کچیریلدیکی تقدیرده انکلیز
محررینک معالی و فضائل اسلامیه یه نفوذ ایتمدیکی درحال آ کلاشیلیر. عجباً
مستر (ده وه نیپورت) طرفندن خریستیانلق تعصبنک فاحش اسناداتنه قارشلی
یازدیغی کوزل ردیه ، منحصرأ کندی شخصی تبعاتنک و شخصاً مفطور
اولدیغی انصاف و حق شناسلنک بر اثریمی ، یوقسه دهها فضله غریبه باشلایان
مهم بر حرکتک نتیجه سی میدر ؟ .

بو نقطه یی تدقیقه لزوم کورمکلمکزک سببی ، (ده وه نیپورت) ک اثرینی
فردی بر تشبیدن فضله ، آوروپاده عصر لرحه مصادمه ایدن متضادمفکوره .
لرك تولید ایتمدیکی بر حرکتک ، علمی بر انکشافک محصولی عد ایتمه مزدر.
آوروپاده صنف روحانینک حاکمیت دورینه ، بو دوری تعقیب ایدن دینه
خصوصت فترتنه ، دهها صوکره باشلایان علمی تدقیقات دینه حرکتنه سریع
برنظر عطف ایتمدیکز تقدیرده بو حقیقتک درحال تجلی ایده چکنه قانعز .

« قرون وسطی » تسمیه ایتمدیکز دورده خریستیانلق ، بر طرفدن
بت پرستکی ، دیگر طرفدن یهودیلکی احمایه چالیشدیغی زمانلرده ،
کندیسندن هر وجهله دهها قوتلی یکی بر دین اولان مسلمانلقله ده قارشیللا.
شمش و بو دین ایله مجادله یه طوتوشمشدی . بالنتیجه خریستیانلق
بوتون صلح و مسالمت مفکوردلرینی کلیاً بر طرف ایدرک دین نامنه

[۱] « بوکونکی اسلام عالمی » The Islamic world Today « عنوانیله
۱۹۲۵ ده انتشار ایدوب هر فصلی آیری بر محرر طرفندن یازیلان و « بین الملل
میسونر هیئت ریسی ژون موت » طرفندن ریاست تحریریه سی درعهده
اولوان اثرک « بوکونکی اسلام مدافعاتی » عنوانلی یکرمنجی فصلنده ، میستر
ده وه نیپورت طرفندن یازیلان بو اثرک هند مسلمانلری طرفندن مکرراً طبع
اولوندیغی بیان اولونمقده در. فقط بزم المزده کی نسخه محررک حال حیاتنده طبع
و نشر اولونان نسخه در.

بوتون « کفارہ »، یعنی یہودیگرہ، مسلمانلرہ واونلرہ برابر بوتون خریستیان اهل اعتزالنه اعلان حرب ایتشدی . (رونه سانس) نامنی آلان دورانتباه، (ردفورماسیون) تسمیه اولونان دور تجدد ، خریستیانلغك ادیان سائره یه، بالخاصه مسلمانلغه قارشى دویدینی بوعداوتی تخفیف ایده مه دی . مجدد (لوتهر)، مسلمانلغه هجوم خصوصنده ، اسلافی درجه سنده شدتله حرکت ایدیوردی . اونك نظرنده حضرت محمد ، - حاشا - مجسم شیطاندی ! لسان عبرانی تدقیقاتنك احیاسی ، اوروپاده خواص ویا عوامك یہودیگری قاتی یوره کلی ، انجیل محبتی ادراك ایده میه جك درجه ده حسسز بر جماعت تلقی ایتمکدن آلیقویمامشدی ! اون سکرنجی عصرک اورتالرنه قدر دوام ایدن بو حسیات ، خصومت و طرفگیریکه مستند آثار ابله بوس بوتون کوزوکه نمشدی خریستیانلغك بو اعتسافکار حرکتنه قارشى بکله نن طبیعی عکس العمل ، آجق اون سکرنجی عصرک اورتالرنده باشلادی . خریستیانلق کبی ، محبت دینی اولدیغنی سویله یین بر دینك تمامدیا قیلیج صاللامه سنده وقان دوکمه سنده کی مدهش تضاد غرب متفکرلرنی دیگر منتهایه ، یعنی بوتون اعتقادات دیتیه دن شبهه یه سوق ایتشدی .

فی الحقیقه اون یدنجی عصرده غرب متفکرلرندن بر قانچنك استقلال افکاری رهبر اتخاذ ایتمه سی ، اون سکرنجی عصرده خریستیانلغه قارشى بر عصیانك انفلاقنه مؤدی اولدی . باشده فرانسه اولق اوزره مختلف مملکتلرک محررلری صنف روحانی یه هجوم خصوصنده بر برلریله مسابقه ایدیور ، رهبانك دنی بر طاقم منافع اوغورنده انسانلری آلداندقلرنی ، خرافات آمیز حرکات و عقائدله خلقی ابدی اسارته دوچار اتمک ایسته دکلرنی سویله یورلردی . رهبان صنفنك غایت اعتسافکار بر خط حرکت تعقیب ایتمه سی ، خریستیانلغه قارشى مدهش بر عداوت تولید ایتشدی . یالکز بوعداوت خریستیانلغه منحصر قالمایارق بوتون ادیانه تشمیل اولونمشدی . بو صورتله روحانی صنفلرک اعتسافکار لغنی ، دینه عداوت جریانی تعقیب ایتدی . فقط ، بو عداوت جریانی ، اعتسافکار اراق جریاندن ده افنا و داهامصیبت انکیز نتیجه لر تولید ایتدی . چونکه انسانلر دینی عقائدله ایناندقلری مدنجه بشریتک یوکسک مقدراتنه اعتماد ایدیور ، بشریتک علویتنه ، بشریتک تعالیسنه اینانیورلردی . دینه عداوت جریانك ظهوریله بشریتی استحقار فکری ده تولد ایتدی . بو جریانه کوره بشریت ، بر یوزنده کچیردیکی بوتون حیات اثناسنده هپ آلدانمش ، هپ آلداتیلمش ، ضعیف ، بیچاره ، عاجز ، و بو اعتبارله آنجاق استحقاره شایان بر بشریتدی .

رهبان صنفك اعتسافكارغيله منورلك دینه عداوتی اون طقوزنجی
عصرک حلونه قدر دوام ایتدی . هرایکی طرف ، احراز فائقیت ایچون ،
بربرلیله مجادله ایدیورلردی .

بو مدهش مجادله نك عرض ایتدیکی منظره شو ایدی : اوروپاده بر
طرفده روحانی صنفلر ، بسله دکاری و مدافعه ایتدکاری عقائدك عقل و منطق
قارشیدسنده کی قیمتسزلیکنی ذره قادر قاله آلمایه رق اونلری استحقار ایدنلرله
مجادله ایدیور ، دشمنلرینی عذاب ایدی به لایق و مستحق کوریورلردی .
بونلرک بو خط حرکتی دین تدقیقاتنك حقیقی تحری شکلنی آلماسنه مانع
اولویوردی .

فقط بونلرک مخاصملری ده عینی نتیجه یه واریدیورلردی . چونکه بو مخاصملر
بشرك تاریخی جریاننه حاکم فکرلری تمامیله اهل ایدیور ، بشریتك فضائلنه
ذره قادر اینانمایور ، صنوف روحانیه نك فناقلرینی دینه عطف ایدیور ،
بو صورتله دینك منشأی و ماهیتی حقنده اساسلی و درست بر تدقیقه اساس
تشکیل ایتکدن چوق اوزاق نظریه لرله اورتایه آتیلیورلردی . « تاریخی
تدقیق و تحقیق » فکرندن کلیاً اوزاق اولان بو آداملر آنجاق پاپاسلرک
فناقلرینی ، آنجاق روحانی صنفلرک یابدقلرینی کوریور ، دینی فکرلرک ،
دینی مفکوره لرک ، دینی تشکیلاتك بشریت اوزرنده اجرا ایتدیکی تأثیری
کلیاً اهل ایدیورلردی .

انتباه و تجدد دورلرینه تقدم ایدن زمانلرده صنوف روحانیه نك
اعتسافکارلنی پك غریب کورونمزسه ده انتباه دورنده خصومت ذهیتنك بو
شکلده حکمران اولماسی پك غریبدر . چونکه او زمانده سیاحت و کشفلر
سایه سنده دنیاده کی دینلر و حرثلر حقنده کی معلومات آرتمشدی ، بوندن
دولایی هیچ اولمازسه متفکر صنفك افق رؤیتنده بر آز وسعت کورولمسی
ایجاب ایدردی . حال بوکه بونی کوستره جك هیچ بر اماره یه تصادف
ایده میورز . قرون وسطانك اعتسافکارلنی اورویایی نچه لرنده صیقمش ، اک
بویوک آداملر صیراسنده طاینانلر بیله بو تأثیرلردن قورتولاماشلردی . او
زمانك اعتسافکار و کور کورینه متعصب ذهیتنی هر کسدن فضله (لوتهر)
تمثیل ایدر . (لوتهر) کندی دینندن باشقا هر دینه تعرض ایتشدر .
(لوتهر) ک یازیلرینی تدقیق ایتدی کمز تقدیرده اونك مثلاً ادیانك تنوعنده کی
سر و حکمتی بر نبذه جك دوشوندیکی افاده ایده جك هیچ بر شی
بولامایز .

(لوتەر) مسلمانقله ده مشغول اولمش ، مسلمانلق اونك خایلیدن خایلی به نظر دقتی جلب ایتشدی . فقط (لوتەر) بو مشغولیتنده آنجاق اعتسافکار ذهنیتك تأثیرینه رام اولدیغندن (۱۵۴۲) ده قرآنك بعضی پارچالرنك ترجمه لرینی نقل ایدهرك بونلری کویا رد و جرحه اوغراشمشدی . فقط (لوتەر) ك بوتون بو تدقیقاتی ، منحصرأ تعصبك ، منحصرأ اعتسافکارلنك قویو و مستهجن بر افاده سیدر . مثلاً (لوتەر) ك قرآن علیهنده یازدیغی اثرك سر لوحه لری ، اونك نه ماهیتده بر آدم اولدیغنی کوسترمکه کفایت ایدهر . بو سر لوحه لر اچنده شونلری کوریورز : « محمدك قرآنی وحشیانه در » ، « قرآنده کی یالانلر » (لوتەر) ك اثرنده توحید عقیده سنك اك بویوك ناشری (شیطان) ك پرستشکاری اولارق توصیف اولونیور . (پاپا) ایله « تورك » ك برلشمه لرندن دجالك حصول بولدیغی آکلاتیلیور . چونکه ، اوکا کوره ، وحشی بر جاناوارك هم بدنی ، هم ده جانی واردر . دجالك جانی « پاپا » ، ائی ده « تورك » در ! (لوتەر) بر الهمیسنده شوسوزلری سویلیور : « یارنی ! کله کله و امید کله بزنی صیانت ایت ، مسلمانله پایایی محوایله ! » (لوتەر) ك ماهیتنی کوسترن بو سطورلر ، اونك نه قراطده بر آدم اولدیغنی آکلامه کفایت ایدر . (لوتەر) ك اك صاف و اك تمیز « توحید » ی ، الوهیت حقنده اك یوکسك تلقینی پرورده ایدن مسلمانلری « شیطان » ك پرستشکاری طانیماسندن و اوپله طانیتماسندن اونك نه قادر کور ، نه قادر وحشی بر تعصبه اسیر اولدیغنی در حال آکلاشیلیر . یوز میلیونلرجه انسانك هدایت و نجات منبعی طانیدیغنی بر دینی ، بو قادر جاهلانه و بو قادر متعصبانه بر کوروشله تحقیر و تزییف ایتك ، تجدد دورینك روحانی تیبلری حقنده بر فکر ویرر .

روحانی صنفلرک مسلماناغه قارشى آلدقلى بو وضعیتی کوردکن صوکرأ بو روحانی صنفلره قارشى عصیان ایدن متفکرلرک حالنه بر نظر عطف ایتك ایجاب ایدر . شبهه سز غربده دینه عداوت جریانك اك قوتلی ممثلی (وولتەر) در . (وولتەر) حضرت محمد حقنده کی تلقیسنی (ماهومهت) یعنی (محمد) یاخود (متعصب) عنوانی ویردیکی فاجعه سننده افاده ایدهر . شایان حیرت بر نقطه (وولتەر) ك حضرت محمد حقنده کی تلقیسنده (لوتەر) له برلشمه سیدر . مثلاً (وولتەر) کبی حر بر متفکر ایله (لوتەر) کبی بر دین مجددی حضرت محمدی - حاشا! حاشا - ساخته کار عد ایتکده برله ش- یورلردی . فقط وولتهرك ذهنیتی ، (لوتەر) ی ده حضرت محمدله برابر ساخته کارلر زمراه سنه ادخال ایتدیکی کبی ،

لوتھرک ذہنی دہ وولتھری حضرت محمدہ برانکدہ کفار زمرہ سنہ الحاق ایدیوردی ! اونکدہ تصویر ایتدیکی محمد، (لوتھر) ک تصویر ایتدیکی محمد کبی - حاشام حاشا - حریص، حیلہ کار، خسیس مقصدلر اوغورنده هرجرمی ارتکابه آماده بر آدامدر . (وولتھر) ک کویا حضرت محمد دیه تصویر ایتدیکی شخصیتک تاریخ نقطه نظرندن اصلی یوق ، وجودی یوقدر . اساساً (وولتھر) ک منسوب اولدینی فکر مکتبی ، تاریخی تبس و تدقیق ایتهمش، بلکه دینه عداوت سوقیله بشرک تاریخی حقه باز اویوننه چه ویرمش ، دین تاریخنه نفوذدن عاجز اولدیغنی کوسترمش، بالنتیجه بو دین دشمنی متفکرلر، رهبان صنفی قدر ، تدقیقات دینییه و حقائق دینیهک ظهورینه مانع اولشلردر .

بر طرفدن رهبان صنفی ، دیگر طرفدن دینه دشمن متفکرلر اوزون اوزادییه دوکوشدکن صوکرادین تدقیقاتنده « تاریخ » ی رهبر اتخاذ ایدن مکتب ظهور ایتدی . بو مکتبک عمومی بر قبوله مظهر اولماسی شرفی ، اون طقوزنجی عصره عائد ایسهده ، اونک مبادیسی دینه عداوت جریاننک حاکم اولدینی اون سکزنجی عصردهدر . بو مکتبک حقیقی مؤسسی آلمان (فون هردر) در . ۱] آلمان دماغنک جدیتی . فرانسر مادیوننک دینه قارشی تولیدایتدکاری عداوته عصیان ایتمش، دیگر طرفدن اون سکزنجی عصرده ، انکلتزهدن زیاده ، آلمانیاده تأسس ایدن تحری حریتی ، تدقیقات دینیهک سالم بر شکاده انکشافنی تأمین ایتشددر . بز بو صفحهک یالکز بزہ تعلق ایدن قسمیله علاقه دار اولدیغمز ایچین شونی سوبله مکله اکتفا ایده جکز : تدقیقات دینیهده تاریخ و علمی رهبر اتخاذ ایدن مکتبک تأسسندن و کوک سالماسندن صوکرغرب عالمنده حضرت محمد ایلہ مسلمانلق حقنده کی فکر وقناعتلرک دیکشمکه ویوکسلمکه باشلادیغنی کورورز . بونک اک جانلی مثالی (قارلایل) ک اتریدر . (قارلایل) ک ۱۸۴۱ ده انتشار ایدن « قهرمانلر » عنوانلی اثرینک ایکنجی فصلی « پیغمبر صفتنده قهرمان » سرلوحه سی آلتندهدر وحضرت محمددن باحثدر . انکلیز متفکری ، رسول اسلامک حیاتی و سنجیه سنی تحلیل ایتدکن باشقا احراز ایتدیکی موفقیتلرله اونک حقیقی ماهیتنی ایضاح ایتکدهدر . (قارلایل) ه کوره اون ایکی عصر یوزلرجه میلیون انسانه حیات رهبرلکی ایدن بر انسان ، اوروپالی محررلرک دیدیکی وتلقی ایتدیکی کبی ، بر

ساخته کار اولاماز . حيله کار بر متعصب ، حضرت محمدك احراز ابتدیکی موفقیتلری قازاناماز . آنجاق ایمان صاحبی بر انسان ، باشقالرینه ایمان نفخ ایده بیلیر . حضرت محمد ، انسانلره رهبر اولق اوزره دوغمشدر . یوقسا اوکا بر کیسه اتباع ایتزدی . حضرت محمد مفکوره لرینه صادقدی . چونکه « ساخته کار بر آدام ، بر دین دکل آ ، کرپچدن بر او بيله وجوده کتیره من! » قارلایل ، حضرت محمدی بو طرزده محاکمه ایدرک دورنده حضرت محمد حقنده معلوم اولان هر شیئی یازمشدر . اوزمار اوروپاده حضرت محمد حقنده وقوع بولاجق تدقیقات ایچین شایان اعتماد مأخذلر آزدی . بناءً علیه (قارلایل) چوق قوتلی اولان بصیرت تاریخیه سیله حرکت ایدرک بر چوق اساس سز زوایتلری ، ابله فریبانه حکایه لری رد و جرح ایتشددر . بو صورتله غرب عالمنده ایلک دفعه اولق اوزره ، حضرت محمدك حیاتی تاریخی بر شکلده یازیلشدی . بر « سیرت نبویه » اولق حیثیتیه (قارلایل) ك اثری ، اوروپاده بيله بو کون حائز اهمیت ده کلدر . چونکه ، عربجه ايله یازیلان امهات آثار آوروپا لسانلرینه ترجمه ایدیلرک نشر ایدلمش بولونیور ، بو یوزدن غرب محررلری (قارلایل) ك یا کشلرینی کندی الاريله تصحیح ایدیورلر . فقط حضرت محمده عائد تاریخی برتلقی اولق اعتباريله (قارلایل) ك اثری قیمتی بحفاظه ایتکده در .

(لوتهر) ك قرآنه قارشی یازدینی چیرکین اثر ، (وولتهر) ك حضرت محمد حقنده یازدینی قورقونج فاجعه ، برده (قارلایل) ك (پیغمبر صفتنده قهرمان) عنوانلی اثری یان یانه کتیریلیرسه غرب عالمنك مسلمانلغه و حضرت محمده دائر تلقیاتنده کی محولاتی قاورایه بیلیرز .

فقط پوقاریده سوبله دیکمز کی (قارلایل) ك اثری یا کشلرله دولودر . (قارلایل) بالخاصه قرآن کریمی هیچ آ کلاماش ایسه ده بو نقصانلرک مهم بر قسمی ده اونی تعقیب ایدنلر تلافی ایتشددر . نته کیم اثرینی ترجمه ایتدیکمز مستر (ده وه نیورت) سیرت محمدیه نك کوزه لکنی ، معالی و بدایع قرآنبه یی ، قرآنك روح اخلاقیسنی تجلی ایتدیرمکه چالیشمش و حضرت محمده قارشی وقوع بولان بهتانلری رد ایتشددر .

کورولیورکه مستر (ده وه نیورت) ك اثری مهم بر حرکت علمیه نك محصوللر ننددر . بو حرکت علمیه ، انکشاف ایتدکجه اسلامك محاسن و فضائلی ده بو نسبتده تجلی ایتکده در .

بو سوزلرمن یا ککش آ کلاشیلاما لیدر . مقصدیمز ، غربده ، اسلام

دشمنانك زائل اولديغنی سويله مك دكلدر . خاير ، بو عصر ديده عداوت بو
 بوتون بوتون زائل اولمقدن چوق اوزاقدر . ميسيونه رلك نامی آلتنده چالیشان بو
 سورو تشکیلات هر کون افکاری تغلیط و وجدانلری تشویش ایله مشغول
 اولوبور و هر کون یکی یکی اثرلره بووظیفه سنی ایفاده قصور ایتبور . شبهه سز
 بو اثرلر سوء تفهملری ادامه یه خدمت ایتکده در . بزیا لکز علمی و تاریخی
 تحقیقاتک مطلقا لهمزه انکشاف ایده جکنی سويله مک ایستیورز . بزم علمی
 و تاریخی تحقیقاتدن ذره قادر اندیشه من یوقدر . بزم قووقومن ، تعصب
 وجهالتدن در . تعصب و طرفکیرلکدن آزاده تدقیقات ایلمله دجه ، مسلمانلر
 حقنده بسله من حقسنز خصومتلرده قوتلی ضربه لره اوغرامقده در . هیچ شبهه سز
 حقیقت ، اطرافنی صاران اوهام و خرافات بلوطلرینی تارمار ایدرک بر کون
 کونش کبی دوغه جقدر .

بو کون قارئلریمزه تقدیم ایتدی کمز اثر ، حق و حقیقته بووادیده خدمت

عمیر رضا

۱۲ ایلول ۱۹۲۸

ایدن اثرلرک بریدر .

مؤلفك، قهرمسی

بو صحیفه لر ، سیرت محمدیه بی باطل اسنادلر و متعصبانه تجاوزلردن تجرید؛ حضرت محمدك بشریته اك خیرخواه انسانلردن بری اولدینی دعوی محقی تأیید ایچین وقوع بولان ناچیز ، فقط صمیمی بر تشبدر .
کور بر تعصبك تأثیری آلتنده قالارق « توحید عقیده سنی » احیایدهن ذاتك صیت بلندینه تجاوز ایدهن محررلر ، حضرت مسیحك اك قوتلی و اك مؤكد صورتده تلقین ایتدیکی روح شفقته کلیاً یابانجی اولدقلرینی کوس-ترمکله قالمشدر ، بوندن باشقا ، محاکمه لرنده خطا ایتمشلردر . چونکه أدنی بر تفکر ، رسول اسلامك خریستیانی و عصری بر نقطه نظرده ده کل ، شرقی بر نقطه نظرده تنقید اولونماسی لازم کلدیکی کوسترر . تعبیر دیگرله حضرت محمد ، عربستانده میلادك یدنجی عصرنده ظهور ایدهن دینی بر مجدد و بر شارع اولارق دوشونوله لی و محاکمه ایدله ایدر . او زمان حضرت محمد هیچ شبهه سز ، بوتون جهانده ظهور ایدهن اك نادر و اك علوی دهالردن بری ؛ هیچ اولمازسه ، آسیانك اولاداغیله افتخار ایتدیکی اك بویوك انسان اولارق قبول ایدیلیر .

محمدك ظهورندن مقدم عربلرک نه حالده اولدقلرینی ، ظهورندن صوکارا وضعیتلرینك نه درجه تبدل ایتدیکنی نظر دقنه آیر ، بوندن باشقا عقائد اسلامیه نك یوزلرجه میلیون انسانك قلبنده اویاندر دینی شوق و هیجانی دوشو-نورسهك بو قدر خارق العاده و بو قدر بویوك انسانه قارشى حیرانلغمزى کتم ایتهنك اك آشکار ظلم اولدیغنی طویمه مغه امکان قالماز . بعثت محمدیه بی کور تصادفه عطف ایتك ايسه قدرت السیه نك کائناتشمول حاکمیتندن شبهه ایتکدن باشقه برشی ده کلدیر .

مؤلف برقاچ نقطه ده ، بو قدر مراقلی ، بو قدر مهم بر موضوعی لایق اولدینی اهمیتله افاده خصوصنده کندى قدت پیاننه اعتماد ایتهدیکی زمان ، باشقا محررلرک فکر و بیانندن استمداد ایتمشدر . فرصتدن بالاستفاده بوزواته صمیمی و منتدارانه تشکراتمی تقدیم ایدرم .
دهوه نیورت

بہ نغمی قسم

حضرت محمدؐ کی حیات

برنجی فصل

حیات محمدیہ نیک موثوقیتی۔ محمدک زمان تولدندہ عربستانک احوالی۔ عربلرک دینی۔ موسویلکک و خریستیانلغک تردیاتی۔ حضرت محمدک زمان تولدی۔ حضرت عیسانک نہ زمان دوغدیغنک مشکوکتی۔ حضرت محمد، نسل اسماء۔ عیلنددر۔ کنبہ و حجر اسود۔ (بورقہارت) ک سوزلری۔ ختان محمدی۔ عیسانک اون ایکی غلافی (ہامش)۔ آمنہک ارتحالی۔ حضرت محمدک شفقت بنوتکارانہسی۔ محمدک سوت والدہسنہ شکران منتدارانہسی۔ محمدک عمجہسیلہ برلکدہ تجاری سیاحتلری۔ چولده ماجرالر۔ حضرت محمدک زنکین بردول اولان حضرت خدیجہ ایلہ ازدواجی۔ شخص محمدینک ایکی تصویرى۔ حیات محمدیہ نیک حیات یسوعہ مشابہ دورى۔ محمدک مقوم و متفکر حالی۔ جبریل امینک ظہورى۔ حضرت محمدہ رسالتنک تبلیغی۔ تجلیات مثالیہ کورده نلرہ دائر ملاحظات۔ ایلک مؤمنلر۔ عدم موقیت۔ معجزہ طلبی و بوطلبک ردی۔ حضرت محمدک وزیرى حضرت علی۔ محمدک نبشیرات علنیہسی۔ عمرک اہتداسی۔ حضرت محمد ابلہ آرقداشلرینک اوغرادقلری اعتسافات۔ ایلک ہجرت۔ حبشستانک مهاجرلری حمایہسی۔

مشہور پیغمبرلرلہ فاتحلر آراسندہ، تاریخ حیاتی حضرت محمدک تاریخی کبی، اک اینجہ تفرعاتنہ قدر اک موثوق شکلدہ قید و ضبط اولونان بر کیمسہ کوستریلہ من۔ فی الواقع حضرت محمدک تاریخی، آسیالی محررلرک مبالغہ لرندن تجرید ایتدیککز تقدیردہ کریدہ قالان تفصیلاتک محض حقیقت اولدیغنی کورورز۔

حضرت محمدک زمان تولدندہ عربستانک بویوک برقسمی، اجنبیلرک بویوندروغندہ ایکلہ یوردی۔ عربستانک شمالی اقسامی کبی، سوریه، مصر و فلسطیندہ بیزانس ایمپراطورلغنک حاکمیتنہ داخلدی۔ بصرہ کورفزینک ساحللری، دجلہ و فرات نہرلرینک اروا ایتدیکی ساحہ ایلہ جزیرہ نیک اقسام جنوبیہسی، ایران کسرالرینک نفوذی آلتندہ ایدی۔

بحر احمر ساحلنك (مكه) نك جنوبنه قادر اوزانان بر قسمى
 حبشستانك خريستيان حكمدارلرينه تابعدى . انجق (مكه) ايله
 عربستانك يتيشلمز اقسام داخلهسى استقلالنى محافظه ايديوردى .
 مملكتك سياسى مقدراتى ، اهالينك عقائد دينهسنى واسع
 بر مقياسده تجلى ايتديريوردى . زرده يونانيلرله حبشيليرك نفوذى
 حاكمسه اوراده خريستيانق متفوقدى . يكديكريله جدال ايدن ايكى
 اساسى قبول ايدن مجوسيلكله مانيلك [۱] ايرانه تابع حواليده حاكمدى .
 اوتنه طرفدن ، بت پرستك بى پايان بر سطوتى حائزدى . اول امرده
 عربلر ، ىرى و كوكلرى يارادان ذات اعلايه پرستش ايديوركن
 جالآخره بو عبادتى ترك ايدرك سيارات و ثوابتده مقيم وير يوزنى
 اداره ايتمكده اولديغنه اعتقاد ايديلن پريلره واللهمك اوغللرينه طانمق
 ايجون معبدلر انشاسنه باشلامشردى . فقط الآهله ، عربستانك
 هر طرفنده شايان پرستش كورولم يوردى . هر قيله نك ، هر عائله نك
 كندينه مخصوص الآهله و اوردى . بونلرك اوغورنده انسانلر بيله
 قربان ايديليردى . عربلر حيات آخرته ، ياخود خلقت عالمه اعتقاد
 ايتمزلر ، كائناتك ابداعى « دهره » ، جهانك مستقبل اضمحللانى
 « زمان » عطف ايدرلردى . فسق و فجور ، غصب و غارت

[۱] مانيلك (مانى) طرفندن اوچنجى عصر ميلاديه غربى آسياده
 تاسيس اولونان ديندر . تصوفى و اثنانى برماهيتى حائز اولان مانيلك وجود بشر
 مسئله سنك حلى استهداف ايدر . بو مذهب ، پارسى مابعدالطبيعاتيله بودياكلك
 اخلاقياتندن ، بابلك اساطيرندن ، و خريستيانلغك بعض عناصرندن متشكل عد
 اولونيور . اثنانيلك ، ضيا و ظلمتدر . بو دينه كوره رها ، كائناتك ماهيت
 حقيقيه سنى ا كلامله ، ضيا روحنك ظلمت ماده سندن آيريلماسيله قابل حصولدر .
 مانيلك كوره حضرت مسيح ، ضيا روحنك برسوليدى . يالكز حواريلر
 اونى يا كلش برشكلده ا كلامشردر . مانى ، انجيلده اشارت اولونان (پاراقليط) ك
 كنديسى اولديغنى سويلردى .

متعمدی . اولوم ، حیانتك قطعی نہایتی تلقی ایدیلدیکندن نه فضیلتہ بر مکافات ، نهدہ رذیلته بر مجازات طاینمازدی . بوکا مماثل دینی واخلاق بر انحطاط برچوق زمان مقدم عربستانده یرلشن وچوق قوتلی فرقه لر تشکیل ایدن موسویلرله عیسویلر آراسنده مشہود ایدی . یہودی لر ، رومالیلرک اعتسافندن قورتولمق ایچون پوپناه حریتہ التجا ایتشلردی . خریستیانلر ، (اوتاریخ) ۱ [ک طرفدارانی اولان نسطوریلرک روا کوردکلری قتل عاملردن ، آریوس طرفداراننک جدلارندن خلاص بولمق ایچون بورایه ہجرت ایتشلردی . بودورده کی خریستیانلغک حالندن دها شایان تلہف برحاله دسترس اولمق قولای دکدر . ۲]

آسیا و آفریقاده کی خریستیان کلیسالرینک پریشان شعبہ لری اختلاف ایچنده یوزیوردی . بونلر بررینہ قارشی اک وحشی اعتزاللری ، اک قورتونج خرافہ لری قبول ایتشدی . آریوس طرفدارانیلہ سابیلیانلر ونسطوریلرله (اوتاریخ) طرفدارلری آراسنده وقوع بولان دائمی مجادلات ایله خریستیانلق تارمار اولمش ، رهبان صنفی آراسنده شایع اولان معجزہ تجارتی ، افراط فجور ، عمومی باربارلق و جهالت ، خریستیانلق نامہ بویوک برذالت تشکیل ایتمش و بوتون

۱ [بشنجی عصر میلادینک مشہور یونانلی ارباب اعتزالندن (اوتاریخ) مسیحک لاهوتی وناسوتی ماہیتلرینک اتحادندن صوکرہ بر ماہیت تشکیل ایدہ جک درجہ ده امتزاج ایتدکلرنی ، بر دکز برقطرہ بی ناصل نابود ایدرسہ مسیحہ عائد ماہیت بشریہ نک ماہیت الہیہ طرفندن اولہ جہ تمثیل اولوندیغنی بیان ایتشدر .

۲ [بروس ، سیاحتنامہ سنده دیرکہ : « فی الحقیقہ آباء عیسویتک تردیسی خلقی کندیلرندن اوزاقلاشدیرمشدی ، بونلرک یالانلری ، خرافہ لری ، عزیزلری ، معجزہ لری ، وبالخاصہ رهبانیت آدابہ مغایر حرکاتی عربستانده بولونان خریستیان کلیسالرینی پک الیم بر وضعیتہ دوشورمشدی . »

خلقك تربيه سنى افساد ايدهن بر ماهيت آلمشدى. عربستان چوللرى
 جاهل و مجنون منزويلر و صومعه نشينلرله دولمشدى. منزويلر، عمرلرينى
 يهوده، فقط مجنونانه تخيلات ايجنده امرار ايتد كدن صو كرا باشلرينه
 طوپلادقلىرى آياق طاقيله برابر و ا كثر يا مسلح اوله رق شهرلره آقبن
 ايدرلر، كليسا-الرده، تخيلات مجنونانه لرينى افاده ايدهن نطقلر ايراد
 ايدهر ك قيليج تهديديله بونلرى هر كسه قبول ايتد ر م ك ايسترلردى .
 حضرت مسيح طرفندن تلقين اولونان حكيم و قدیر، رحمان و رحيم،
 بى نظير و بى شريك بر اللهه عبادتى افاده ايدهن ساده عقیده نك، و وقعنى
 اك چير كين بت پرستلك غصب ايتمشدى. اسكى عالم شركك الآهلىرينه
 بدل، شهدا، عزيزان و فرشتهلردن متشكل بر جم غفير ايله مسكون،
 يكي بر اولمپ وجوده كتيرلمشدى. اويله بر طاقم مذاهب خريستيانيه
 توره مشدى كه آللهلره شايان اولان صفات و احتراماتى (يوسف نجار) ك
 زوجه سنه بخش ايدهر جك درجه ده حجیل حر كاتده بولونمشدى . [۱]
 حضرت عيسا نك آنجوق حى و لايموت اولان اللهه عبادت ايتلرينى
 توصيه ايتديكى انسانلرك نظر نده اك حرارتلى پرستشه لايق كورولان
 شيلر، بر طاقم متروكات ايله، اويمه، يا خود رنگلى رسملر اولمشدى .
 اسكندر يه ده، شام و حلبده كى كليسالرك منظره سى بوندن عبارتدى .
 بعثت محمديه هنگامنده بونلرك هپسى اساسات دينه لرينى ترك ايدهر ك
 اهميت تاليه بى حائز نصوص اوزر نده بيتمز تو كنىز منازعه لره دوشمشلردى .
 عربستان خالقى ايسه، بونلرك، هر عقیده دينيه نك اك اساسلى نقطه سى
 اولان جناب حقه صاف و صميمى عبادت اساسندن تباعد ايتدكلرينى
 كورويور و اك چير كين، اك وحشى خرافات پرستلك اعتباريله مشرك

[۱] مريميلر تسميه اولونان اهل مذهب، (روح القدس) ك يرينه
 (مريم بتول) ي اقامه ايدن يكي بر تثليث وجوده كتيرمكه تثبت ايتمشلردى .

معاصر لریله همعیار بولونیورلردی .

حضرت محمد ، مکده تولد ایتمشدر . اک صحیح قوله کوره ،

رسول اسلام ۱۰ تشرین ثانی ۵۷۱ سنه سنده دوغمشدر . [شایان

دقتدر که حضرت عیسانک زمان تولدی اطرافنده اک درین شبهه لر

حاکمدر . آلتنجی عصر میلادینک مبادیسنه قدر ، حضرت عیسانک

تولدی ، تقویم وقایعجه مجهول قالمش ، آنجق بو صیرالرده ایمراطور

(ژوستینیئن)ک دورنده رومالی بر راهب اولان (بوسینوس ا کسینوس)

طرفندن بو مسئله چیقاریلمشدی . بونی متعاقب ، (نوسه ییوس) ،

(تهرتولیان) وباشقالری طرفندن یاپیلان اوزون ومتناقض حسابلر ،

شومعمایی تولدا ایتمشدی : «حضرت عیسا قبل المیلاد ۳۹۹۹ سنه سنده ،

بعدمیلاد بش سنه سنده دوغمشدر .»

حضرت محمدک اجدادیله اقرباسنک ، کرک داخلی ، کرک خارجی

معاملات اعتباریله مملکتلرینک امراسی عد اولوندقلری ، درایت

واستقامتله تدویر امور ایتدکلری آکلاشیلهمقده در . بالآخره ، عصای

حاکمیت ، عربستانک اک نفوذلی قبیلهلرندن اولوب حضرت اسماعیلک

نسلندن اولدینگی سویله نیلن واویله اولان قریشک دها کوچوک بر

فرعنه انتقال ایتمشدی . فی الحقیقه عرب مورخلری حضرت محمدله

حضرت اسماعیل آراسنده کی جدلری صایمقده اختلاف ایدیور ،

بونلرک بر قسمی ۶۰ جد صاییورسه ده هپسی اسماعیلک احفادندن

اولان عدنان ایله محمد آراسنده (۲۱) جد بولوندینگی افاده خصوصنده

برله شیورلر . اختلاف ، آنجاق ، عدنان ایله اسماعیل آراسنده کی

اجداده منحصردر .

(مکه) نک رؤسای ایله کعبه نک محافظلری بش نسل مدتله

[۱] مصرلی هیئتشناس (عمود فلکی) پاشانک اوزون ودقیق حسابلرینه

کوره حضرت محمدک تولدی ۵۷۱ سنه سنک ۲۰ نیسانه تصادف ایدر . مترجم

بو قريش قبيله سندن انتخاب اولونمقده ايديلر . حضرت محمدن مقدم
 (كعبه) ، بت پرست عربلر طرفندن برابى حج و برابى عبادت
 زيارت اولونيوردي . و بر سنه قريه نك كونلرى عددنجه ، (۳۶۰)
 تى احتوا ايدىيوردي . كعبه ، بالخاصه حضرت ابراهيم و اسماعيل
 طرفندن انشا اولونمق ، حقى تنزيه و تجليل اچون انسان اليه تشييد
 اولونان ايلك معبد شهرتى حائز اولمق حيثيتيله حرمته شايان كوروليوردي .
 يونانيليرك (ده لفي) معبدى كبي ، كعبه ده ، بوتون عرب ملتلك
 قبله كاهى ايدى . عربلر ك فضلده قيمت ويردكلرى ك ممتاز صفت
 اولان بلاغت و شاعر يتله اشتهار ايدنلر بورايه كليرلر و حافظه لرده پايدار
 قالمغه لايق شعرلر كعبه نك جدارينه آصيليردي . كعبه نك بك اسكى
 زمانه عايدىتى ، تاريخه كوره معبد سليمان دن ۹۹۳ سنه و تاريخ ميلاديدن
 ايكي بيك سنه مقدم تاسيس اولونماسى ، حائز اولديغى حرمتى قات
 قات آرتديريوردي . معبدك جنوب غربى گوشه سنده كوموش بر
 محفظه اچنده طوران يردن دوت قدمه يوكسكده اولان بر طاش
 واردى . مسلمانلرجه آدمله برابر جنتدن دوشديكى و اونك طرفندن
 ياصديق اولارق قوللاينلديغى سويله نين بو طاش ، اهل اسلام نظرنده
 بويوك بر اعتبارى حائزدر .

عرب محررلرى ، پيغمبرك زمان تولدنده وقوع بولان حادثاتى
 ك كوچوك تفرعاتنه قدر تصوير و تفصيل خصوصنده بر برلريله مسابقه
 ايدرلر . بونلر ك بياننه نظراً مولد نبوى اثناسنده متعدد خارقه لر
 وقوع بولمش ؛ سما ، خارق العاده بر نور ايله آيدينلامش ، ساوا كولى
 درحال قورومش ، بيك سنه دن برى هيچ سونمه دن يانان ايرانليرك
 مقدس آتشي درحال سونمشدى . [۱]

[۱] « عصر سعادت » عنوانلى اثر يمزك برنجى جلد ينك (۱۸۸۸-۱۸۸۹)
 صحيفه لرنده بو مناسبتله شو سوزلر سويله نيور : « يقيلان سراى كسرانك

حضرت محمدك پدری عبدالله ، والدوسی آمنه در .

محمدك تولدی اوزرینه آمنهك برمنجم اولان برادری چوجونك طالعه باقش ، اونك یوكسك بر نفوزه مالك اولاجغنی ومعظم بر دولت قوره جغنی سویله مشدی . مولد نبونك هفته سنده ، محمدك جدی عبدالمطلب ، قبیله سنك رؤسایسه بر ضیافت ویرمش ، ضیافت اثناسنده چوجوغنی ملتك طلوع ایدن شان و شرفی عد ایدرك تیمناً اسمنی « محمد » قوم مشدی . [چوجوق ایکی یاشنه وارمادن پدری ارتحال ایتمش ، وکندیسنه آنجاق ایکی دوه بر قاچ قویون و بر سیاه جاریه میراث بیراقمشدی . آمنه ، چوجوغنی امدریوردی . فقط قادینك دوچار اولدیغنی ا کدار کوکسنك منابعی قوروشمش اولدیغندن اوغله بدویلر آراسنده برسوت ننه سی آرامق مجبوریتنده قالمشدی . بودوی قادینلرک ایفا ایتدکلری خدمت مقابلنده بویوک اجر تار طاب ایتمکده اولمالرینه مبنی ، بر سودنه بولمق مشکلدی . بدوی قادینلرک بر چوغی

سرای ده کل ، بوتون ایرانك سلطنت واحتشامی ، بیزانسك سطوتی و چینك عظمتی ایدی . سونن آتش ، مجوسیلرک آتشکده لرنده برلایان آله ولرده کل ، بوتون دنیاده کی کفر والحاد آتشی ایدی . وقورویان ساوا کولی ده کل ، بت پرستلک تحکمی ، زردشتیلرک قوتی وخریستیانلغک تحکمی ایدی .

[بعض اسلام محررلری ، حضرت محمدك مختوناً بولد ایتدیگنی بیان ایتمکده درلر . (غریبوس بیکانوس) مسیحک ختانی حقنده شایان دقت معلومات ویریور . ایلک اهل مصلیب محاربه سی اثناسنده (غودفروا دو بویون) (آنتوهرپ) قادینلرینک (تهرس) نامی آلتنده (پریابوس) عبادت ایتدکلرینی نبر آلمش ، بونك اوزرینه کندیلرینه عیسانك غلافلرندن برینی کوندهرک اونلری بوکی خرافاتدن قورنارمق ایسته مشسه ده موفق اولاماشدی . مسیحک حالا اون ایکی غلافی بولوندیغنی سویله نمکده در . بونلرک بری قولومبوس راهبیلرینک النده ، ایکنجیسی (شارو) کلیماسنده ، اوچنجیسی هایلدشام ، دردنجیسی روماده سن ژان ولاتران کلیماسنده ، بشنجیسی (آنتوهرپ) ده ، آلتنجیسی (بویون وهلار) ده ، نوتردام کلیماسنده وسائره .

بو كه چوك ميراث صاحبك والدهسى طرفندن وقوع بولان تكليفى رد ايدىيورلردى . نهايت سعديلردن بر چوبانك زوجەسى ، شفقت حسنه رام اولارق، محمدى، مكەك شرقندە واقع اولان طائف داغلك كزىلردن برندەكى اوينە آلوب كوتوردى . محمدك بو عائلە آراسندەكى اقامتى اوزامامش، چونكه چوق كچمەدن اوموزلرى آراسندە كورولن بر خاتمك جنلر ويا پريلرك اثرى اولديغى تخمين اولونارق قورقويوزندن مكەدەكى والدهسنە اعادە اولونمشدى . [۱]

حضرت محمد آتى ياشنە باصديغى زمان والدهسىلە يثربدەكى بر اقربايى زيارتن عودت ايدىيوركن والدهسنى دە ضايع ايتمش ؛ آمنە مدينە ايلە مكە آراسندە بر كوى اولان (آبا) يە دفن ايدىلمشدى . پيغمبرك حساسيتنى ، اونك صوك دم حياتنە قدر والدهسنك مزارينى بر مطاف توقير اتخاذا ايمەسى قدر هيچ بر شى ايضاح ايتمز . شنبه يوق كه ، اونك ، حياتنك ايلك دورندە دوچار اولديغى بو ضياع ، بالا آخرە اوندە تظاهر ايدن ملول ومفكر سيجيە يى اوكا بخش ايتمشدر . عمرينك يدجى سالندە ايكن حضرت محمد ، دوچار اولديغى ضياعك وخامتنى تقدير و اوكسوزلكنك كوكلندە توليد ايتديكى بيكسلكى حس ايدىيورلردى . قرآن ، بو نقطه يى موضوع بحث ايدىيوركن حضرت محمدك نائل اولديغى الطاف الہيه وصيانت رحمانيه يى يادايدرك « جناب حق سنى اوكسوز بولوب ايوا ايمەدىمى ؟ » دير .

[۱] محمدك سوت والدهسىلە مدت اقامتى پك قيصه اولاسنە رغماً كنديسى سود آناسندن كوردىكى شفقتى دائماً منتلە ياد ايدە كلشدر . حلیمه، حضرت محمدى خديجه ايلە ازدواجندن صوكرامكەدە زيارت ايتمشدى . او سنە چوق قورافلق اولمش؛ حيوانلر اولمشدى . حضرت محمد خديجه يە سود نەسندن بحث ايتمش ، و بالنتيجە بر تحت روانى طاشيمغە مقتدر بر دەوہ ايلە قرق قويون ويريلمش، حلیمه ممنوتاً عودت ايتمشدى . ديكر بر زيارتنده محمد عباسنى يامش وحليمه يى اوتورمشدى .

عمرینک دیگر بر دورنده حضرت محمد، مدینه دن حدیبیه کیدیورکن آنه سنک قبرنی زیارت ایتشدی. آمنهک اوراده مدفون اولدیغنی بیلمهین بعض اصحاب، پیغمبرک آجی آجی آغلادیغنی کورونجه کندیسنه نیچین آغلادیغنی ضرورولش وشوجوابی المشرودی: «بوراسی عزیز والدهمک قبریدر. حق تعالی بکا اونی زیارته رخصت ویرمشدر. جناب حقدن والدهمه دعا ایچون اذن ایستهم. قبول بویورمه دی. والدهمی خاطر لایجه اونک عزیز ورقیق خاطره سی بنی مغلوب ایتدی ده آغلام.»

والده سنک ارتحالی متعاقب چوجوغه باقق وظیفه سی، دورینک رئیس اولان بویوک باباسی عبدالمطلبک عهدۀ پدرانہ سنه دوشدی. ایکی سنه صوگرا عبدالمطلبک ارتحالی اوزرینه مومی الیهک اوغلی و خلفی (ابو طالب) محمدک تربیه سنی درعهده ایتش، و کندی اولاد لرینه کوستردیکی شفقت و اعتنائی، اوکاده هر صورتله کوسترمشدی. دها بوسیرالرده حضرت محمد، ذکی و متحری برفکر صاحبی اولدیغنی کوسترمکه باشلادی. محمد، انزوایه چکیله رک دوشونمہ بی او قدر سهویوردی که آرقاداشلری کندیسنی اویونه دعوت ایتدکلری زمان اولره «انسان» بهوده اویونلره دالمقدن دها اصیل مقصدلر ایچون یارادیلشدر. «دیوردی. اون اوچنجی یاشنه باصدیہی زمان حضرت محمد، زنکین بر تاجر اولان عمجه سنک بر کروان ایله سوریه یه حرکتک عرقه سنده کندیسنک ده برلکده کورتورولمہ سنی رجا ایتش، بو سیاحت اثناسنده کندیسنه اولدجه مهم بر اعتبار قازاندران بر شکلده حرکت ایتشدی. ایرتسی سنه حضرت محمد قابلیت عسکریه سنی اظهار ایتشدر. عربلرک نظرنده تجارت ایله عسکرلک غیر قابل تألیف ایکی مسلك عداولو نمقله برابر حضرت محمدک ایکی وادیده اظهار

لياقت ايمىسى اك ممتاز قبيله لر آراسينده بو ايكي صنفك متحداً ده كلسه ده بربرى آردنجه تجلى ايدى بيله چكى تلقيسى وجوده كتر مشدى .
 كنج محمدك سفرلرده فعلاً درعهده ايتديكى وظائف، خطابت اقتدارى و عسكرى ذكا كى ايكي يوكسك صفى انكشاف ايتدىرمشدى .
 بو مزيتلر كنديسنه تايمين ايتديكى حرمت و اعتماد ؛ سوزلرينك و حر كترلرينك صميميتى ، حياتنك انتظامى و محاسنك اصابتى ايله قات قات يوكسك مشدى . حضرت محمدك ياشى ايلريله دجه يوكسك اقتداردن استفاده ايتك ايسته ين ديكر تاجر لر ، كنديسى تجارى ايشلرده استخدا مه رغبت كو ستر يوردى .

حضرت محمد ، عمجه سيله برلكده اجرا ايتديكى سفرلر ك بوند ، سوريه چوانده بر مناسره مواصلت ايتديكى زمان بو مؤسسسه نك رئيسى ، كوزلرني كنج سياحك يوزينه ديكد كدن صو كره ابو طالبي بر كناره چكرك ، « برادر زاده كزه زياده سيله دقت ايديكز . اونى موسويلر ك خيانتدن قوروييكز . چونكه محقق او ، بويوك ايشلر ايجون ياراديلشدر . » ديمشدى . بعض محررلره كوره بو كهانتكارانه اخطار ، مستقبل پيغمبرك ، بالا آخره حضرت ابراهيمك احفادنن كوره چكى مشكلات و مخالفتلى افاده ايدىوردى .

بو تجارى سياحتلر ائناسنده حضرت محمد ، عربستانك مختلف طرفلرنده قورولمقده اولان پنايرلرى كورمشدى . بورالرده عربلر ك مفاخر مليه سنى ترنم ايدن شعرلر انشاد اولونور ، عربلر ك اديان مختلفه سى ايضاح ايديليردى . پيغمبرك بوراده كى مشاهداتى بت پرستلر ك و تردى آميز خرافات پرستلر ك چير كينلكنه و فناغنه دائر پرورده ايتديكى قناعتى بوس بوتون تقويه ايتمشدى .

بو صيرالرده كعبه يانغين نتيجه سنده خراب اولديغندن تعمير

ایدیلپوردی . تعمیراتی متعاقب « حجر اسود » یرینه قونولاجقدی .
قبائلک یکدیگرینه قارشى اولان رقابتندن دولایى ظهور ایده جک
منازعاتى بر طرف ایتک ایچون ، « حجر » ک یرینه قونولاجنى کونک
صباحنده ایلک تصادف ایدیله جک انسانک بو مسئله یی حل ایتمسی
تقرر ایتمش ، تصادف اولونان ایلک ذات « محمد » اولدیغندن مشارالیه
هر کسک غلغله شکرانی آراسنده ، مراسم معتاده ایله حجرى یرینه
یرلشدرمشدر . بو صورتله حضرت محمد ، رسالت مستقبه سنک ، هدمنى
استهداف ایتدیکی صنم آلود بر معبدی تقدیس ایتمش صایلابیلیر .
حال بو که حقیقت حاده حضرت محمد ، حجر اسودى یرینه قویمقله بر
طاش پارچاسنى یرلشدرمش اولمایوردی . بالعکس محمد ، مبشر و ماشرى
اولاجنى یکی دینک تملى آتمشدى .

حضرت محمد ، عمجه سیله برلیکده چالیشمقده دوام ایتمش ، دیگر
طرفدن زوجنک وفاتیه دول قالان (خدیجه) نک ایشلرینى ده تدویره
باشلامشدى . حضرت خدیجه طرفندن درمیان اولونان شرائطک قبولی
اوزرینه حضرت محمد اوچ سنه اونک نامه شامه و سائر یرلره
کیتمش ، عودت ایتدیکی زمان خدیجه یی زیارت ایدرک مساعى تجار .
یه سنک نتیجه سنى کندیسنه بیلدیرمک ایسته مشدى . خدیجه ، نتیجه دن
فوق العاده خوشنود اولمش ، بوندن باشقه ، قارشیسنده تسلیمیتکار
بر ادا ایله اخذ موقع ایدن محمدک سیاه و متفکر کوزلرنده کی فسون ،
سیاسنده کی نزاهت و اطوارنده کی نزاکت اونک نظر دقتنى جلب
ایتمشدى . بو سهویملى دول اوزمان قرقنده ایدی . ایکی دفعه اولمش ،
ایکی ارکک و برقیز طوغورمشدى . فقط بو قادر مردبر آدامک
جاذبه سنه ، بو قدر حساس و حرارتلى بر فیکرک نفوذینه مقاومت
ایده مدیکسندن ، چوق کچمه دن اوکا یدازدواجنى تکلیف ایتدی .

بوصيراده حضرت محمد، كنجلكنك كحرارتلى دورىنى ياشايوردى .
 سياسى حاكمدى، اداسى شاهانه ايدى . خطوط وجهيه سى منتظم و معنيدار
 ايدى . كوزلى قارا و نافذدى . بورنى خفيفجه تومسكلى، اغزى يچمىلى
 وايچى ديشلرله مرصعدى . يانا قلى صاغلام بر صحتله قيزارمشدى .
 فطرتاً سياه و دوز صاحلى خفيف كستانه رنگنى آليوردى . سحر
 آميز تبسمى ، كوزهل و بلند سسى، اوضاع و حر كاتنك محتشم ظرافتى،
 اطوارينك ساده لكى و صميميتى ، كندى سنى طانيا نلر ك كافه سى طرفندن
 اك لهدار دقتله قارشىلانيوردى . حضرت محمد ، يو كسك مواهبي
 حازدى . ادراكى سريع و چالا كدى . حافظه سى احاطه لى و قوتلى
 ايدى . مخيله سى جانلى و نافذدى . محاكمه سى براقدى . جسارتى فوق-
 العاده ايدى . قناعتنك صميميته دائر بعضيلرينك پرورده ايتدكلى
 فكر لر نه ماهيته اولورسه اولسون، محمدك معظم هدفنى تعقيب خصوصنده
 كوستردىكى ثبات و جسورانه تحمل ، آنجق حيرتله قارشىلانا بيلير .
 محمد، عربستانك الكتميز لهجه سنى قوللانمقله تمايز ايدن و حسن ايرادى
 ايله قات قات كوزهللشن طبيعى بر بلاغى حازدى .

حضرت محمدى او اخر حياتنده تصوير ايدن شو سطر لر ، دها آز
 لهدار ده كلدر : « محمد ، سىاسنك كوزه لكيله ممتازدى . بو ظاهرى
 احسان ، آنجق اوندن محروم اولانلر طرفندن استحقار اولونا بيلير .
 بو مزيت ، اونك سوز سويله مهن اول ، كرك عمومى ، كرك
 خصوصى سامعلرينك حسياتى لهنه جلب ايدردى . سامعلرى
 اونك شخصيت حاكمه سنى ، اونك شاهانه اداسنى، نافذ نظر لىنى ،
 ظريف تبسم لىنى، روحنك هر حسنى تجلى ايتديرهن خطوط وجهيه سنى،
 هر افاده سنى تقويه ايدن اوضاعنى آلقيشلار لىرى . حضرت محمد، حياتنك
 وظائف معتاده سنده، مملكتنك وقور و مراسم آلود آدابه رعایت

ایدردی. اغنیاء و اقویایہ قارشی کو ستردیکی حرمتکارانہ نزاکت، (مکہ) نك
 الك فقیر آدم لرینہ قارشی کو ستردیکی تواضع و محبت درجہ سنده ایدی.
 كرك شخصی دوستلق، كرك عمومی خیر خواہلقده تربیہ و نزاہتن
 آریلآزدی. حافظہ سی کنیش و قوتلی ایدی. مخیلہ سی علوی و
 محاکمہ سی صریح، سریع و قطعی ایدی. كرك فیکرده، كرك عملده،
 جسوردی. ۱] دوشونجه لری موفقیت احراز ایتدکجه کنیشله دیکی
 حالده، رسالت الہیہ سنہ دائر پرورده ایتدیکی ایلک فکر، اصلی و علوی
 بردها دامغاسنی طاشیمقدہ در. الحاصل، عبداللہک اوغلی، الك اصیل
 عرقلق قوینده یتیشمشدر. »

کلمه نك عموم طرفندن قبول اولونان معناسیله، حضرت محمدك
 تحصیل یوقدی. بوقیله لر، بزم ادبیات دیدیکمز شیئی، اهمال و یاخود
 استحقار ایدر لر. عرب لر، کتابله ده کل، قوللانا قوللانا یوموشاتدقلری
 ویوکسلتدکلری لسانلری درجہ سنده باشقه بر لسانه حرمت ایتمز لر.
 بوندن باشقه حیات عملیہ ده ایشلرینہ یارایه جق شعرلری حافظه لرینہ
 نقش ایتمکله، شخصی تجربه لری اصلاح ایتمکله اکتفا ایدر لر دی.
 بناء علیه، هیچ بر زمان معلمی بولونمایان عرب، هر شئیہ رغماً، یوکسک
 برانساندی. چونکه چادیر، دائماً آجیق اولان بر مکتب کبی در.
 اوراده تجربه و اقتدار صاحبی آدم لرله تماس ایله بویوک بر حرکت فکریہ،
 حتی بویوک بر حرکت ادبیہ تولد ایدر. بزم، تعلیم و تربیہ تسمیہ
 ایتدیگمز شی، شرقلیلرک تربیہ یی یوکسلتمکله و ذکایی اینجه لتمکله معطوف
 حرکتلریله هیچ بر مشترک زمینی حائر ده کلدر.

حضرت محمدك حضرت خدیجه ایله ازدواجی، عرب محرر لرک

۱] موسی و محمد، فکر آدم لری اولقدن زیاده حرکت و فعالیت
 آدم لری ایدیلر. آرقداش لرینہ و معاصر لرینہ حرکت و فعالیت تلقین ایتمکله درکله
 بونلر انسانیتہ حاکم اولشلردر.
 رونان

بیانہ نظراً ، اك مكمل واك مراقلى صورتده جریان ایتمشدر. ازدواج فوق العاده بر دبدبه ایله تسعید اولونمش ، ولیمه ایچون ایکی دوه کسيلمش ، مسافرلر صوك درجه اعزام و اكرام کورمشلردی .

حضرت محمد خدیجه ایله ازدواجی زماننده یکریمی بش یاشنده ایدی. خدیجه کوزه لاکنی محافظه ایتمکله برابر قرقنده ایدی. آراده کی فرقه رغماً حضرت محمد ، خیر خواه زوجه سنه قارشى اك حرارتلی محبتله متحسس اولمش ، مملکتک تعدد زرجاتی تجویز ایدن عرف و عادتندن استفادہ بی دوشوممه مشدی .

پیغمبرک ازدواجنی متعاقب کچن اون بش سنه لك مدت ، غیر قابل نفوذدر . عیسانک ، (یوسف نجار) دکاننده کچیردیکی فاصله ده بو قادر دوام ایتمشدی . بو او قدسی فاصله درکه اونک اناسنده انسان کندی دهاسنک تولدینه یارديم ایدر؛ ذات کبریانک ، کندیسنه تودیع ایتدیکی رسالت ایچون حضور ایچنده حاضر لانیر و تفکر ایله کسب کمال ایلر . آرتق محمدك دائمی واندیشه لی انزوا و مشغولیتنک هدفی ، حیاتی تطهیر ایتک ، اونی هر هانکی بر شائبه ایله غیر قابل تلوت بر حاله کتیرمکدی .

حضرت محمدك، سنه نك بر آینی مکهنك غریبندن بر فرسخ مسافده اولان جبل حرانک بر مغاره سنده کچیردیکی سویله نیور . مستقبل پیغمبر بوراده تفکراته دالیور و ذوق استغراقی دویویوردی . روحك حمالی هیجانیه ، فکرك بر موضوع ایله بو قادر حرارتله اشتغالی ، شبهه سز بدن اوزرنده قوتلی بر تأثیر اجرا ایدر . بناءً علیه حضرت محمد ، رؤیالر کورویور ، استغراقله ، وجدلره دوچار اولویوردی . سیرت محمدیه بی یازان محررلردن برینک بیاننه نظراً رسول اسلام یکد . یکرینی تعقیب ایدن آلتی آی حرفی حرفنه تحقق ایدن رؤیالر کورمشدر .

عجبا بو دور استغراقك حقیقی ماهیتی نهدر؟ عجبا بونلر درین تفكرك اثری اولان دالغینلقلرمی؟ یوقسه تشکل فکری ویا بدنیک تهیجاتیله علاقه دار باغینلقلرمی؟ بونی تعیین ایتمك مشكلدر. شو محقق که الهام دقیقه لرنده محمدی اندیشه لر تضیق ایدر ویوزنده اضطرابلر نمایان اولوردی. بو دقیقه لرده حضرت محمد بهوش کبی، یاخود اویقویه مغلوب اولمش کبی یره دوشرواك صوغوق کونلرده آلندن بویوک داملا لر آقاردی. حتی روایت اولوندیغنه کوره حضرت محمد بو حاله دوچار اولدینی زمان دوه سنك اوزرنده بولونسه، حیوان شدید بر اضطرابه دوچار اولور، یره چوکر، تکرار قالقار، اونی آرقاسندن ایندیرمك ایسته یورمش کبی آیقلرینی اوزاتیر، یاخود باجقلرینی صالاردی.

حضرت محمدك صرعه نوبتلرینه دوچار اولدیغنه دائر اکثریات تکرار اولونان روایتلر، یونانلیلرک سفیل بر اویدورمه سیدر. بونلرک مقصدلری، یکی دینک ناشرینه بویله بر مرضی اسناد ایتمکه اونك سجیه اخلاقیه سنی لکه له مک وخریستیانلق عالمك حسیات نفرت و تقبیحنی تحریک ایتمکدر. بو شریر متعصبلر دوشونمه لیدرلر که شاید محمد بو قورقونج خسته لغه دوچار ایسه خریستیانلق شفقتی اوکا بدبختاغندن دولایی آجیمغه سائق اولمالی، سهوینمکه یاخود غضب الهینک بر علامتی اولارق تلقی ایدیلکه سائق اولماملیدی.

حضرت محمد، عمرینک قرقنجی سنه سنده یوقاریده سویله دیکمز وجهله رمضان آینی حراده کچیریورکن مراقبه لیلیه ائناسنده، عباسنه بورونمش اوتوردینی حالده، کندیسنی آدیله چاغیران برسس دویمشدی. محمد باشنی قالدیرنجه اوزرینه اویله بر طوفان نور یاغمشدی که اوده تحملسوز شعشعه وشدتنه مقاومت ایده مدیکندن کندندن کچمشدی. حضرت

محمد ، تکرار کندينه کلديكى زمان انسان شکنده بر ملک کندينه
ياقلاشدیغنى كوردى . و « اوقو » دیديکنى طويدى . محمد « اوقومق
بيلمم » دیدى . ملك « اللهك نامنه ، هر شيشى يارادان ، انسانی
اويوشمش قان يختيسندن يارادان اللهك نامنه اوقو ! رب اكرمك
قلمله او کره تدى . انسانه بيلمه دیکنى او کره تدى . » دیدى .

محمدك فكري درحال آيدنلاندى و سهولته اوقومغه باشلادی .
دها صوكرامقاومتسوز بر هيچانك تأثيرى آلتنده قالدی ، چولك
اورتاسنه آتیلدی . هر طرفدن شوسسى دويويوردى : « يا محمد ! سن
اللهك پیغمبريسك . بنده جبريل امينم . »

رمضان آينك دردنجى صباحى محمد، فکراً بك مضطرب اولديغى
حاله زوجه سنه عودت ايتدی . روحنك بك صيقينتیلی اولماسنه مبنی
زوجه سندن کنديسى صارماسنى و صوق صو ايله او غماسنى طلب
ايلدی . حضرت محمد افاقت ايتديكى زمان زوجه سنه رسالت السيه سنك
سرينى افشا ايتدی . خدیجه ، حضرت محمدك دوغرولغنه ايمان
خصوصنده بر لحظه تردد اتمه دی . بونده شایان حیرت هیچ بر شی
یوقدر . چونکه حضرت محمدك حسابنه شونی قید اتمه لی یزکه کنديسى
احتیاج تضيقنك فوقه چيقاران زوجه سنه بك شفيق و بك اهتمامكار
برزوج اولديغنى اثبات ایتش ، تعدد زوجات حقندن استفاده اتمه مش ،
خدیجه نك ارتحاله قدر بوندن استفاده یی دوشونمه مشدر او حاله
خدیجه نك اونك سوزینه اعتماد اتمه سینه امکان وارميدر ؟ بالعکس
خدیجه ، حضرت محمد طرفدن کورولن تجلیاتی ، اراده السيه نك
حقیقی بر تظاهری اولارق تلقی اتمشدی . خدیجه دن صو کره نبوت
محمدیه ايمان ایدنلر ، اونك آزادلیسى زید ، عمجه زاده سی علی ایدی .
دها صو کره حضرت محمد ، زنکین و نافذ الکلم بر ذات اولان ابو

بکره خطاب ایدرک موفقیت تامه احراز ایله مشدی . ابوبکره اقتداء
واونک نصایحنه تبعاً (مکہ) نک دیگر برچوق رجال مهمه سی ده یکی
دینی قبول ایتشلردی .

حضرت محمدک صمیمیتی قوتله تأییدایدن دلائلدن بری کندیسنه
ایلک ایمان ایدنلرک ، حیات خصوصیه سنه پک یاقیندن واقف اولان
اک عزیز آرقاداشلریله ارکان عائله سی اولمالریدر . یوقسه بونلر ، ریاکار
آلدا یجیلرک دعوالریله اولرنده کی حرکات آراسنده کی تضادی کشف
ایتمکدن عاجز قالمالردی .

فقط ایلک موفقیتی بر توقف تعقیب ایتدی . حضرت محمد ،
قبیله سنک رؤسائی بر اجتماعه دعوت ایدرک رسالتی تبلیغ ایدنجه
برودت و عدم اعتماد ایله قارشیلانمشدی . حضرت محمد ، اللهک
برلکینی و کندی رسالتک حق اولدیغنی تبلیغ ایله اکتفا ایتیهرک
بت پرستلیکی احما ایده جکینی ، وطنداشلیری دین ابراهیمه اعاده
ایلیه جکینی سویله نجه هر طرف حدتدن کوپورمش ، کندیسنی صوصدیرمق
ایچون هر طرفدن تکلیفلر درمیان اولونمش ، هر کسدن فضله کندی
اوز قبیله سنک ارکانی اکتجاوز کار مخالفته بولونمشلردی . مع مافیله ابوطالب ،
برادرزاده سنک دینی قبول ایتمه مکله برابر ، اونی حمایه ده دوام ایتمشدی .
حضرت محمدک حیاتی برقاچ سنه ، اعتسافلر واشکنجه لر ایچنده
کچمش و بو اعتسافک عددی محدود اولان آرقاداشلرینه ده شامل
اولمشدی . مخاصملری بر دفعه کندیسنه ، دعواسندن فراغت
شرطیله ، ریاست و ثروت وعد ایتشلر ، فقط ، حضرت محمد بونلره
قرآنک قرق برنجی سوره سنی تلاوتله جواب ویرمشدی . او سوره دن
شو آیاتی اقتباس ایدیورز :

« بو قرآن رحمان ورحیم اولان الله طرفندن گوندرلشدر . بن

آنجق سزك كې برآدام. بكا وحى اولونيور كه الاهگز بر الاهدرد. اوليه ايسه اوكا دوغرو كيديكز ، استغفار ايديكز . ويل اونلره كه الله شريك قوشارلر ، زكات ويرمزلر و آخرته اينانمازلر . فقط اونلر كه ايمان ايدرلر و ابي ايشلر ياپارلر ، محقق كه ا كسيلمز مكافاته نائل اولورلر . سز حقيقه ايكي كونده ىرى يارادن الله ايمان ايمه يور و اوكا شريكى قوشيورسكز؟.. عالمك خالقى آنجق اودر . يريوزينك اوزرنده يوكسلن داغلى ديكن اودر . فيض و بركت احسان ايدن اودر . ارزاق واقواتى دوت كونده خلق وتنظيم ايدن و اونلرى محتاج اولانلره سياناً بخش ايلين اودر . جناب حق دوماندن عبارت اولان سماواتى يارادارق اونلره ويره ديدى كه : ايسته يرك ويا ايسته ميهرك كليكز . ايكي سى ده : اختيارمزله سكا اطاعت ايدىورز ، ديديلر . « بوكا قارشى محمدك دشمنلرى كنديسندن رسالت السيه سنى معجزه ايله اثبات ايمه سنى طلب ايتديلر . حضرت محمد رد ايتدى . اونك معجزه سى قرآندر . اونك وظيفه سى ، حقيقتى تلقين ايدى . اونك ايچين قرآنه مراجعت ايدرك مخاصملىرىك كوزه لك وعلويت اعتباريله اوكا ويا بر پارچه سنه بر نظيره وجوده كتيرمه لىنى سويلهدى . ۱]

حضرت محمد ، دور رسالتك هر هانكى بر هنكامنده تبليغ ايتدىكى عقائدى قبول ايتديرمك ، ياخود دعواى رسالتنى تايدائتمك ايچون هر هانكى بر حيله يه ، ياخود معجزه نامى ويريله جك بر شيدئ مراجعت ايمه مشدر . بالعكس حضرت محمد محضا عقل و منطق

[۱] پيغمبريمزك معجزه لرى مسئله سى حفته هان هيچ بر مستقل اثر يازيلماش ، بومسئله درين بر تدقيق و تحقيق اثر اولارق اورتايه آتيلمامشدر . « اسلام تاريخى - عصر سعادت » عنوانلى اثر يمزك اوچنجى ودر دنجى جلد لرى منحصرأ بومسئله يى موضوع بحث ايدر . فارلر يمز بومسئله يى دريندن درينه تحقيق ايچين اورايه مراجعت ايمه ليدرلر .

کوه نمش ، رسالتک ایلک دورنده آنجق شوق و هیجان دینی ایله
تأیید اولونمشدر . فی الحقیقه بودینی شوق و ذوق حضرت محمدک اک
قوتلی حسی ایدی . بو حس هر حرکتده منجاییدی ، حیاتک
هر مرحلهسنده آشکاردی .

شایان دقتدرکه حضرت محمد ، معجزه یامای بوقدر صریح
بر صورتده رد ایتدیکی حالدہ کنیدیسنه هر معجزه اسناد اولونمش ،
اونک تاریخ حقیقیسی ، تعالیم اصلیهسی ، خریستیان عزیزلرینک
تاریخی و تعالیمی کبی مشوش بر حاله صوقولمق ایسته نیلمشدر .
حضرت محمدنامه یازیلان بعض سیرتله آیات قرآنیهک مدلولندن
بام باشقه در . ناصیل که آنجیل ، قاتولیک (بوناوه نورا) نک مخیلاتندن
او درجه اوزا قدر .

(کیون) بزه متعصب خریستیانلرک بری طرفندن حضرت محمد
عطف اولونان بومعجزه لردن برینی شوپله جه ایضاح ایدیور :
« خریستیانلر ، اهلی بر کووره جینک سمان اینوب حضرت
محمدک قولاغنه بر شیلر فیصیلا دیغنی سوپله مکده درلر . بو معجزه یی
اویدوران (غروپیوس) ک عربجه مترجمی مومی الیه مأخذلری
صورمش ، اوده بو حکایهک مسلمانلرجه غیر معروف و کندی اثر
اختراعی اولدیغنی اقرار ایله مشدر . معافیله اثری عربجه یه ترجمه ایدن
ذات ، مسلمانلرک نظرنده کولونج بر موقعه دوشمهک ایچون اون
طی ایتمش ایسه ده بو حکایه اثرک لاتینجه اصلنده موجوددر . »

حضرت محمدک عمجهسی ابو طالب ، دشمنلرک برادر زاده سنه
قارشی چوق کیندارانه حرکت ایتدکلرینی کوروجه اونی مقصدینی
تعقیبدن واز کچیرمهک چالیشمش ، فقط حضرت محمد اوکا « قریشیلر
بکا قارشی کونشله ، قرله کلسه لر (کونشله قمر قریشیلرک معبود

لرندندی « برینی صاغ ألمه ، برینی صول ألمه ویرسه لر ، ینه یولمدن دوئم » جوابی ویرمشدی .

کوردیکی مخالفتدن ذره قادر اندیشه ایتمین حضرت محمد ، ینه کندی قبیله سنه منسوب بعض ذواتی طوبیلامغه و ارشاداتده بولونمغه دوام ایتمش ، حق دعوتی قبول ایدنلرک ازلی ، ابدی مکافاتلره نائل اولاجقلرینی سویله مش ، نهایت « ایچکیزده هانکیگز بکا بویوکی طاشیمقده یار اولاجق ، هانکیگز هارونک موسایه یابدینی کبی معاون و وزیرم اولاجق ؟ » دیمشدی . جماعت ، هیچ بر سوز سویله مش ، هیچ بر کیمسه بو تهلهکلی وظیفه یی درعهده ایتمش ایسته مه مش ، آنجق حضرت محمدك عمجه زاده سی کنج و آتشین (علی) سوزه باشلایارق :

« یار سول الله ، حاضر ونک اکنجی اولمقله برابر سنک وزیرک بن اولاجغم » مقابله سنده بولونمش . پیغمبرده عالیجناب کنجی قوجا قلامش ، باغرینه باصمش و « قرده شم و وزیرمسک ! » دیمشدی .

بویله جه باشلادقن صوکره حضرت محمد (مکه) ده هر کون آرقداشلرینک عددینی تزیدایدن عانی ارشاداتنه دوام ایتدی . (مکه) نک جوارده اولان (صفا) و (قبیس) داغتری اونک موعظه لرینی ایراد ایچون انتخاب ایتدیکی یرلردی . بوندن باشقه پیغمبرینه (حرا) داغنی زیارت ایدرک قرآنی تشکیل ایدن یکی سوره لرله عودت ایدردی . بو صیرالرده اسلام کتیبه سی ، حضرت عمرک اهتداسیله ، دشمنلرینک اک شدتلیلرندن ، فقط عینی زمانده اک عالیجناب لرندن برینی قازامشدی . عمر ، همشیره سنک اهتداسندن قوق العاده مغبر اولمشدی . برکونی اوننی قرآنی ترتیل ایدیورکن یاقلامش ، اوکا زیاده سیله حقارت ایتمش ، دوکش ، یره دوشورمش ، کتاب الله ده یره دوشمش ،

فقط اعتدالی بوزمیان قادین ، کتابی قالدیرمش ، اونی برادرینه
ویرمه مکده اصرار ایتمش ، عمرک جدتی بوس بوتون آرته رق قرآنک
صحیفه لرینی چکمش ، فقط کوزلری ، بی اختیار ، صحیفه نک سطر لرینه
ملاقی اولدیفی زمان «عمر» مغلوب اولمش ، حدتی حیرانلغه منقلب اولمش ،
اورا جقده مسلمانلغی قبول ایتمشدی . عمر قیلجی النده اولدیفی حالده
هان قوشدی ، محمدک التجا کاهی اولان صفا داغنه دوغرو یوزودی .
حضرت رسول ، اونی کورئیککی زمان : «عمر ! دیدی ، نره دن کلیورسک ؟ سنی
خردوخاش ایده جک کمرلی ظاوان باشنه دوشونجه یه قدر بکاه یه جکمیسک ؟ .»
عمر : « حقه و سنک رسالته ایمان ایتمش اولارق کلیورم .» دیدی .
قریش حضرت محمدک کمال شوق و جسارتله عقائدینی نشره
دوام ایتدیکنی کوره رک تجاوزه باشلامشدی . پیغمبرک آرقداش لرینه ،
او قدر اعتسافکارانه معامله لرده بولونمشلردی که بونلرک مکده یاشامالرینه
امکان قالمامشدی . بناء علیه پیغمبر بونلره هجرت ایچون مساعده و برمش ،
اونلرده حبشستانه التجا ایتشلردی . بوایلک هجرت رسالت محمدیه نک
باشنجی سنه سنده وقوع بولدی . مهاجرلر بر قاچ ارکک و قادینله بر
قاچ چوجوقدن متشکل دیلر . هپسنک عددی سکسانی متجاوزده کلدی .
مهاجرلر ، حبش نجاشیسی طرفندن حسن قبول کورمشلر ، مهاجرلرک
تسلیمنی طلب ایدن قریشیلرک طلبی رد اولونمش ، عرب محررلرک
بیانه نظراً بالذات نجاشی ده مسلمان اولمشدی .

ایکنجی فصل

ابو طالبك وفاتی - حضرت محمدك تہا کالی وضعیتی - حضرت خدیجہ نك ارتحالی - خدیجہ نك قبری (نوط) - حضرت محمدك خدیجہ بی یاد شکر انکنداری - حضرت عایشہ نك ذہابی تصحیح ایتہ سی - محمدك زوجہ لری - شهر حرام اٹناسندہ پیغمبرك تلقیناتی - معراج - قریشك پیغمبرہ سوء قصدی - مدینہ یہ ہجرت - (علی) نك صداقتی - پیغمبرك اللہہ توکالی - پیغمبرك اعجاز کار حرکتی - یثربہ موصلتی - یثربك تبدیل نامی - فریضہ صلات - حضرت محمدك ایفا ایتدیکی وظائف - حیاتنك سادہ لکی - بدر ظفری - مسلمانلرک مغلوبیتی - (علی) نك جسارتی و احراز ایتدیکی مکافات - درت مبارک قادین - پیغمبری اولدیرمک ایچون ترتیب اولونان سوء قصدلر - مدینہ نك قریشی و یهودیلر طرفندن محاصرہ سی - دشمنلرک ہزیمتی - حضرت عایشہ یہ بہتان - موتہ محاربه سی - پیغمبرك تسمدن قور تولوئی - یهودی شہرلرینک تسلیمیتی - حضرت محمدك (مکہ) یہ حرکتی - قریش طرفندن تکلیف اولونان شرطلر - معاہدہ .

حضرت محمدك اتباعی ، نبوتنك ایکنجی ییلندہ ، (مکہ) دہ قوتلی و تہدیدکار برشکلده چوغالمش اولدقلرندن (مکہ) لیار بعدما بر کیمسہ نك محمدہ التحاق ایتہ سی ایچون اخطاراتده بولوندیلر . حضرت محمدك عمجہ سی و حامیسی اولان ابو طالبك حیاتندہ بو حرکت محمدك اوزرندہ اجرای تاثیر ایتہ مش ، آنجق ایکی سنہ صو کرہ ابو طالبك وفاتی اوزرینہ احوال بحران آمیز بر ماہیت آلمشدی . ابو طالبك املا کیلہ نقدی متروکانی دشمنلرہ کچمش ، بو صورتلہ ہر زمان فضلہ کسب قوت ایدن دشمنلر ، تحملسوز بر وضعیت آلارق حضرت محمد نماز قیلیورکن بیلہ حقارت ایتکہ ، اوزرینہ مردار شیلر آتمغہ ، ہر واسطہ ایلہ اونی تہزیلہ واستحقارہ باشلامشلردی . بو فلاکتلر

یتیشمه یورمش کبی، ابو طالبک وفاتندن بر قاچ کون صو کره پیغمبرک صادق و وفا کار زوجه سی خدیجه ده اونک قوللری آراسنده صوک نفسنی ویردی . بو عزیز شریکه حیاتک ارتحالی ، حضرت محمد ایچون ، حقیقه یوره ککر آجیسی بر مصیبتدی . حضرت خدیجه ، یکر می سنه در، اونک مشاور و مظاهری ایدی . خدیجه نک ارتحالیه اونک قلب و روحی کبی دار و دارینی ده هجران قابلامشدی . خدیجه نک سن و سالی خیلی ایلیله دیکی زمان ، شبهه سز کنجلاکنک بوتون فسوتنی ضایع ایتمشدی . فقط محمد، اوکا صو کنه قدار صادق قالمش، یوقاریده سو یله دیکمز کبی ، باشقه بر زوجه آلمقدن استنکاف ایتمشدی . خدیجه، مکهنک شمال غریبسنده واقع قبرستانه دفن اولونمشدی . مشهور سیاح (بورقهارت) دن، قبرینک بو کونه قدر پایدار اولدیغنی ، زائرلر و حاجیلر طرفندن جمعه کونلری زیارت اولوندیغنی خبر آلیورز . بو قبرک اک شایان دقت حالی، طاشنک اوزرنده کوزه ل بر خط کوفی ایله (آیه الکرسی) نک محکوک بولونماسیدر .

حضرت محمد خدیجه یه قارشى بسله دیکی حسیات شکران ، صوک دقیقه سنه قدر دوام ایتمشدر . بو حسیاتک رقتی و بو خاطرهنک دواملی حرارتی ، پیغمبرک زوجه لری ایچنده اک کنجی واک کوزه لی اولان حضرت عائشه نک ستمکار بعض ملاحظات درمیان ایتمه سنه بادی اولمشدی : « حضرت خدیجه اختیار دکلیدی ؟ الله سکا دها کوزه ل ودها ای بر زوجه احسان ایتهدیمی ؟ » حضرت محمد عالیجنابانه بر هیجان ایله جواب ویردی : « خایر ، دیدی ، اوندن دها نازک ودها اصیل بر زوجه یوقدی . حقارت واستهزا ایله قارشیلاندیغ زمان بکا اینانان ، فقر و ضرورت ایچنده یوزه رک بر جهان خصومت و اعتساف ایله مجادله ایدیورکن بکا تسلی ویردن ، بکا یاردیم

ايدن ، او ايدى ! »

حضرت محمد ، هر حمايه دن محروم قالارق ، اك ياقين اقرباسى
اولان قريشدن ، ياخود بر زمانلر آرقاداشى اولان انسانلردن ظلم
واعتسافه معروض قالينجه بر التجا گاه آرامغه مجبور اولمشدى . بناءً
عليه صادق كولهسى (زيد) ايله (مكه) نك شرقنده آلتمش ميل
مسافه ده كوچوك بر شهر اولان ، طائفه التجا ايتدى . بوراده حضرت
محمدك ديكر بر عمجهسى اولان (عباس) اقامت ايدىوردى . حضرت
محمد ، طائفه مواصلتى متعاقب اورانك باشليجه اكا برندن بر قاچ ذات
ايله كوروشهرك رسالتنى ايضاح ايتمش ، اونلرى كنديسنه يارديم ايتمكه
يكي دينه مظاهرت شرفنى احرازه دعوت ايتمش ايسه ده اونلرى اقناعه
موفق اولانمش ، كندى قيلهسى طرفندن درميان اولونان عمومى
اعتراضات ايله قارشىلاندقن باشقه بر التجا گاه آرامق اخطارينه
معروض قالمشدى . مع مافيه حضرت محمد طائفه بر آى قدر قالمش ،
خلقك دها معتبر و دها خيرخواه افرادى طرفندن اولدجه حرمت
كورمشدى . نهايت كوله لرله آياق طاقى محمدك عليه قيام ايدرك
اوزرينه طاشلر ياغديره رق شهرى صاران داغك اتكنه قدر امتداد
ايدن اوچ ميللك مسافه بويجه اونى قووالامشردى . بو اشكنجهلى
تعقيب دن يورولان ، بيتاب قالان محمد ، بر باغچه التجا ايدرك بر اوزوم
آصمه سنك كولكه سنه صيغينمش ، بر آز ديكله ند كدن صو كره (مكه)
يولنى طوتارق بلده حرامك جوارينه مواصلت ايتديكى زمان ، چوق
نفوذلى و كنديسنه قارشى خيرخواه بر ذات اولان (مصعب بن عدى) ه
شهره سالما كيرمه سنى تأمين ايچون خبر كوندرمىشى . مصعب ،
رسولك رجاسنى اسعاف ايتمش ، اوغللرني و طرفدارلرني طوبلايه رق
سلاحلرني طاقدقن صو كره اونلرك كعبه يه ياقين يرلرده اخذ موقع

ایتمه لرینی امر ایله مشدی . بونک اوزرینه محمد ایله زید ، (مکه) یه کیرمشله ، مصعب ایله آدمیری رسول ا کرمه هر هانکی اذا و ضررک اصابتنه مانع اولدقلرندن پیغمبر حجر اسودی اوپد کدن سوکرا (مصعب) ک محافظه سی آلتنده اوینه عودت ایتمشدی .

خدیجه نك ارتحالندن ایکی آی سوکرا حضرت محمد دول برقادین اولان (سوده) ایله ازدواج ایتمدی . هان عینی زمانده یار غاری اولان ابوبکرک کنج و کوزهل کریمه سیله اولنهرک آرالرنده کی متقابل دوستلغی قات قات تقویه ایتمدی .

خدیجه نك ارتحالی متعاقب ، حضرت محمدک مختلف زمانلرده متعدد قادینلرله اولندیکی سویله نلکده و بو یوزدن مخالف محررلر محمده تجاوز ایتمکده درلر . بو محررلر ، محمدک بو طرز حرکتی شهوت پرستلکک بر تظاهری عد ایدیورلر . بو کون اوروپا قانونلرینک تعدد زوجاتی منع ایتمکده اولدیغی ، حال بوکه محمدک زماننده بو عادتک بوتون عربستانده و شرقک سائر مملکتلرنده شایع بولوندیغی و هیچ بر وجهله منافی اخلاق تلقی ایدیلهدیکی بر طرف ، حضرت محمدک یکریمی بشنجی سال حیاتندن اللنجی یاشنه قدر بر زوجه ایله یاشادیغنی ، خدیجه نك آلتمش بش یاشنده ارتحالنه قدر حضرت محمدک باشقه بر زوجه ایله اولنهدیکنی ، خدیجه نك کندیسنه ارکک ذریت بیراقمادیغنی کورورسهک شوسؤالری ایراد ایتمک حقنی احراز ایدرز: شهوت پرست اولان بر آدام تعدد زوجاتک شایع اولدیغی بر محیطده ، کندیسندن اون بش یاش بویوک اولان بر قادینه ا کتفا ایدرمی؟ حیاتنک صوک اون اوچ سنه سننده محمدک اوله نمکدن مقصدینک ارکک بر ذریت صاحبی اولمادیغنی کیم سویلیه بیلیر؟

حجاجك (مکه) يه آقین آقین کلدکلری حرام آبی، عمومی بر صلح و مسالمت آیدر. بومدت ظرفنده الك وحشی عداوتلر او بوتولور. هر کس بر برندن ذره قدر اندیشه ائمه یه رک ملی معبدده سنوی وظائف دینیہ پی ایفا ایلر. حضرت محمد، بو مساعد فرصتدن استفاده ایتک ایسته یه رک طویلانان خلقه ایراد مواعظ ایتدی و یثرب اهالیسندن بر قاجنی قازاندی.

بونلر، یثربه عودت ایتدکلری زمان یکی دین حقنده غایت ستایشکا- رانه بیاناتده بولونمشلر، آرقاداشلرینی و همشهریلرینی حرارتلی بر اشتیاق ایله یکی دینه دعوت ایله مشلردر. یکی دینک (مکه) ده احراز رغبت ائمه مسی؛ (مدینه) ایله (مکه) آراسنده تجاری رقابت و محاسده لر بولوندیغی ایچون بوزواتک موفقیتنی تأمین ایتمشدی.

نبوت محمدیه نک اون ایکنجی سنه سنده معراج حادثه سی وقوع بولمشدر. معراج، عنعناتک استغراق ایله یاد ایتدیگی بر حادثه لیلیه در. متقیلرک مخیله سی طیران ایدرک بو حادثه پی اک زنفکین شعرلرله و خیالک اک محشم مولوداتیله تزین ایتمشدر. بو حادثه اهل اسلام آراسنده مناقشانه سبب اولمش، بعض مسلمانلر بونک بر رؤیادن عبارت اولدیغنی سویله دکلری حالده، دیکرلری، رسولک جسماً قدسه قدر ایصال ایدیلدیگی حالده اورادن، آنجق روحنک ملاء اعلایه طیران ایلدیکنی بیان ایتمکده در. اک چوق رواج بولان فکر، صو کنجیدر. حضرت محمدکده بونی محتاج تصیح کورمه دیگی آ کلاشیلپور.

معراجک وقوع بولدیغنی سنه ده (یثرب) دن (مکه) یه کلن اون ایکی کیشی عقبه ده پیغمبره بیعت ایتمشلردر. بوکا (بیعة النساء) نامی ویریلکده در. بو بیعت ائناسنده بر قادین بولونمادیغنی حالده اوکا بو نامک ویریله سی، بالا آخره قادینلردن ده عینی بیعتک آئیناسندندر.

قادینلرده ارککلر کی خیرسزلق ایتیه جکلرینی ، زنا ارتکاب ایلیه -
 جکلرینی ، چو جو قلرینی اولدیر میه جکلرینی ، افترا و بهتانده بولو مایا جکلرینی ،
 معقول اولان هر ایشده پیغمبره اطاعت ایده جکلرینی تعهد ایتشلردر .
 حضرت محمدك معراجی مکده حرارتلی مباحثاته موضوع تشکیل
 ایدیورکن مدینه خلقی پیغمبری ستایشلرله یادایدرك اونك اطرافنده
 طوپلانیورلردی . حضرت محمد مدینه لیلردن اون ایکی ذاتی انتخاب
 ایدرك خلقك تعلیم و تربیه سنی اولره تفویض ایتدی . بو ذوات
 درعهده ایتدکلری وظائفی چوق موفقیتلی بر صورتده ایفا ایدرك قیصه
 بر زمان ظرفنده مدینه خلقنك اکثریسی توحید دائره سنه
 صوقشلردی . حضرت محمد ، بو وضعیتدن خبردار اولونجه اورابه هجرته
 قرار ویرمش ، بالخاصه ابو طالبك وفاتی متعاقب پیغمبرك بی آمان و
 بی انصاف دشمنی ابوسفیان (مکه) نك ریاستنی درعهده ایتدیکندن
 پیغمبرك اوراده قلماسی چوق مشکلاشمشدی . بوندن باشقه ابوسفیان
 کوندن کونه نفوذ و شهرتی آرتقمده اولان رسولك وجودینی ازاله
 ایچون قاتلار کیرالامغه باشلامشدی .

بو سوء قصددن خبردار اولان حضرت محمد ایله آرقداشی
 ابوبکر ، گیجه نك سکونت وقارا کلغندن استفاده ایدرك فرار ایتشلر ،
 حضرت علی ایسه پیغمبرك فراشنده یاتارق اونك یشیل عباسیله
 اورتونمشدی . قاتلار پیغمبرك اوینی محاصره ایدرك اپچری دالمشدر ،
 فقط پارچالامق ایسته دکلری پیغمبرك یرنده ، حضرت رسوله ترتیب
 اولونان سوء قصده قربان اولمايی حضور و سکون ایله بکله ین (علی) بی
 یولارق اونك کوستردیکی صداقتدن متأثر اولمشدر ، و (علی) یه بر ضرر
 ویرمکسزین چیقوب کیتمشلردی .

بو صیرهده (محمد) ایله (ابوبکر) مکهدن اوزاق اولمایان (نور) داغنك

بر مغاره سنه التيجا ايدرك اوراده اوچ كون قالدیلر . ابو بكر
 قیزی اونلره حوادث ولوازم كتیریوردی . مغاره ده کیزی اولدقلى
 زمان كندیلرینی تعقیب ایدنلرك انه دوشمك اندیشه سی حاصل اولونجه
 حضرت رسول آرقداشینه : « كدر ایتمه الله بزمله در » دیمشدی .
 پیغمبری تعقیب ایدن قاتلر مغاره نك قاپیسینه قدر كمشلردی . فقط
 مغاره نك مدخلنده بر كور جین یوواسی و براورومك آغی كوردكلرندن
 مغاره نك بوش اولدیغنه قانع اولارق باشقه بر استقامتده تحریاته دوام
 ایتمشلردی . بونی متعاقب رسول ایله آرقداشی مغاره دن چیقارق نهان
 یوللردن حر كته (مدینه) یه وارمشلر ، اوچ كون صوكر حضرت علی ده
 اونلره التحاق ایتمشدی . هجرت نبویه (۶۲۲) سنه سنك تموزنده ،
 اعلان نبوتك ۱۳ نجی ییلنده و ایران حكمداری خسرو دورنده
 وقوع بولمشدر كه بو صیراده پیغمبر اللی اوچ یاشنده ایدی . حضرت
 محمد ، مدینه ده فوق العاده بظاهرات ایله استقبال ایدیلش ، شهر ك اصل
 اسمی اولان (یثرب) اونك شرفه پیغمبرك شهری معناسنده اولان
 (مدینه النبی) یه چه ویرلمشدی .

حضرت محمد مدینه ده دینی و دنیوی وظائفی ایفایه باشلامش ،
 یا بر خورما آغاچنه دایانارق ، یا خود ساده بر منبره چیقارق ملتك بت
 پرستلیکی علیهنده ایراد كلام ایله سامعلرینه اك بویوك شوق و هیجانی ،
 اك علوی اصالت و حمیت روحنی نفخ ایتمشدی . (مكه) دن مدینه یه كلن
 هیئتلر محمدك كرك حرب صحنه لرنده ، كرك مدینه شهرینك دیوارلری
 آراسنده ایران كسر الریك ، بیزانس قیصر لرینك بریده كورمه دكلری
 اطاعت و رعایتی كوردیكنی سویله مكده اتفاق ایدیورلر .

بو آنه قدر مسلمانلق ، صرف عقائد دن متشكلدی . آرتیق مسلمانلغی
 حتمین و لا یتبدل اساسلره استناد ایتدیرمك ، عبادت شكلی تعیین ایتك

ارکان دینیه و فرائض عملیه بی تثبیت ایتک ایجاب ای دیوردی. حضرت محمد، هر کون ایفا اولوناجق عبادتلی، بو عبادتلیک نه زمان ایفا اولوناجقنی، عبادتک ایفاسی اناسنده هانکی قبله یه توجه ای دیله جگنی ایضاح ایتشدی. [۱] بو صیراده ایلک جامع تأسیس اولونمشدر که اک ساده واک متواضع بت ایدی. جامعک تأسیس وانشاسنه بالذات حضرت محمدده اشتراک ایتدی. ینه بو صیرالرده اذان او قومق و مسلمانلری نمازه دعوت عادتق تأسس ایتشدر. الحاصل بو دورده حضرت محمد، شخصنده عسکری، قضائی، دینی، اداری بوتون صلاحیتلری طوپلامش بولونیوردی. پیغمبرک تلقی ایتدیکی وحی الهی قبول عامه یه مظهردی. بو خصوصده پیغمبرک کوردیکی حرمت اودرجه یو کسکدی که هر کس پیغمبره تماس ایدهن هر شیء مقدس عد ایدردی. حضرت محمد، حائز اولدینی یو کسک نفوذ و اقتداره رغماً معیشتک ساده لکنی ذره قدر ده کیشدیرمه مش، پیغمبرک زوجه سی حضرت عائشه، اونک بالذات اوطه سنی سوپوردیکنی، آتشی یاقدیغنی، سو کوکلرینی دیکدیکنی، غدا سنک بر قاچ خورما ایله بر مقدار آرپه ا کمکندن، بر مقدار سوتله بالدن عبارت اولدیغنی بیان ایتکده در.

رسول اکرم، مسائل دینیه ایله مشغول اولدینی حالدده مسائل دنیویه بی نظر دقتدن دور طوتمازدی. حضرت محمد، بیک یوکلوه ده وه دن متشکل بر کروانک سوریه دن کلکده اولدیغنی، بو کروانک محافظه سی ایچون (مکه) دن ۹۵۰ مکه لینک حرکت ایتدیکنی خبر آلاق، بر تعرضه دوچار اولماق ایچون احتیاطکارانه حرکت ایتکده؛ ۳۱۳ عسکردن، آلتش دوه وایکی آدن عبارت قوتی

[۱] شرقلیلر آراسنده یهودیلر قدسده کی معبده، مسلمانلر کعبه یه، صابئیلر زوال خطنه، مجوسیلر مشرقه توجه ایدرلر.

احضاره قرار ویرمشدی . حضرت محمد بدره مواصلت ایدوب
 عسکر لريله قوناقلادینی زمان مکه لیلر کورونمش ، فقط مکه لیلرک
 فائیت عددیه سی اراضینک آچاقلغنی حسبیلله کوزه چارپمامشدی .
 حضرت محمد ، وضعیتک وخامتنی مدر کدی . اسلام مقدراتی ، بو حربک
 نتیجه سنه باغلی ایدی . بونی تقدیر ایدن محمد ، اللرینی سمایه قالدیره رق
 تضرع اتده بولونمش وشو سوزلری سویله مشدی : « یارب ! سکا نیاز
 ایدیورم . بزه وعد ایتدیکنک نصرت وظفری احسان ایت . یارب !
 شو کتیبه هزیمته دوچار اولاجق اولورسه بت پرستلک حاکم اولاجق ،
 یر یوزنده سکا کمال صفوت و اخلاص ایله عبادت ایدن قالمایا جقدر ! »
 بونی متعاقب طرفین آراسنده حیات و ممات مجادله سی باشلامش ،
 پیغمبر قیویلجیم صاچان کوزلرله و یوکسک سسله الله اوغورنده
 شهید اولاجق مؤمنلر ایچون جنت قابولرینک آچیق اولدیغنی سویله مشدی .
 رسول اکرم « ملکر بزمه دره دیمش ، صو کره بر آووچ قوم آلارق
 مکه لیلرک اوزرینه سرپمش ، « شاهت الوجوه » دیمشدی . مسلمانلرک
 شهامت غیر قابل تسخیردی . حضرت محمد ، مدینه یه مظفر اولارق
 عودت ایتمش ، آلینان غنائم مجاهدلر آراسنده تقسیم اولونمشدی .
 بدر غزاسی ، قرآنده مکرراً بیان اولونمقده در . بو حربک حضرت
 محمد بخش ایتدیکی صیت و نفوذ دیگر غزالرده ظفر احرازینه سائق
 اولمشدر .

ایرتسی سنه ، ۶۲۴ سنه سنده ابوسفیانله قریشک وحشیانه حدتی ،
 مدینه دن آلتی میل اوتله ره قدر ایلر یله بن (۳۰۰۰) دشمن کتیر مشدی .
 بونلره قارشلی پیغمبرله برلکده ۹۵۰ مسلمان حرکت ایتمش ، احد
 طاغنک اتکنده اخذ موقع ایتمشلردی . قریش ، بر هلال شککنده
 ایلر یله یوردی . سوارینک صاغ جناحنه عرب قهرمانلرینک الک مشهوری

واک آتشینی (خالد) قوماندا ایدیوردی . حضرت محمد صفلرینی بویوک بر مهارتله دیزمش ، مسلمانلر دشمنک مرکزینی یارمشلر ، دشمن فراره باشلامش ، بونک اوزرینه حربک ختامه ایردیکنی تخمین ایدن عسکرلر ، غنیمتلری طوبلامغه قویولمشلر ، خالد بو فرصتدن استفاده ایدرک مسلمانلرک خطر جعتلرینی اشغال ایتمش ، بالذات حضرت محمد تهلهکویه دوچار اولارق بر طاشله ایکی دیشی قیریلشدی . بوسیرهده خالد « یالانجی پیغمبر قتل اولوندی » دییه باغیردیغندن پیغمبرک اصحابی یأسه دوچار اولارق رجعتله باشلامشلر ، آنجق پیغمبرک اک صمیمی آرقداشلرندن بر قاجی اونک اطرافنده طوبلانارق کندیسنی جای سلامته ایصال ایتمشلردی . حضرت محمد ، بوشدید و فلاکت انکیز محاربهده حضرت علی طرفندن کوستریلن قهرمانلغه مکافات اولارق ، اوکا عزیز کریمه سی فاطمه بی ویرمشدی . مستقنا بر کوزه لکی وچوق یوکسک فضیلتی حائز اولان (فاطمه) ، مسلمانلرک مقدس طانیدقلری قادینلردن بریدر .

بو ازدواجی تعقیب ایدن سنهده حضرت محمد ، فریضه صیامی تبلیغ ایتدی . [۱]

بو صیرهده اسلامیتی قبول ایتدکلرینی ادعا ایدن بر قاج عرب قبیله سی ، ممالکتلرینه عقائد دینییه نی تعلیم ایده جک مرشدلرک اعزانهی طاب ایتمشلردی . فقط بو مرشدلر محل مقصوده مواصلت ایدر ایتمز ،

[۱] فریضه صیامی ایفا ایتمینلرک جزاسی عایت معتدل وغایت معقولدر . اوروج طوتامایانلر ، بر فقیری اطعام ایدرلر . حال بوکه خریستیان ایمراطور شارلمانک دورنده ، حتی اون بدنجی عصرده خریستیان اوروجنی اخلال ایدنلرک جزاسی قلیجابه کله سی اوچورولوق صورتیله اعدام ایدی . ۱۶۲۹ سنه سنک برنیساننده اولدیریلن وبر چاییره آتیلان بر بارکیرک اُنندن ییدیکی آکلاشیلان بر آدام عینی سنه نک ۲۸ تموزنده اعدام اولونمشدی . انسانلق ومدنیتک هانکی طرفده اولدیغنی صور مقده حقلی ده کللی یز ؟

اك خائنه واك ظالمانه شكلمده اولدير بلمشاردى . يهوديلرده، يكي طوغان دینه هر صورتله مخالفت ايتشاردى ؛ هر لحظه رسول اكرمك حياتنه قارشى سوء قصدلر ترتيب اولونيوردى . فقط پيغمبرك بر لحظه تشوشه اوغرامايان اعتدالى و هر دم متيقظ دقت و احتياطكارلغى سايه سنده بونلرك هپسى بر طرف اولمشدر . حضرت محمدك نفوذى او درجه يوكسلمشدى كه ايجكيلرك استعمالنى منه دهه موفق اولمش ، بوتون حقيقى مسلمانلرك مسكراته استكراه كوزيله باقمارينى تأمين ايله مشدى . مسلمانلغى متعدد و ظالم دشمنلردن قورتارمق ايجون بويله بر اعتلاى اخلاقى به شدتلى بر احتياج واردى . حقيقت حالده قریش يهوديلرله وچولك مختلف طرفلردن كلن قيله لرله توحيد مساعى ايتمش ، بونلرك هپسى مسلمانلغك احساسنى مشترك بر دعوا حالنه كتير مشار ، و مدینه به يورومشاردى . مسلمانلغى (مدینه) ده بوتون بو خصومت و عداوت طوفانى ذى دها بر انسانك عزمكار اراده سييله ، سونمز وييلماز بر شوق و هيجان ايله ، تسخير ايديلمز بر ثبات و اخلاص ايله بلكه يور و يالكوز بونلره كووه نيوردى . بوتون بو خصومتلرك ، بو عداوتلرك حر كترلرى هدر اولدى . نهايت مخاصملىر محاصره يى قالديرمغه و كريله مكه مجبور اولديلر . حضرت محمدده قوتى بنى قريظه به توجيه ايدرك شدتلى بر مجادله دن سو كرا اوللرى قطعى بر هزيمته اوغرامشدى .

بوصيرالرده حضرت محمدك اولادلغى اولان زيدك زوجه مطلقه سنى تحت نكاحنه آلمسى يوزندن پيغمبرك عليهنده غايت خائنه بر افترا ده بولونولديغى جهته بو افترا يى رد و جرح ايجون توقف ايتمك كر كدر . حقيقت حال شوندن عبارتدر : اسلاميتدن چوق زمان مقدم عربلر آراسنده شايع اولان بر عاده كوره بر انسان بر قادينه « آلام اول » ديه جك اولورسه او آدام آرتيق او قادينله ازدواج ايله مزدى .

ناصل که بر چوجوغه «او علم اول» دینه جک اولورسه او چوجوق اونک اولادلنی اولور و حقیقی بر اولادک بوتون حقوقی احراز ایدردی . قرآن ، بو ایکی عادتیه الغا ایتدی . بناءً علیه بر انسان بر قادینه «آنام» دیسه ده رابطه زوجیه خالدار اولمایور ، یا خود انسان بر اولادلنی طرفندن بوشانان بر قادینه ازدواج ایده بیلوردی . حضرت محمد ، زینب نامنده کی مسلمان قیزینه حرمتله متحسس اولدیغنی ایچون اوننی یینه چوق سهودیککی بر کنج اولان زیده آلمشدی . فقط بوزوج وزوجه مسعود اولما دقلرندن (زید) ، حضرت محمدک اخطاراتنه رغماً ، زوجه سنی بوشامغه قرار ویرمشدی . حضرت محمد ، طلاق وقوعی تقدیرنده ازدواجک وقوعنه بالذات سائق اولدیغنی ایچون کندیسینک مؤاخذه ایدیه جکنی حس ایتدیکندن ، بوندن باشقه زینبک مؤثر شکایتی قارشیسینده قالدیغندن مومی الیهایی تحت نکاحنه آلمقله مسئله یی تلافی ایتک ایسته مشدر .

حضرت محمد ، یوقاریده عرض ایتدیکمز عاده مبنی بو قادینی آلدیغنی تقدیرده عربلر طرفندن دوچار تعرض اولاجغنی ، اتهام اولوناجغنی بیلدیککی حالد و وظیفه سوقیله بوتون بو اعتراضاته قارشی کلهرک زینبله ازدواج ایتمشدر .

قبائله قارشی وقوع بولان مظفرانه حرکاتی متعاقب پیغمبرک الک عزیز زوجه سی اولان عائشه ، افترایه اوغرامش ، فقط عائشه نک صمیمی و حقیقی ایضا حاتی ، اونک معصومیتنی تجلی ایتدیردیکندن مفتریلر جزایه چارلمشردی .

(مدینه) دن اخراج اولونان یهودیلر ، مکه لیلردن یاردیم طلب ایدرک مدینه یه تعرض ایده جکلرینی سویله مشلر ، بالنتیجه مکه لیلر طرفندن تأمین اولونان قوای معاونه ایله مدینه یه تجاوز ایتمشردی . احد

مغلوبیتندن سوکرا چوق احتیاط کاردا اورانمغه آلیشان حضرت محمد، مسلمانلغی قبول ایدن بر ایرانلیک توصیه سیله مدینه نك اطرافنده بر خندق قازدیر مشدی. دشمنلر مدینه یه هجوم ایدنجه خندقله قارشیلانمشلر، بالتیجه شهرى محاصره ایتک ایسته مشلر سده شهره وقوع بولان هر تجاوز پوسکور تلدیکندن، دیگر طرفدن دشمنلر آراسندن نفاق و شقاق ده باش کوستردیکندن، هپسیده دونوب کیتمکه مجبور اولمشلردی. بونی متعاقب حضرت محمد، یهودیلرکالتجا کاهی اولان خیبره ایلیله مش، مهم محاربه لردن سوکرا کندیسنی تهدید ایدن تهلکه لردن خبردار اولدیغی حالد خیره کیرمشدی. پدینى، قارده شنى، قوجاسنى و سائر اقرباسنى محاربه ده ضایع ایدن بریهودی قادینى، عائله سنک و قومنک دشمنى عد ایتدیکی محمدك وجودینى ازاله ایتمکه انتقام آلمق ایسته مشدی. بو یهودى قادینى بر اوغلاق کسه رک احضار ایتمش و ایچنه قوتلی بر زهر قاتمشدی. یهودى قادینى غایت مهماننواز بر کوستریشله آقشام یکننده اوغلاغى پیغمبرك حضورینه کتیردی. پیغمبر بر لوقا ییمه دن، اوغلاغك زهرلی اولدیغنى آکلایارق «طوریکیز، یمک زهر لیدر» دییه باغیرمشدی. اوغلاقدن بر آز فضله جه ییه ن (بشر) ک یوزى صارارمش، الی، آیاغى فلجه اوغرامش، نهایت اولمشدی. حضرت محمد ایله آرقاداشلری شدید اوجاعه اوغرامشلر سده محمد، هپسنک اوموزلری آراسندن اوغوشدیر یلمالرینى امر ایتمش، بو صورتله اوغرادقلری اضطرابات تخفف ایتمشدی. کنج یهودى قادینى، چاغیریله رق یچین بویله حرکت ایتدیکی صورولمش، اوده مقتول دوشن اقربالرینک انتقامنى آلمق ایسته دیکنى سویله مشدی. یهودى قادینک بو حرکتی یوتون یهودیلری خوف و اندیشه یه دوشوردیکندن بونلرک اکثریسی

رسول اکرمه عرض تسلیمیت ایتدیله . عربلرک بر چوغنی ده قرآنک فصاحت و بلاغتندن متأثر اولارق مسلمان اولمشوردی .

نماز ائناسنده قبله گاه اولان کعبه یی زیارت مسلمانلردن هر برینک صمیمی بر املی ایدی . حضرت محمد ، بو املی دائماً تشویق ایدیوردی . حضرت رسول ، درلو درلو اذا وجفاهه معروض قالدینی بلده حرامک ده دائره توحیده کیرمه سنی آرزو ایدیوردی . بناءً علیه کعبه یی زیارت ایچین بوتون آرقاداشلریله برلکده حرکت ایتمش ، هر آدم باشنده مخالفته معروض قالدینی حالد بوتون موانعی اقتحام ایده رک (مکه) یه مواصلت ایتشدی . اساساً (مکه) ده ده مسلمانانی قبول ایدن ذوات واردی . مع مافیله بو حرکت ، شو طرزده بر معاهده نک عقدیله نتیجه له مشدی :

(۱) طرفین اون سنه مدته حرب ایتیه جکلر .

(۲) عرب قبائلی مسلمانلرله ، یاخود قریش ایله برله شمشک خصوصنده سربست اولاجق .

(۳) حضرت محمد ایله آرقاداشلری بو سنه عودت ایده جکلر و آنجق کله جک سنه کعبه یی زیارت ایده جکلر .

(۴) مسلمانلر (مکه) یه آنجق قینه قونمش قیلجیلرله کیره جکلر .

(۵) زیارت اوچ کوندن فضله دوام ایتیه جک .

بو معاهده حضرت محمدک بو آنه قادر احراز ایتدیکی اک

بویوک مظفریتدی .

اوپنې نصل

حضرت محمدی زیارت ایدن هیئتلر - حبش نجاشیسنک مکتوبی - پیغمبرک
مهری - ایران شهنشاهنه کوندریلن مکتوب - شهنشاهک حضرت محمد
حقارتی - (بصری) یه قارشى کوندریلن قوت - حضرت محمدک رحمانه
وصایاسی - زید ، جعفر و عبداللهمک قهرمانانه اولومی - قریشک معاهدهی
اخلال ایتمهسی - (مکه) به قارشى حرکت ایدن اوردو - حضرت محمدک
بتلری کندی ایلله بیقماسی - حضرت محمدک مغلوبلره حسن معاملهسی -
مسيلمهك ظهوری - بت پرستلك بوتون عربستاندن ازالهسی - پیغمبرک اوغلی
اراهیمك ارتحالی - کونشک کسوفی - پیغمبرک خرافات ایله مجادلهسی -
حضرت محمدک ارتحالی - دفن و تجهیزی - (قارلایل) ك سجیه محمدیه
حقنده بیاناتی - حضرت محمد طرفندن تأسیس اولونان دولتک سریع
انکشافی - دین اسلامک سرعت انتشاری .

هجرتك طقوزمجي سنه سنده عربستانك هر طرفندن حضرت
محمدی کورمک و مسلمانلغی قبول ایتمک ایچون هیئتلر کلشدی .
حضرت محمد ، حبش نجاشیسنی مسلمانلغه دعوت ایتمش ، اوندن
شو مآلده بر مکثوب آلمشدی : « معبود حقیقی اولان قدرتلی ،
یوکسک ، بویوک آللهک سلامی اتحاف ایدهرم . معبود حقیقینک
یالکز الله اولدیغنه ، محمدی ده اونک کوندردیکنه شهادت ایدهرم .
رسول اکرم ، کندیسنه ام حبیبه یی تزویج ایتمکلمی طلب ایتمکده در .
بو آرزوی کمال ممنونیتله اسعاف ایدیور و مومی الیهایی درت بیک
آلتونله جهازلایورم . »

بو صیراده حضرت محمد ، متعدد حکمدارلره یازدیغی مکتوبلری
مهرلهمک ایچون برمهرقازدیرمشدی . مهرک اوزرنده « محمد رسول الله »

یازیلی ایدی. ایلك مکتوب، ایرانک یمن والیسی (بازان) ه کوندریلمش و بو مکتوبک ایران شهنشاهنه ایصالی طلب اولونمشدی. خسرو، حضرت محمدک مکتوبی پارچا پارچا ایتمش، باذانه حضرت محمدی در دست ایتک، یاخود تأدیب و تنکیل ایچون امر ویرمشدی. حضرت محمد، بو حقارتدن خبردار اولدینی زمان ایران شاهلغنگده تار مار اولاجغنی خبر ویردی. فی الحقیقه خسرو، اوغلی (شیرویه) نک الیه قتل اولونمشدی. فقط باذان ایله تبعهسی مسلمانلغنی قبول ایتدکلرندن حضرت محمد باذانی مأموریتنده ایقا ایتدی. پیزانس ایمپراطوری (هرقل) ک نامه محمدی بی حرمتله قارشیلایه رق حضرت محمدده هدیه لر کوندردیکنی عرب مورخاری تأمین ایتمکده درلر. دیگر بر چوق رؤسا ایله امر بالذات کله رک مسلمانلغنی قبول ایتدی لر. حضرت محمدک شخصنده، اخلاق علوتی ایله جسارت و شهامتک برلشمه سندن ماعدا، کندیسنگ قناعتبخش بر بلاغتی حائر اولماسی، احراز ایتدیکی موفقیاته یاردم ایتمشدر. رسولک آغرنندن کله لر، الهامک بوتون قوتیله دو کولور و عربلرک مخیله سی اوزرنده ا کدرین تأثیری اجرا ایدردی. حضرت محمدک عربلره و بوتون شرقیلره تقدیم ایتدیکی کتاب، محشم وعدلرله دولودر. وعدی چوق اولدینی حالده وعیدی آز اولان بو کتاب، مقاومتسوز بر نفوذی احراز ایتمشدر. حضرت محمد (مکه) و (مدینه) ده تأسیس حاکمیت ایتدکن صوکره کتیردیکی انقلابی مجاور مملکتلره تشمیل ایتک ایستهدی. فقط (هرقل) ه جزیه ویرن بر عرب امیری اولان (شرحیل) ه اسلام سفیرینی قتل ایتدیرمشدی. وقمه نک ایراث ایتدیکی ضرراهمیتسز اولقله برابر حقارت چوق بویوکدی. بونک ایچون درحال اون بیک مجاهد تجهیز اولونمش، حضرت رسول بونلره حق دعواسی

اوغورنده غازيلرك كوستره جكلرى شھامتك دنيوى واخروى مكافانلرينى اك جانلى سوزلرله آكلتمشدى . بو بدن باشقه مجاهدلره غنيمتى خلقك صيرتندن و كوز ياشلرندن ده كل ، فتح ايده جكلرى ملكتك خزينه عموميھسندن استيفا اتمه لرني توصيه ايتدى . حضرت محمد ، اتباعنه شو سوزلرى ده سويله مشدى :

« دوچار اولديغمن حقارته مقابله ايدييوركن انزوايه چكيلنلرك صومعه لرينه تجاوز اتمه ييكز . قادينلرك ضعفنه حرمت ايدييكز . چوجوقلرى صيانت ايدييكز . اختيارلره دو قوعه ييكز . مقاومت اتمه ين خلقك مساكننه تعرضده بولونماييكز . وسائط مېشتى تخريب اتمه ييكز . سوريه نى كولكه انديره ن و يشيلانديره ن آغاجلرى كسمه ييكز . خورما آغاجلرينى محافظه ايدييكز . »

خريستيانلر ، عدد اعتباريه مسلمانلره تفوق ايتدكلرندن مسلمانلر بوسكورتلش و قوماندانلرندن اوچنى ، زيد ، جعفر ، و عبداللھى ضايغ اتمش لردى . زيد ، قوماندان اولديغى حالده ايلك صفلرده بر عسكركى حرب ايدرك شهيد دوشمشدى . جعفر ، چوق قهرمانانه پر صورتده اولمشدى . صاغ قولى وجودندن آريلان جعفر ، بايراغى صول اليه طاشيمش ، صول قولى ضايغ ايدنجه بايراغى ديشلريله ياقالا يارق اللى يارا آلدقن صو كرا ارتحال اتمشدى . جعفر ك موقعنى اشغال ايدن عبدالله : « ايلرى ! ظفر و جنت بزمدر ! » ديه باغيردى . عبدالله ده شهيد اولمش ، دوشمك اوزره اولان بايراق خالد بن الوليدك انه انتقال اتمشدى . اوكون خالدك النده دو قوز قلينج قيريلش ، اونك كوستردىكى شھامت خريستيانلرك فائق وقاهر قوتلرينى توقيف ايدرك كرى آتمشدى .

نھایت طالک یوزى مسلمانلره كولش ، مھارت و شھامتيله مسلمانلرى مستفيد ايدن (خالد) ، حضرت محمد طرفندن (سيف الله) عنوانى احراز اتمشدى .

قریش ، حضرت محمدؐ دشمنانرینه یاردم ایتمکه حدیبیه مصالحه سنی
 اخلاص ایتدیکندن اونک تأدیی ایجاب ایدیوردی . بونک ایچین
 حضرت محمدؐ ، استحضاراتی اکل ایتدکنن سوکرا اون بیک
 مجاهدک باشنده (مدینه) ن حرکت ایدی . (حاطب) نامنده کی
 بری بو قوه سفریه بک سربنی افشا ایدرک مکه لیلری ایقاص ایتک
 ایسته مش و (سارا) نامنده کی بر قادینی (مکه) یه اعزام ایتمش
 ایسه ده حضرت علی و بعدن تام وقتنده خبردار اولارق قادیر تعقیب
 و تام وقتنده توقیف ایتمشدی . قادین سری افشا ایتک ایسته مش
 ایسه ده تحقیق نتیجه سنده (حاطب) ک یازدینی مکتوبی صاحباننده
 صاقلادینی آ کلاشیلمشدی .

بو یوزدن قریش ، آنجق حضرت محمدؐ (مکه) یه مواصلتی
 متعاقب ، وضعیتک و خامتندن خبردار اولمشدی . (مکه) تسلیم اولمش ،
 حضرت محمدؐ بلده حرامه مظفر آ کیرمشدی . ابوسفیان ، مسلمانانی
 قبول ایدرک عفو و صفحه نائل اولدی . دها سوکرا حضرت محمدؐ
 کعبه یه ایلیله یه رک بتلری کندی الیه خردوخاش ایتمش ، کعبه اطرافنده
 یدی کره طواف ایتدکنن سوکرا شهادت کتیرمش ، سوکره زمزم
 قویوسندن سو ایچمشدی . بو صیراده مؤذن ایلمک دفعه اولارق ،
 (مکه) ده مسلمانلری نمازه دعوت ایتدیکندن مسلمانلر و سائر
 مکه لیلر فوج فوج طوپلامشدی . او زمان حضرت محمدؐ ، مکه -
 لیلره دونه رک « نه بکیورسکنز ؟ » دیدی . هپسی ده « علو جنابکی ! »
 دیدیلر . حضرت محمدؐ هپسنه « هایدی کیدیکز ! جناب حق
 جمله کنزی مظهر غفران ایتسین ! » دیدی .

بوتون بتلریتمک مسلمانلر طرفندن خردوخاش ایدیله سندن متأثر
 اولان (هوازن) سلاحلرینه مراجعت ایدرک مسلمانلره هجوم ایتمه بی تصمیم
 ایتشلر و بومقصدله (حنین) وادیسنه قاندار ایلیله مشلردی .

مسلمانانردن اون بيك مجاهدله ، هنوز مسلمانانغى قبول ايدن ايكي بيك (مكه) لى (هوازن) ي تامار ايدنه جگكردن امين بولونيورلردى . فقط مجاهدلر هوازنك اوق صاغناغيله قارشيلاندقلرندن بوزولمشلر ، ناموس شكن بر رجعتنه دوچار اولمالرينه رفق قالمشدى . بو دقيقه لرده انسانلر قوه معنويه دن باشقه قوتلى قوله وصاغلام قافيه محتاجدرلر . حضرت محمد، در حال ميدانه آتيلارق كوسترديكى شهامتله عسكركلرينى فرار شائبه سيميله لكه لكدن قورتاردى . هوازن ، مغلوب اولمش ، مكمل بر سورتده تعقيب ايدلمش ، نهايت اوده عرض تسليميت ايتمشدى . غالبلك انه آلتى بيك اسير ، ۲۴ بيك آت ، ۴ بيك كخيلان ، بر چوق كوموش دوشمشدى غنائمك تقسيم اولوناجغى صيراده (هوازن) مرخصلرى كلهرك بو قدر عائله نك فلا كته او عماماسى ايچين پيغمبره مراجعت ايتمشلر ، پيغمبرده مجاهدلرى طولايه رق شو سوزلرى ايراد ايتمشدى :

« مسلمانلر! قرده شلريكلز ندامت ايدرك سزه مراجعتله بابالريله والده لرينك و چوقوقلرينك سربستيسنى ؛ مال و منالرينك اعاده سنى رجا ايدنيورلر . بن بو رجايي قبول ايدنيورم . سزده قبول ايدرسه كز قابمى ممنونيتله طولديررسكز . شايد بوندن متضرر اولان ورسه در حال سويله سين ، اوكا باشقه بر زمان تضمينات ويردوم . »

حضرت محمدك سوزلرينه اعتراض ايدن اولمامش ، بلكه اعتراض ايمه يي دوشون بولونمامش ، بوتون اسيرلر سربست بيرا قيلمش ، هر كس مسلمانلغك عدالت وانصافندن حصه ياب اولمشدى .

مسلمانانغى قبول ايدنلر آراسنده بالا آخره اعلان نبوت ايدن مسيلمه ده بولونيورلردى ، اعلان تبوتك احراز موفقيته كافي كلديكى ظن ايدرك مسلمانلقدن ارتداد ايتمش ، و حضرت محمده يازديغى

مکتوبده دنیانک پاریسنی اوکا ، یاریسنی ده کندیسنه ویرمشدی .
حضرت محمدک مسلیمهیه ویردیکی جواب بوجه آتی ایدی :

« اللهمک پیغمبری محمدن ، یالانجی مسلیمهیه . ارض اللهمکدر ،
اونی ایستدیکنه بخش ایدر . »

هجرتک اونجی ییلنده یمنده اسلامیتی نشر وخلق ارشاد ایتک
اوزره حضرت علی کوندریلش وبالنتیجه بر چوق قبیله لر مسلمانلغی
قبول ایتشلردی . یمنده آنجق خریستیان اولان نجران قبیلاسی جزیه
تأدیسهنی ترجیح ایتمشدی .

بو صورتله بوتون عربستانده مسلمانلق تأسس ایتش ؛ محمدک حال
حیاتنده بت پرستک کوکندن سو کولوب آتیلمشدی . بو موفقیت
حضرت محمدک یالکیز دهای عسکریسنه عطف اولوناماز . بالعکس
اونک بر فاتح اولدینی قدر بر مجدد اولماسنه ، اعلان ایتدیکی دینک
بوتون پیغمبران طرفندن تلقین اولونان دینه مطابق بولونماسنه ،
عربستانک او دورده کی حالنه نسبتله اک خالص واک صاف تعالیم اخلاقیه یی
محتوی اولماسنه وابسته در . بوندن باشقه حضرت محمد ، محکمه سز ،
محاکمه سز و حکم سز قصاصی منع ایتکله عربلرک احتراصاتی موثر بر
قید ایله تقیید ایتمشدی .

عربلرک اسلامیتی قبول ایتلری ، عمومی و صمیمی بر حرکتدی .
عربلرک شعور دینیسی آرتیق انتباه ایتش اولدیغندن مهییج روحلری
بر وادییه دوکولمشدی : دعوای السهی یی یوکسلمک واللهمک وحدانیت
وصمدانیتی اوغورنده اولمک . هر مسلمانک یکانه امل خالصی بو
ایدی . اقتدار وشوکت صاحبی اولوق ، غنیمت آله ایتک ، شان
وشرفه یوکسلمک ، حتی آخرتده جنتی احراز ایله مک آنجق بوخالص
وقاهر املی تقویه ایدیوردی .

بوتون عربستانده توحید عقیده سی تأسس ایتد کدن صو کره تبوک سفری وقوع بولمشدر . مسلمانلر سوریه حدودینه قدر ایلریله . مشر ، او حوالیده مقیم اولان بوتون عرب امراسی تسلیم اولمشدردی . حضرت محمد ، جزیه و فدیلهر آملقه برابر دائماً مغلوبلرک حسیات دینه سنه حرمت ایتمشدر . حضرت محمد مسلمانلغی تبلیغ ایتمش ، فقط اونی جبراً قبول ایتدیرمک ایچون بر تشبته بولونماش و بو خصوصده دائماً قرآنک اوامرینی اجرا ایله مشدر .

حضرت محمدك بوسفرده احراز ایتدیکی موفقیتلر ، کندیارندن چوق معتدل بر ویرکی آملقه اکتفا ایتدیکی خریستیانلره قارشی کوستردیکی مسامحه کارلقدن ایلری کلشدر . محمد ، مدینه یه عودت ایتدیکی زمان فتح ایتدیکی مملکتلرده کی هر قلب ، مسلمانلغک مسامحه کارلغنه مجلوب اولمشدی .

حضرت محمدك بو دور حیاتنده وقوع بولان بر حادنه بیطرف وبصیرتکار منقدر نظرنده ، بعضیلری طرفندن اوکا قارشی وقوع بولان ساخته کارلق اسناداتی بر طرف ایتمه کفایت ایدر . محمدك یکانه اوغلی ابراهیم ارتحال ایتمشدی . نسل محمدینک یکانه واسطه توالیسی اولان بو چوجوغک ضیاعی ، چوق مؤلمدی . بو کنجک تام ارتحال ایتدیکی دقیقه ده تصادفاً کونش کسوفه اوغرامش ، خلق بو حادثه یی سماواتک بر علامت حزن و کدری تلقی ایتمشدی . حضرت محمد ، بو خرافات آمیز حسی ، بو متبصبص ذهنیتی تشویق ایده جگنه جماعت اسلامییه یی دعوت ایدرک شوسوزلری سویله مشدی : « مسلمانلر ! کونشله ییلدیزلر ، اللهمک اثر قدرتیدر . انسانلردن برینک حیات و ماتندن دولایی بونلر خسوف و کسوفه اوغراماز . »

حضرت محمد ، بونی متعاقب دائره اسلامه کیرمک اوزره (مدینه) یه

کلناری قبول ایتمهکه ، دنیانک نصفنده واک کوزهل قسمنده تأسی
مقدر اولان سلام دولتک قوانین و مؤسسائی تنظیم ایتمهکه مشغول
اولدی . حضرت محمدک حجة الوداعی اک محتشم و اک مؤثر طائفه لردن
بری ایدی . محمد صاحبیری کسدکن و آبدست آلدقن صوکره
کعبه یه کیره رک حجری اویمش ، طوف ایتمش ، صوکره صفا داغنه
ایلریله یهوک یوکسک سسله تکبیر کتیرمش ، صفادن مرویه کیتمش ،
آلتمش اوچ دوه قوربان ایتدکن صوکره ۶۳ کوله یی آزاد
ایله مشدی .

دها صوکره حضرت محمد ، مدینه یه عودت ایتدی . چوق
کچمه دن شدتلی بر حمایه طوتولدی . بو حمانک تهله کالی اولماسی
احتمالی درپیش ایدن محمد ، اک چوق سودیکی ذوات ایله محاط اولوق
آرزوسنی کوستردی و خسته لوق مدتی عزیز زوجه سی عائشه نک اوند
کچردی . پیغمبرک دوچار ارلینی اضطراب شدتلیدی . آرا صیرا
فرط اضطراب ایچنده « یهودیلرک زهری بنی اولدیریور ، ایچمه
هر دامارمک یرتیلدیغنی حس ایدیورم » دیوردی . مع مافیله حضرت
محمد ، صوک نفسنه قدر ، سلامت حواسنی محافظه ایتمش ، او
قدرکه سوریه یه قارشی احضار اولونان قوه سفریه یه لازم اولان
هر شیئی دوشونمش ، اکمال ایتمش ، اسلام سانجاغنی تقدیس ایدرک
اونی (اسامه) نک ید حماست و حمیتنه ثودیع ایله مشدی . حضرت
محمد ، ارتحالندن اوچ کون اولنه قدر ، بوتون فرائض دینه سنی
و وظیفه امامتی ایفا ایتمش ، نهایت پک بیتاب اولدیغنی حس ایدنجه
امامت وظیفه سنی اسکمی و عزیز دوستی حضرت ابو بکره توجیه
ایله مشدی . پیغمبر ، جماعته صوک مازنی قیلدقن صوکره شوسوزلری
ایراد ایدرک تواضع و صمیمیتیه بوتون جماعتی کریان ایتمشدی :

« آرقاداشلار ، شایر بر کیمسه یی حقسنز اولارق بر کونا ضرره
اوغراتدی ایسه م حسابی ایسته سین . شاید بر مسلمانان قارشیی بر خطاده
بولوندیسه م بلاتاخر خطامی اعلان ایتسین . بر کیمسه مک مالنی آلدیسه م
اوده مک حاضرم » حاضر وندن بری حضرت رسولک کندیسنندن اوچ
درهم آلدیغنی سویله مش وپاراسی در حال تأدییه اولونمشدی . پیغمبر ،
بوکا قارشیی « بو دییاده محجوب اولوق ، آخرتده محجوب اولمقدن
دها قولایدیر . » دیدی . فاطمه ، باباسنک فراش احتضاری یاننده
بولونمق وزره کلش ، آغلا یوردی . حضرت محمد قیزینه باقارق
« قیزم نه یه آغلا یورسک ؟ دیدی ، یرده ، کوکده قادینلرک اک
خیرلیسی اولوق سکا یتشمزمی ؟ » سوکره پیغمبر ، بوتون کوله لرینی
آزاد ایتدی . فراش احتضارینک اطرافنده آغلایان اقرباسنه شو
سوزلری سویله دی : « اولومدن سوکره نه یاپا جغکزی سویلیه ییم :
جسدیمی غسل و تکفیندن سوکره یاتدیغیم یرک آلتنه قازیلاجق مزاریمک
کنارینه قویکیز . » بر آرزو توقفدن سوکره پیغمبر سوزینه دوام
ایتدی : « اولاملکار نمازیمی قیلاجقار ، سوکره سز کیریکیز ،
نمازیمی قیلیکیز ، نهم ایچون اللهک رحمتنی تمنی ایدیکیز . اهل اسلامه
یر نمونه اقتدا اولوق ایچون حزن و ماتمدن فراغت ایدیکیز . اکبویوک
آرزوم ، حزن و فغان ایله حضوریمی اخلال ایتمه مکزدر . » بوسوزلری
سویله دکن سوکره حضرت محمد بر قاق دقیقه غشی اولدی .

پیغمبر ، ارتحال ایتدیکی کونک صباحنده اللرینی بیقایه رق « یاربی ،
روحی اولومک شدائدینه قارشیی تقویه ایت ! » دیدی . سوکره
کندندن کچدی . پیغمبرک ارتحالی دقیقه سی یا قلاشمشدی . حضرت
عائشه دییورکه : « رسولک یاننده اوتوریوردم . باشی قوجاغنده ایدی .
یردن بره کوزلرینی آچهرق طاوانه دیکدی . بو مدید نظر اثناسنده

پیغمبر ضعیف برسلسله صوك سوزلرینی سویلهدی : « یاربی بنی مظهر
غفران ایت ، رفاقت علیایی نصیب ایله ! » دیدی ویره سریلی خالینک
اوزرنده حضور اچنده تسلیم روح ایتدی .

حضرت محمد ، هجرتك اون برنجی ییلنده ، ربیع الاول اینك

۱۲ نجی کوننده یعنی میلادك ۶۳۲ نجی سنه سنك ۸ حزیراننده آلتمش اوچ
یاشنه بالغ اولدینی حالده ارتحال ایتمش و (مدینه) ده دفن اولونمشدر .

حضرت محمدك جسدی ، دشمنلرینك غایت ابلهفریبانه برسورتده

ادعا ایتدکلی وجهله دیره کله اوزرنده هوایه تعلیق اولونماش .

یره کومولمشدر . ۱]

حضرت محمدك ارتحالی ، عمومی برحزن وماتم وجوده کتیردی .

چوقلری « عجبا پیغمبر ارتحال ایتدکن صوکره مسلمانلق پایدار

اولورمی ؟ » سؤالی ایراده باشلادیلر . حضرت ابوبکر : « محمد ،

برپیغمبردن باشقه برشی دکدر . اوندن اولده پیغمبرلر کوندریلمشدی .

شاید او اوله جك ، یا خود اولدیر یله جك اولورسه کریمی دونه جکسکر ؟ »

آیتلرینی او قودی وهر کسی تسکین ایتدی .

[۱] مؤلفك اشارت ایتك ایسته دیکی نقطه اولدجه مهمدر . چونکه اوروپاده

قرون وسطاده حضرت محمدك مزاری حقنده برسورو خرافه لره اینانیلیوردی .

بو کون بیله بلکه بونلره اینانلر واردر . بو خرافه لره کوره حضرت محمد

یره کوموله مش ، برقبه نك تپه سنه یرلشدیریلن غایت قوتلی بر مقناطیس

سایه سنده تابوتك بوتون مسلمانلر قارشیسنده هوایه قالماسنی تأمین ایتمشدر ! .

دیگر خرافه لره کوره حضرت محمدك مزاری اوستنده کی بوتون قبه نك مقناطیسی

طاشدن بنا ایدیلش ، پیغمبرك دمیردن تابوتی هر طرفدن کلن مقناطیس

تأثیر یله هواده دورمشدر !

پیغمبریمزك مزاری حقنده بو قدر هذیان آلود خرافه لر اویدیران کور

تعصبلرک دینمز ، اعتقادمز حقنده نلر اویدورا جقلرینی تخمین ایتك مشکل اولماز .

مؤلف ، حضرت محمدك تابوتی دیره کله اوزرنده هوایه تعلیق اولونماش ،

یره کومولمشدر ، دیگله بو خرافه لری تکذیب ایتك ایستیور .

حضرت محمدك ارتحالنى متعاقب اولاً حضرت ابوبكر ، صوكره
 حضرت عمر ، صوكره حضرت عثمان ، صوكره حضرت على ، رياست
 اسلاميه ي درعهده ايتديلر .

شونى سويله يه بيليرز كه حضرت محمدك مقاومتسوز برسطوتى حائز
 اولان قيليجى ، اخلافنك الندء ، آفريقا ، آسيا و آوروپا - ه بويوك بردولت
 تأسيس ايمه دن قينه كيرمه مشدى . مسلمانلر ظفردن ظفره قوشمشلر ،
 ايران ، فلسطين ، سوريه و مصر ، بربرينى متعاقب مسلمانلر كه انه
 دوشمشدى . اون ايكي سنه ظرفنده مسلمانلر (۳۶) بيك شهر ،
 قصبه و قلعه ضبط ايتمشلر ، (۱۴۰۰) جامع انشا ايتمشلر ، اسكندريه دن
 طنجه يه قدر بوتون آفريقا يى ، اسپانيا نك بويوك قسمنى تسخير ايتمشلردى .
 بوتون اسلام محررلى ، فطرتك حضرت محمده بخش ايتديكى
 مواهب فكريه و كمالات اخلاقيه ي اك خوشنود و مفتخر بر ذوقله قيد
 ايدرلر . محمد ، بويوكلره حرمتى ، كوچوكلره قارشى تواضعى ،
 معارضلرينه تحملى ايله عموم طرفندن سه ويلىش ، هر درلو تعظيم
 و حرمتى كورمشدر . حضرت محمد مخاطبلرينى اقناع و الزام ايتك
 خاصه سنى ده حائزدى . كتاب طبيعته متبحر اولان محمدك دماغى ، اك
 بى امان مخالفلك مراجعت ايدى جكلىرى بوتون وسائلى قوراياجق ،
 يا خود اتباعنك كوچوك برانديشه سنى احاطه ايدى جك درجه ده امتداد
 وانكماش ايدردي . عظمتك بوتون خشيتيله برابر سويلى بر
 طاتليقله تزين ايدن سيمى محمدينك ساده بلاغتى ، هر كسك وجداننده
 برهيجان ، حرمت و محبت او يانديرردى . كنديسنده او قدرتلى هواي
 آمرىت واردى كه اهل عرفانى متأثر ، جاهللىرى سوق و ارشاد ايدردي .
 بر دوست و بر پدر اولق اعتباريله حضرت محمد فطرتك اك نازك
 حسياتيله متحسسىدى . محمد ، بك شفيق و عاليجناب بر قلبى حائز

اولدینی واجتماعی، بیتی بوتون وظائفی ایفا ایتدیکی حالده هیچ بروقت
(رسول الله) عنواننک یو کسکلکنی اخلال ایده جک بر حر کتده بولو نمامشدر.
پیغمبر بویوک دماغر ایچون چوق طبیعی برشی اولان بوساده لکله اوینک
بوتون ایشلرینی کورمکده تردد ایتمز، بوتون عربستان کندیسنه اطاعت
ایتدیکی زمان بیله، البسه سنک سو کوکلری کندی ایله دیکمکدن،
آیاق قابی بالذات تعمیر ایتمکدن نحاشی ایتمز، قویونلرینی صاغار،
نهوینی سوپورور، آتشی یاقاردی. پیغمبرک هر کون تناول ایتدیکی
طعام، خورما و صو، اک سهو دیکی شیر، سود و بالدی. سیاحت
ایتدیکی زمان پیغمبر، یکنی خدمتجیسیله برلکده تقسیم ایدردی.
(قارلایل) ک بو «قهرمان پیغمبر» حقنده کی ملاحظاتی او قدر
کوزلدرکه اونلری موضوع بحث ایتهدن کچمه جکیز: «چولک
بو درین قلبی اولادی، پارلاق قارا کوزلریله، آخیق، درین
روحیله، حرصدن عاری فکرلرله مشبوعدی. محمد، ساکن
و معظم بر روحدی. او آنجق صمیمی اولاجق انسانلردن بریدی.
طبیعت اونی صمیمی اولق ایچون یاراتمشدی. انسانلرک بر قسمی
جدلیات و تفرعات ایله مشغول اولورکن او کندی روحیله حقائق
أشیایه نفوذ ایدیوردی. وجودک سر معظمی، دهشتلریله و احتشاملریله
بو آدامک دروننده طوغمشدی. بو آدامک سوزلری، دوغریدن
دوغرویه طبیعتک سسیدر. انسانلر بوسی دکلرلر، و دیکله ملیدرلر،
باشقه برشیده قولاق اصماملیدرلر. چونکه، باشقه هرشی هیچدر.
بو آدامک دماغی بیکلرجه فکرک محشریدی. او هپ کنده نه «نه ایم؟
شو ایچنده یا شایوب کائنات تسمیه ایتدیکم اولچوسز شی نه! حیات نه؟
مات نه؟ نه یه ایمان ایتلی؟ ونه یامالی؟» سؤالرینی صوریوردی.
حرا داغنک، سینا داغنک یا لچین قایلری، قوملی عزلتکاهلرک هپسی

بوسؤاللاره جواب ويره ميوردى ، انسانك تپه سنده قيوريلان مكو ك ب
سالر ، بوسؤاللر قارشيسنده سكوت ايدييوردى . فقط بو آدمك
روحى واورو حده كى وحى الهى بونلره جواب ويريوردى .

حضرت محمدك نبوتى ، كندى عائله سى ده هر كس دن فضله تصديق
ايدييوردى . بر عرب اولق صفتيله حضرت محمد ، قوم قدر پریشان ، آچ و چيلاق
عرب نرى درلى طويلى روحىت حالنه كتير مش ، اونلرى يكي بر صفت ويكي بر
ماهيتله اقوام جهاننه تقديم ايتمشدر . محمدك تاسيس ايتديكى وحدت ،
اوتوز سنه ظرفنده بيزانس امپراطورى هزيمة اوغراشمش ، ايران
كسرالرينى خاك ايله يكسان ايتمش ؛ سوريه ، عراق و مصرى فتح ايتمش ،
فتوحات اسلاميه يى بحر محيط اطالاسيدن بحر خزره و ماراء النهره قدر
تمديد ايتمشدى . اون ايكي عصر در بوتون بو حواليده مسلمانلق
حكمراندر . آنجق اسپايا دائره اسلاميتدن چيقمش بولونيورسه ده
مسلمانلق توسع ايتكده دوام ايتمش ، شمالى آسيا مركزى آفريقاده
و بحر خزر حواليسنده انتشار ايده كلشدر .

قهرمان بيغمبر بويله بر بيغمبردى . محمدك دهاسى ، زردشتيلكى
تارمار بر جماعت حالنه كتير مش ، هندستانى فتح ايدر ك براها ديننه
غالب كلمش ، بودا دينى بيله مغلوب ايتمش ، عيسويتك شرقى كى
بوتون حاكيتنى ده و ير مش ، مصر دن جبل طارقه قدر رومانك بوتون
آفريقاسنى الده ايتمش ، اوروپايه كچهر ك اسپايانك قسم اعظمه تملك
ايتد ك دن سو كره لواره قدر ايلريله مش ، اسكى روماي تيتره تمش ،
ونهايت يكي روماي يعنى استانبولى ضبط ايتمشدى .

[مؤلف بوفصلی متعاقب امام (ابو صیری) نك مشهور قصیده میمیه سندن پیغمبریزك اوصافنه عائد بیتلرک ترجمه سنی نقل اتمکده در . بزده بوایاتک اصلیه برابر ترجمه سنی ده قید ایدیورز .]

محمد سیدالکونین والثقلین * والفریقین من عرب ومن عجم
حضرت محمد ، دنیا و آخرتک ، انس و جنک ، عربلرله سائر
اقوامدن متشکل بوتون اتملرک پناه والتجا کاهیدر .

نبینا الا امر الناهی فلا احد * ابر فی قول لامنه ولانعم
پیغمبریز ، تبلیغنه مأمور اولدیفی بوتون یوکسک عقیده لری ،
بوتون اعمال مقبوله یی بیلدیرمندر . بوتون دنی ، ردی ایشلردن بزى
نی ایدن اودر . نفی واثبات خصوصنده اوندن دها دوغری حرکت
ایدن ، وعدو وعیدنده اوندن دها دردست اولان بر کیمسه یوقدر .

هو الحبيب الذي ترجى شفاعته * لكل هول من الاهوال مقتحم
پیغمبریز للهک او سهو کیلیسیدر که ایچنه دوشولن هر بلانک
دفعی ایچون شفاعتی امید ایدیله جک اولان آنجق اودر .

دعا الى الله قال مستمسكون به * مستمسكون بحبل غير منقص
او پیغمبر ذیشان انسانلری الله دعوت ایتدی . اوکا صاریلانلر
هیچ بر وقت قومیه جفی بر باغه باغلانمش اولورلر .

فاق النبيين في خلق و خلق * ولم يدانوه في علم ولا كرم
حسن صورت کبی ظامری کالاتیله و خصال حمیده کبی معنوی
کالاتیله بوون انبیایه فائق ایدی . علم و کرم اعتباریله بونلر اوکا
یاقلاشامادیلر .

و كلهم من رسول الله ملتمس * غرفا من البحر اورشفا من اليم
انبیانک هپسی رسول اسلامک دریای عرفاندن بر آووج واونک
سیل کرمندن بر جرعه ایله تفیض ایتشلردر .

وواقفون لديه عند حدهم * من نقطة العلم او من شكلة الحكم
بوتون انبیای ، متبوع معظملری اولان حضور محمدی ده موقعلرینه

كوره علمك بر نقطه سى ويا حكمتك بر حر كه سى اولارق اخذ موقع ايدرلر .

فهوالذى تم معناه وصورته * ثم اصطفاه حبيبا بارى النسم
معنى وصورته ، باطن وظاهر اعتباريله حائز كمال اولان رسول
الكرم ، ذات بارى طرفندن حبيب اولارق انتخاب اولونمشدر .
منزه عن شريك فى محاسنه * جوهر الحسن فيه غير منقسم
[ناظم رسول اسلامك صفات ثبوتيه سنى بيان ايتدكدن صوكره صفات
سلبيه سنه نقل كلام ايدرك ديوركه :]

محاسنده هر شريك و نظيردن منزه اولان اوزات والانك خير
وكمال منبعندن آلايفنى گوهر حسن، تجزى قبول ايمز .
دع ما ادعته النصرى فى نبهم * واحكم بما شئت مدحافيه واحتكم

[ناظم رسول اسلامك اوصاف و محاسن اعتباريله بي نظير اولديغنى
سويله كدن صوكره عوام ناسك اوكا ، نصارانك پيغمبرلرينه عطف ايتديكى
(ابن الله) كى صفاتى توجهيه مساغ كورمه لرينى توهم ايدرك بو بيتى يازمش
وشو شكلده اداره كلام ايتمشدر :]

نصارانك پيغمبرلرى حقنده سويله دكلرينى بيراقده مدحكده
حكيمانه حركت ايت، حدود انسانيه بي تجاوز ايدرك صفات صمدانيه
تجاوز ايمه .

فانصب الى ذاته ماشئت من شرف * وانصب الى قدره ماشئت من عظم
اونك ذات رسالتپناهيسنه ايستهديكك قدر شرف ، اونك قدر
عالميسنه ايستهديكك قدر عظمت اضافه ايت .

فان فضل رسول الله ليس له * حد فيعرب عنه ناطق بضم
چونكه پيغمبر ذيشانك فضل وكمالنه بر حد يوقدر كه لسان اونى
افاده ايدم بيلسين .

لم يمتحننا بما تعي العقول به * حرسا علينا فلم نرتب ولم نهم
پيغمبر يميزى فرط محبتندن عقللرى عاجز بيراقه جق بر شيله امتحان
ايمه ديكندن ذره قدر شك و شبهه يه ويا حيرت ايديشه يه دوشمه دك .

اعی الوری فهم معناه فلیس یری * للقرب والبعده منه غیر منفح

جهان اونك كالاتی ادرا كدن واحاطه دن عاجز در . اوزاق ،
یاقین هر یرده اونك معانی وفضائلنی آ کلامقندن عاجز قالاندردن باشقه
بر کیمسه کوروله یور . اونك شمائل کزیده سنی تصویره تصدی ایدن
هر منطق بیچاره قالیور .

كالشمس تظهر للعینین من بعد * صغيرة وتكامل الطرف من ام

او رسول ا کرم ، اوزاقدن کوچوک کورونن ، فقط کوزلری
قاماشدیران کونش کی در .

وكيف يدرك في الدنيا حقيقته * قوم نیام تسلاوا عنه بالحلم

اونك ، رؤیاده کوردکلری خیالی ایله تسلی بولان انسانلر اونك
حقیقت کمالنی ناصل احاطه ایدم بیلیرلر ؟

فبلغ العلم فيه انه بشر * وانه خير خلق الله كلهم

اونك حقنده علممزك سوویلیه بیله جکی شی ، بشر اولدینی ، بوتون
مخلوقات الهمیه بك اك یوکسکی بولوندیغیدر .

وكل آی اتی الرسل الكرام بها * فانما اتصلت من نوره بهم

بوتون پیغمبرلرک کتیردکلری آیات ومعجزات ، رسول اسلامک
اونلره ایریشهن فیض نورانیسندندر .

فانه شمس فضل هم کواکبها * يظهرن انوارها للناس في الظلم

اوبر شمس فضیلت ، اونلرده اونك ییلدیزلریدر که قارا کلقلرده
انسانلره ایثار نور ایدرلر .

ا کرم بخلق نبی زانه خلق بالحسن مشتمل بالبشر مبتسم

پیغمبرک ، حسن سیرتله مزین کوزهل سیماسی نه خوشدر . اونك
حسنی کوزهللکک بوتون انواعنی مشتمل وداأما شطارتله متبسمدر .

كالزهر في ترف والبدر في شرف والبحر في كرم والذهب في هم

اونك شیخص کریمنده چیچکلرک لطافتی ، ماهتابک بوتون شمشعه
احتشامی ، طویلالمشدر . کرمی دریالر قادار واسع ، همتی زمان
کی معظم وپایداردر .

كانه وهو فرد فى جلالته * فى عسكر حين تلفاه وفى حشم
ياللكز باشنه اولدينى حالده اونى هيبت وجلالندن اردولر وفتح
كتيبه لر ايجنده ظن ايدهرسك .

لاطيب بعدل تريباً ضم اعظمه طويى لمنشق منه وملتم
اونك كميكلىرىنى اورتن طوپراقلىك رايحهسى ، اك نفيس رايحه لره
فائقدر . او عزيز طوپراغى قوقلايانلره واوپه نلره نه موطلو !

دعنى ووصفى آيات له ظهرت * ظهور نار القرى ليلاً على علم
بىراق بنى ، اونك داغ باشنده يانان ، بيابانلرده سر كردان اولانلرى
كيجه لين ايشيغنه چاغيران آتش كى آشكار اولان آيات ومعجزاتى
وصف وتعداد ايدهم :

آيات حق من الرحمن محدثة قديمة صفة الموصوف بالقدم
معجزات محمدية نك الك يو كسكى آيات قرآنيه دركه لفظى اعتباريله
حادث ، معنى جهتيله قديمدر . زيرا قديمه موصوف اولان اللهك
كلاميدر .

لم تقترن بزمان وهى تخبرنا عن المعاد وعن عاد وعن ارم
آيات قرآنيه ، برزمانه مقارن اولمادىنى حالده بزه قيامتدن وعاد
وارمدن خبر ويرمكده در .

دامت لدينا فقاقت كل معجزه من النبيين اذجئت ولم تدم
آيات قرآنيه دائم ، سائر پيغمبرلرك معجزه لرى ايسه غير دائم
اولدينى ايجون اونلرك هپسنه فائقدر .

قوت بها عين قاريها فقاتله لقد ظفرت بحبل الله فاعتصم
آيات قرآنيه يى اوقويانلر اونك قرائتيله شادكام اولديلر . اونلره
يمين ايله تأمين ايدهرم كه جبل السه يى بولديلر ، اوكا صيم صيقى
صاريلسينلر .

ان تتلها خيفة من حر نار لظى اطفأت نار لظى من وردها الشيم
قرآن کریمك آیتلری جهنم آتشدن قورقهرق او قورسهك جهنم
آتشی سوندیریرسك .

كان الحوض تبيض الوجوه به * من فالسقط من العصاة وقد جاؤه كالحمم
آیات بینات یوم عرصاتده کومور پارچه سی کی کسین عاصیلره
شفا ویرمن ویوزلرینی آغارتان حوض کی در .

وكالصراط وكالميزان معدلة * فالسقط من غيرها في الناس لم يقم
آیات قرآنیه حق باطلدن تمیز خصوصنده صراط ، عدالتی تأمین
وخصومتی رفع وازالده میزان کی در . لونلر اولماسه انسانلر اراسنده
عدالت قائم اولمازدی .

لا تعجبين لحسود راح ينكرها تجاهلا وهو عين الحاذق الفهم
آیات قرآنیهك كلام الهی اولدیغنی ادراك ایدن حاسدلك انكارلرندن
تعجب ائمه . بوانكار ، جهالتدن دكل ، تجاهلدن ایلری کلیور .

قد تنكر العين ضوء الشمس من رمد وينكر الغم طعم الماء من سقم
بعضاً كوز خسته لقدن دولایي كونشك ایشیغنی انكار ایتدیکی کی
آغیزده خستهلق یوزندن صویك لذتی انكار ایدر .

يا خير من يم العافون ساحتة * سعيا و فوق متون الاينق الرسم
ای سن که بالجمله ملتجیلرک قوشهرق ، هینسوار اولارق نزدینه
قوشدقلری اك خیرلی انسانسك . سكا التجا ایدیورم !

ومن هو الآیة الكبرى لمعتبر ومن هو النعمة العظمی لمعتنم
سن عبر تبین اولانلر ایچون اك بویوك آیتسك ونعمت پشنده
قوشانلره اك فیاض نعمتسك !

انجلی قسم

قرآن کریم

قرآن کریم

برہمی فصل

قرآن کلمہ سنک اصلی - قرآنک جمع وتدوینی - قرآنک معجزہ محمدیہ
اولدینی - قرآنک محتویاتی - قرآنک کیفیت وحی - ۶۶۶۶ آیتک نظمی -
(کوٹہ) نک قرآن حقندہ فکری - قرآن نہ صورتلہ محافظہ اولوندی - شاعر لبیدک
دین اسلامی قبولی - مسلمانلرک قرآنہ حرمتی - قرآن مجلہ احکامدر -
قرآنک کتاب مقدسدن فرقی - رہ نانک سوزلری - مسلمانلقدہ الوہیت
تلفیسی - ہندولر الوہیتی ناصل تعریف ایڈیورلردی - حضرت محمدک حضرت
عیسابہ حرمتی - حضرت مریمک حملی حقندہ قرآنک فکری - تثلیث مسئلہ سی -
قرآنک تحلیلی - اسلام فاتح لریلہ ، روما پاپالرینک مقایسہ سی - موسیو
(ژوریو) نک مطالعاتی - یہودی لکک انحصار آمیز وضعیتی - درت انجیل -
(قسطنطین) ک دورندہ خریستیانلق - اسلامیت قلیچ دینی دہ کلدر - مسلمانلک
بہریتہ خدمتی .

قرآن کلمہ سی ، (اوقودی) معناسندہ اولان (قرأ) فعل ثلاثیسنک
مصدریدر . « اوقومق » ، « اوقونمغہ شایان اولان » معنالرینی افادہ
ایدہر . قرآن کریمہ « کتاب » ، « کتاب اللہ » ، « کتاب کریم » ،
« کلام شریف » ، « فرقان » ، « تنزیل » کلمہ لری اطلاق اولونور .
مسلمانلر قرآنک کلام الہی اولدیغنه اعتقاد ایتدکن باشقہ اونک
ازلی ، غیر مخلوق وابدی اولدیغنه ایمان ایدہرلر . قرآنک بیانی معجز
اولدیغندن ، حضرت محمدک دائمی معجزہ سی تلقی اولونمشدر . مسلمانلر ،

هرشیدن مقدم، جناب حَقِّك «لوح محفوظی»، صو کرا «قلم» ی یار اتدیغنه؛
 بویوک بر مجوه اولان (لوح محفوظ) ه یکپاره اینجیدن وجوده
 کتریلن «قلم» ک مداد نورایله انسانلرک بوتون اعمالنی قید ایتدیکنه
 اعتقاد ایدرلر . حضرت جبرائیل، لوح محفوظدن تلقی ایتدیکی قرآنی
 حضرت محمده قدر کیجه سننده تبلیغ ایتمش، قرآن کریم قسماً (مکه) ده ،
 قسماً (مدینه) ده پیغمبره وحی اولمشدر . رسول اکرمک تلقی
 ایتدیکی بوتون کلمات الهیه، کاتبلر طرفندن درحال قید اولونوردی .
 وحی اولونان ایلک آیتلرک : «اقرأ» سوره سنک باشنده کی آیتلر
 اولدیغی خصوصنده اتفاق واردر . بو آیتلرک مال کریمی شودر :
 «اوقو، یارادن و انسانی بر قان یختیسنندن وجوده گتیرهن
 اللهمک نامنه اوقو، رب اکرمک انسانه او کره تدی، قلمله او کره تدی،
 بیلمه دیکنی او کره تدی ه»

رسول اکرمک تلقی ایتدیکی آیات ، وحی کاتبلری طرفندن قید
 اولوندقدن صو کرا بونلر اصحاب آراسنده نشر اولونوردی . اصحابک
 اکثریسی قرآنی از بولردی . قرآنک قید اولوندیغی یپراقلر ، بر
 صندوق دروننده حفظ اولونوردی .

قرآن کریم ۱۱۴ سوره دن متشکلدر . سوره لرک بر قسمی مکی،
 بر قسمی مدنیدر . سوره لره ایچنده موضوع بحث اولان بروقه دن،
 یاخود ایچنده یاد اولونان بر شخصیتدن اسمنی آلیر . هر سوره
 آیتلردن متشکلدر و هر بری بسمله ایله باشلار . [۱]

قرآن، مسلمانلرجه معجزه لرک ال بویوکی عد اولونور و اولولری
 دیر یلتمک معجزه سی قدر خارق العاده طانیلیر . مسلمانلر دیرلرکه ،

[۱] قرآن کریمک آیاتی ۶۶۶۶ در . بیکی اوامر ، بیکی نواهی ،
 بیکی وعد ، بیکی وعید ، بیکی قصص ، بیکی امثال ، بش یوزی حدود ،
 یوزی دعا و نیازدر .

(موسی) ایله (عیسی) نك معجزه لری موقتدی . محمدك معجزه سی دائمیدر ، ابدیدر . بناءً علیه بو خارقه ، اسکی دورلرك بوتون خوارقندن یوکسکدر .

ادبیات نقطه نظرندن قرآن ، شرقك اك شاعرانه اثریدر . قسم اعظمی نثر منظوم اولان قرآن ، کره ارضك بر قسمنده حاکم اولان ذوقه مطابقدر . عربستانك اك اصیل و اك تمیز لهجه سی اولان قریش لسانیله نازل اولان قرآنه دیگر لهجه لر پك آز قاریش-مشدر . قرآن کریمك لسان عرب ایچین بر حجت اولدیغنده شك و شبهه یوقدر . (کوته) نك دیدیکی کبی قرآن وهله اولاده قارئی ممنون ایتمز ایسه ده صو کرا اونی فسونیله جذب ایدر ، داها صو کرا قارئی کوزه للکیله تسخیر ایلر .

حضرت محمدك حال حیاتنده قرآن کریمك یازیلی بولوندیغی صحیفه لر حفظ اولونویوردی . حضرت ابو بکر ، خورما یا پراقلری ، دری و کمیک پارچالری اوزرنده یازیلی اولان آیات قرآنیه یی بر جلد حالنده طویلادی . صو کرا بو جلدی حضرت عمرك کریمه سی (حفصه) نك ید امنیتنه تودیع ایتدی . فقط ولایتلره داغیلان نسخه لرله نسخه اصلیه آراسنده فرق کورولدیکندن حضرت عثمان نسخه اصلیه یی اساس اتخاذایده رک قرآنك نسخه لرینی تکثیر ایتمش ، یا کلیش نسخه لری طویلایتمشدی .

قرآن کریمك مزایاسنی تقدیر ایچون شونی بیلمك لازمدرکه پیغمبرك زمان ظهورنده بلاغت بیان و فصاحت لسان پك ایلری کیتمش بولونیوردی . او زمان شعر و خطابت فوق العاده اعتباری حائزدی . مؤلفین اسلامیه دن بری دیورکه :
« قرآنك اعجازی ، اونك بلاغتنده ، فصاحت و آهنگنده دره . عربجه

بیلیمین بر آدم قرآنی دیکله سه ، اونک ، سائر آثار عربیه یه فائقیتنی در حال تسلیم ایدر . هر هانکی بر یازی یه اقتباس اولونان بر آیت قرآنیه اونک ایچنده بر یاقوت پارچاسی کی طورور ، کوزلری قماشدیران جوهر لر کی پارلار . قرآن ، وحی اولوندیغی کوندنبری ، بلاغتیله علمایی حیران بر اقمشدر . «

ایشته دائمی بر معجزه عد اولونان بو قرآن ایله در که حضرت محمد قومنه مراجعت ایتمش ، اونکله رسالتنی تأیید ایله مش ، اونکله اوزمان عربستانده عد دلری چوق اولان بوتون فصحا و بلغایی اسکات ایله مش ، هپسنی اوکا بر نظیره کتیر مکدن عاجز بر اقمشدی . [۱]

روایت کوره معلقاتدن برینک ناظمی اولان شاعر مشهور لبید ، حضرت محمدک رسالتنی اعلان ایتدیکی زمان هنوز بت پرستدی . لبید ؛ شعر لرینک برنده شو بیقی ایراد ایدیور : «اللهدن غیری هر شی باطلدر ؛ هر نعمت ، محقق ، محکوم زوالدر . « شاعر لبیده بو یولده بر نظیره سویلیه جک بر کیسه چیقمه مشدی . نهایت سوره بقره نک بر قاج آیت کریمه سنه مطاع اولان لبید ، بونلرک آجق وحی الهی ایله سویلنه بیله جکنه ایمان ایتمش ، دین مبین اسلامی قبول ایله مشدی . لبیدک اهتداسنه سائق اولان آیات کریمه ؛ « بو کتاب که ، هر درلو ریب و شبهه دن آزاده در ، متقیلر ایچون رهبر هدایتدر ، او متقیلر که غیبه ایمان ایدر لر ، نمازلرینی حقیله ادا ایدر لر ، واللهم کندیلرینه احسان ایتدیکی رزق دن انفاق ایلر لر . اونلر که سکا کوندریلنه وسندن اول کوندریلنه ایمان ایدر لر و آخر ته یقیناً اینانیر لر .

[۱] حضرت محمدک قرآن کریمی بر خریستیان راهبک و بر ایرانی یهودینک یاردیمیله انشا ایتدیکنه دائر وقوع بولان بهتانلر ، کندی کندینی تکذیب ایتکده در . عرب لسانک شاهقه بلاغتی ، بری سوریه لی ، دیکری ایرانی ایکی اجنبی یه ناصل عطف اولونابیلیر ؟

ایشته اونلر هدایت الہیہ یہ نائلدرلر ، واونلر فلاحہ ایرمشارددر . «
 » کافرلرہ کلنجہ... اونلرک حالی بر آتشی یاقان آدمک حالی کبی در کہ
 آتشی اطرافی ایشیقلا ندیردیغی زمان کوزلری قاپانیر ، و قارا کللق
 ایچندہ قالیرلر . اونلر دیلسزلرددر ، سویلیہ مزلر ؛ صاغیردرلر ،
 ایشیتمزلر ؛ کورددرلر ، کورمزلر .

«یا خود اونلرک حالی ظلمتہ ، رعد و برق ایلہ مشحون بر قاصیرغہ کبی کہ ،
 بونک قارشیدسندہ اونلر اولوم قورقوسندن پارمقلریلہ قولاقلرینی طیقیورلر .
 جناب حق ایسہ کافرلری چب چورہ چویرمشدر . برق ، اونلرک
 کوزلرینی قاماشدیرر ، شمشک چاقدجہ اونک ایشیغندہ یوروپورلر ،
 فقط اورتہ لغی ظلت قاپلادیمی طور یورلر . «

قرآنک تلاوتی اثناسندہ عربلرک دویدقلری الہام ، اونک ساحر
 اسلوبی ، اونک علوی شعری ، اونک حلاوت نظمی دولایسیلہ در .
 آیاتک تنوعی دە شایان دقتدر . قرآن کریم محتشم آیتلرہ ، عرش
 تدبیرندن کائناتی اداره ایدہن ذات اجل اعلاپی افادہ ایدہر ، جنتک نعیم
 جاودانیسنی ایضاح ایدہر کن آیتلر ، نشاط و آہنک ایلہ داغہ لانیر ، جہنمک
 عذابنی آکلاتیر کن آتشین بر حرارتلہ چالقانیر .

مسلمانلر قرآن کریم ، اعظمی حرمت و توقیری کوستیررلر . طاهر
 اولمازلرسہ کتابہ ال سورمزلر . اونک ایچون کتاب میینک قاپاغنه
 (لایمسہ الاالمطہرون) آیت کریمہ سی یازیلیر ، وبوصورتلہ سہوایلہ کتابہ
 طہارتسز ایکن کیمسہ نک یا نالاشامسنی تأمین ایدہرلر . مسلمانلر ،
 کتابی کمال حرمتلہ اوقورلر ، اونی اوپرلر ، حربہ کیدرکن
 جیلرندہ طاشیرلر ، سلاحلرینہ آیتلر حک ایتدیررلر ، کتابی آلتونلر
 و مجوہرلرلہ سوسلرلر ، اونک بر غیر مؤمنک الئدہ بولونمامسنی ایسترلر .
 اسلام تربیہ سنک منبعی ، بو کتاب مییندر . چوجوقلر ، اول باول

اونی او قومایی او کره نیرلر واز بر لرلر . حیاتک نورینی بولمق ایچون مسلمانلر کتاب میینی تدقیق و تتبع ایده لرلر . جامعلر واردر که اوراده قرآن کریم تمادیا ختم اولنور . اون ایکی عصر دن بری قرآن کریمک سسی ، میلیونلرجه مؤمنک قلب وروحنده تمادیا ومستمرأ عکسلر او یاندر مشدر . نیجه اسلام فقیهاری واردر که قرآنی یتمش بیک کره ختم ایتمشلردر .

قرآن کریم الله ایمانی ، اراده الهیه تسلیمیتی ، او امر الهیه اطاعتی ، بر وتقوایی ، اعتدالی ، ایچکیدن امتناعی ، مسامحه یی ، دین او غورنده اولنلره بر حرمت مخصوصه بسلمه یی امر ایدهر . فرائض عملیه یه کلنجه بونلر دین اسلامک نشر وتبلیغی ، بش وقت نمازک اداسی ، رمضان آینده اوروجک طوتولماسی ، ۱] مالک قرقده برینک زکات اولارق اعطاسی در . زکات اولارق تفریق اولنان پارادن حتی دشمنلره و حیواناته بیله بر حصه تخصیص اولونابیلیر . ۲]

بیقامق وتمیزله نمکه عائد اولان او امر ، نمازه متقدمدر . (سهل - Sale) دیور که : « مسلمانلرک بووظائفی ایفایه رعایتکار اولمالری ایچون حضرت محمد ، اعمالک طهارت اساسی اوزره قائم اولدیغنی سویلر ، طهارت ، ایمانک یاریسی و نمازک اناختاریدر . طهارتسز نماز قبول اولونماز . بو ایضاحاتک دها کوزهل آکلاشیلماسنی تأمین ایچون ، (غزالی) طهارتی درت قسمه آیریور . برنجیسی جسدک هر پیدسلکدن وهر لوئدن تطهیری ؛ ایکنجیسی ، بوتون اعضا وجوارحک خیاشدن

۱] اوروجک اوچ مرتبه سی واردر : ۱) معدوی وشهوانی لذتن اجتناب ، ۲) کوز ، قولاق ، دیل ، ال ، آیاق وسائر جوارحی کناهدن وقایه ، ۳) قلب وفکری مشاغل دنیویه دن صیانت .

۲] نماز انسانلری جنت یولنه سوق ایدر . اوروج انسانی جنت قاپوسنه کوتورور . زکات انسانک جنته کیرمه سنی تأمین ایدر .

وہر ظالمانہ عملدن ؛ اوچنجیسی ، قلبک هر درلو شایان مؤاخذہ
 تمایلات و کناہکارانہ نیتلردن تیزی در (غزالی)، وجودہ کورہ قلبک
 ظاہری بر ظرف ، اصل اوزک قلب اولدیغنی علاوه ایدہر . بو
 سببدن دولایی غزالی ، یالکز ظاہری طہارتہ اہمیت ویرہ نلردن
 شکایت ایدہر، اساساً تمیز اولمایانلرک صورتلری کبی سیرتترینک کیرلی
 اولدیغنی بیان ایله اونلرک موضوع بحث ایدیله یه لایق اولمادقلرینی
 سویلر . بناء علیہ مسلمانلرک طہارتہ رعایت ایتمکله کناہلرندن آزاد
 اولدقلرینی ظن ایدنلر یا کیلورلر . »

فقط اوامر قرآنیہ دینی و اخلاقی وظائفہ منحصر دہ کلدر . کیون ،
 دیرکہ : « قرآن بحر محیط آطلاسی ساحلارندن غائزہ قدر ، یالکز
 الہیاتک دہ کل ، مدنی ، جزائی احکامک مجلہ اساسیہ سی عد اولونمقدہ ،
 انسانلرک بوتون حرکات و احوالی تنظیم ایدن قوانین ، اللہک غیر قابل
 اخلاص او امریلہ مؤید بولونمقدہ در . » تعبیر دیکرلہ قرآن ، مسلمانلرک
 دینی ، اجتماعی ، مدنی ، تجاری ، عسکری ، قضائی ، جنائی ، جزائی
 عمومی کتابیدر . قرآن ہر شئیک ، وظائف دینیہ دن وظائف یومیہ یه ،
 روحک نجات و فلاحندن بدنک صحتہ ، عمومک حقوقندن فردک حقوقنہ ،
 انسانک منافعندن جمعیتک منافعنہ ، اخلاقیات ساحہ سندن جنائیات
 ساحہ سنہ ، حیات دنیویہ نک عقوباتندن حیات اخرویہ نک عنوباتنہ
 قدر ہر شئیک ناظیمدر .

بالنتیجہ قرآن ، توراندن آریلمقدہ در . (قومب) ک دیدیکی کبی
 تورات ، « برالہیات سیستہ منی حائز دہ کلدر ، تورات ، قصصدن ،
 وصفلردن ، تقوا پرورانہ تہیجاندن ، بربرینہ منطقی برابطہ ایله باغلی
 اولماقلہ برابر قوتلی براخلاقندن متشکلدر . » [۱] قرآن کریم ، انجیل

کبی ده آتجق سالککړک افکار دینه سنی ، عبادت و اعمالی تنظیم
ایدن بر دستوردن عبارت ده کلدن .

بلکه قرآن ، سیاسی بر سیسته م در . چونکه دولتک هر قانونی
اوکا مستند در . حیات و امواله عائد اولان هر شی او نك حکمیله حل
اولو مقدمه در .

حضرت محمد ، سیاسی دولتدرده رهبان صنفک نه قدر تهلهکلی
بر عنصر اولدیغنی ، بو صنفک هر حکومتی تردی به سوق ایتدیکنی
بیلدیکندن بو مؤسسسه نك وجود بولماسنه امکان بیراقماشن ، آنده
قرآن بولونان هر مسلمانك کندینی ارشاد اتمه سنی آرزو ایتشدن .
حضرت عیساده عینی صورتله حرکت ایتمش ، اوده پاپاسسز و حسیات
قلیبه به مستند بر دیانت تبلیغ ایتشدی . رونان دیر که : « حضرت عیسی
قدر پاپاسه بکزه مهین بر انسان یوقدی . او نك قدر دینی حمایه نامی
آلنده دینی بوغان اشکاله بویوک بر دشمن کورولمه مشدی . رونان
دهاصو کره دیورکه : « عیسویتده روحانی برسلسله مراتب یوقدی .
هر نصرانی دیگر نصرانی به : برادر ، دییه جکدی . فقط عیسی ، فائق
بر عنوانه صاحب بولونیوردی . عیسی به افندی ، اللهده « رب »
ده نیلیوردی . »

بناء علیه مسلمانلقدده پاپاسلق یوقدر . فقها ایله الهیاتجیلر عینی
آدملردن . چونکه مأخذلری قرآندر . بونلرک وظیفه لری ، روحانی
ده کل ، قضائی ایدی . ثروتلری کلیسا و قفلرندن ، صدقه لردن متحصل
ده کلدی ، دولنك تخصیص ایتدیکی معاشاتندی .

حضرت محمدك کتیردیکی عقائد ، شبهه دن ، ایکی یوزلیلکدن آزاده
ایدی . قرآن کریم ، توحید عقیده سنك اك شرفلی آبده سیدر . بتلره ،
انسانلره ، سیارات و ثوابته پرستشی منع ایدن حضرت محمد ،

بونى، دوغان هر شئيڭ اوله جگى ، طلوع ايدهن هر شئيڭ باتاجنى ، فساده معروض اولان هر شئيڭ اضمحلاله اوغراياجنى اساس معقولنه استناد ايتديرمشدى . حضرت محمدك ذوق عقايسى ، زمان ومكاندن ، شكل و صورتدن منزه ، بى نظير و بى شريك ، اك كيزلى فكلر لرمزه مطلع ، كندى ذاتيله قائم ، لايتناهى وازلى بر موجودى طانيور و تجييل ايدىوردى . رسول اسلام طرفندن اعلان اولونان بو عقائد ، بوتون آرقداشلىرى طرفندن صاعلام بر صورتده قبول اولونمش ، قرآنك مفسرلىرى طرفندن ده رياضى بر قطعيتله تعريف ايدىلمشدر . مؤمن بر فيلسوف عموم مسلمانلرك عقيده سنى قبول ايدىبيلير .

خالق طبيعت ، وارلىقى بوتون آثارينه ، قانوننى قلب بشره حك ايتمشدر . هر عصرده كان پيغمبرلرك وظيفه سى ، معرفة اللهى احيا وقانون اللهى نك رعائتنى تأميندن عبارتدى . حضرت محمد بوتون اسلافى اولان پيغمبرانك نبوتنى طانيمشدر . حضرت آدمدن ، قرآنك اكمالنه قدر وحى اللهى انسانلرى ارشاد ايدى كمشدر . حضرت محمد مسلمانلره ، حضرت عيسى توقيير و تجييل ايمه بى او كره تمشدر . [۱۰] لاتين كليساسى ، حضرت مريمك نفع ايله حملى مسئله سنى قرآن كريمدن اقتباس ايمك خصوصنده تردد ايمه مشدر . [۲] خريستيانلره

[۱] بونك برچوق دلائلى واردر . بز ياكز شونى ذكر ايدىجكز : محمد رابعك دورنده صدر اعظم ۱۶۸۳ ده ويانه يه قدر ايلريله مش ، فقط لهستان حكمدارى (ژون سوبيه سكى) طرفندن مغاوبيته اوغرامشدى . بو صيراده خريستيان بر پاپاس مسلمان اولمش ، مسلمانلغنى اثبات ايچون حضرت عيسى يه هجوم ايله اونك ساخته كار اولديغنى سويله مشدى . بو حركت مسلمانلرى او قدر اغضاب ايتمشدى كه پاپاس درحال ديوانه سوق اولمش و اعدامه محكوم ايدىلمشدى .

[۲] سهل طرفندن ترجمه اولونان قرآنه مراجعت ايدىكز . سن امبروز

آلتی یوز سنه ظرفنده دوغرو یولدن صاپمشلردی. حضرت موسی ایله حضرت عیسی ، آتیده کندیلرندن دها بویوک بر پیغمبر کله جگنی اعلان ایتمشلردی . پاراقلیط ، یاخود (روح قدس) ک ورودی رسل الیهیک انک بویوک و صوکنجیسی اولان حضرت محمدک شخصنده وبعثتنده تجلی ایتدی .

قرآنک برنجی و اک اساسلی مادهسی ، توحید باری عقیدهسی و حضرت محمدک رسالتیدر. قرآن حضرت محمدی ، اللهک ایلهجیسی صفتیله یاد ایدر . پیغمبر اسلام ، خریستیانلرک تثلیث عقیدهسنی قبول ایتمکه خطایه دوشدکلرینی ، جناب حقک حقیقتی اظهار و تأیید ایچون کندیسنی کوندردیکنی بیان ایدر . [۱] بوندن دولاییدر که قرآن کریمده مسلمانلره « موحدلر » دینلمکده و بوتعبیر « مشرکلر » مقابلنده قوللا ملقده در . چونکه مشرکلر ، پرستش ایتدکلری شیلری اللهه شریک اولارق قوشمقده درلر . قرآن کریمده دهنیلیور که : « ای اهل کتاب ! (خریستیانلر و موسویلر !) دینکزده افراطه صاپماییکز . اللهدن بحث ایدیورکن حقیقته مخالف بر شی سویله مهیکز . مریمک اوغلی مسیح ، اللهک بر پیغمبرندن باشقه بر شی ده کلدر . او حالده الله ایله پیغمبرلرینه اینانیکز . تثلیثدن بحث ایتمهیکز . الله

ایله سن اوغوستین کبی آبا کایسانک مشاهیرندن ایکی ذات بو مسئله اطرافنده او قدر مستهجن مناقشه لرده بولونمشلردر که ادب و حیا ، بونلرک سوزلرندن بر شی اقتباسنه مانعدر .

[۱] تثلیث عقیده سنک اساسی اولان اوچ شاهدک مشهورمتنی ، نیوتون ، کیمون و یورسون کبی ذواتک مساعیسی نتیجه سننده اویدورمه اولدینی تبیین ایتشدر . بالذات (قالهت) کتاب مقدسک اسکی نسخه لرنده بویله بر آیت بولونمادیغنی اعتراف ایدیور . حضرت عیسی وحدانیت الیهیک بی تعلیم ایتمش ، فقط سن پول ایله افلاطونی اولان (حنا) افلاطونک تثلیثی قبول ایدرک عیسویتک توحیدینی وساده لکنی اخلال ایلشلردر .

بردر . بوتون حمد و ثنا اوکا خا صدر . اونك اوغلی یوقدر . «
 قرآنك اك بویوك هدفی، اوزمان شایع اولان اوچ دینی، معرفه الله
 ایله عبادت خصوصنده برلشدرمك، هپسنی معین قوائینه تابع قیلمق،
 هپسنی رسول الله اولان حضرت محمدك اطرافنده طوبلامقدر. حضرت
 محمد، متعدد اخطارلردن، دها اول وقوع بولان متعدد وعد
 و وعیدلردن صو کره یر یوزنده دین الهی بی تأسیس ایچون کوندر یلمشدی.
 او حالده قرآنك اك معظم عقیده سی توحید باریدر . حضرت
 محمد، بونی ایضاح ایچون کوندر یلمشدر . حضرت محمد،
 بو عقیده بی اك دوغرو و اك مکمل صورنده ایضاح ایتدی . بو
 صورتله بعض شرایع مخصوصه ویا مراسم مخصوصه نك ارشاد الهی به
 توفیقاً تبدل ایده بیله جکی، فقط اصل حقیقت ازلیه نك بر کونا تبدله
 معروض اولمایاجنی، بالعکس عیناً دوام ایده جکی آ کلا شامش، بو عقیده
 اساسیه اهماله اوغرا دیغی، یا خود تردی به دوچار اولدیغی زمان اونی
 احیا ایچون پیغمبر لر کوندر یلمشدر که حضرت محمدك ظهورینه قدر
 بونلرک اك ممتازی حضرت موسی و حضرت عیسی ایدی .

حضرت محمد، هیچ بروقت یکی بر دینك مؤسی اولدیغنی سویله مه مشدر .
 بالعکس محمد، حضرت ابراهیم دیننی احیا ایتدیکنی، و بونك کندیسنه وحی
 اولوندیغنی بیان ایدر . قرآنك یکانه هدفی، موسویلرله خریستیانلرک
 تحریف ایتدکلری الواح مقدسه بی تصحیح ایتمکدر . بو تحریفاتک
 بری ده حضرت محمدك رسالته عا ندر . روایت ه کوره ،
 حضرت جبرائیل، قرآنی، حضرت ابراهیم طرفندن کسین
 قربانک دریسنه یازیلی اولارق . کتیرمش، دری آلتون و اپک
 و مجوهرات ایله سوسله نمشدی . فقط خریستیانلرجه قبول اولونان
 روایت ه کوره حضرت محمد قرآنی، ایرانلی بریهودی ایله خریستیان

بر پاپاسك ياردیميله احضار ایتشدی. فقط بوفکر او قادار اسکیدر که بالذات حضرت محمدك بوفکر ایله مجادله ایتدیکنی و اونی رد ایلدیکنی کور ییورز. قرآن کریم الك صریح صورتده ازلی، ابدی اولان، طوغمیان، طوغورمیان، برشریک و نظیری اولمیان، هر شیشی یارادان، رحمن و رحیم اولان، کندیسنه باغلانانلری حمایه ایدن، فنالق ایدوب پشیمان اولانلری عفو ایدن، قیامت کوننک صاحبی اولان، هر کسی عملنه کوره محاکمه ایدن؛ ایملک یاپانلره، الله او غرنده اولنلره سعادت ابدیه بخش ایدن؛ خمیشلره جزا و یرن اللهک وارلغنی او کره تیر. قرآن ملکلرک وارلغنی ده او کره تمکده در. فقط ملکلرک ده، پیغمبر لرک ده شایان پرستش اولمادقلرینی آکلاتیر. هر انسانی قورویان و اعمالنی مراقبه ایدن ایکی ملک واردر. شیطانلر بوع بشرک دشمنیدرلر. مسلمانلر جنلرک وارلغنه ده اینانیرلر. حضرت محمدك رسالتنه ایمان ایدرلر.

قرآن کریمک ایضاح ایتدیکی بوعقائد نه قدر ظالمانه تجاوزه او غرادیسه قرآنک تعالیم اخلاقیه سی ده عینی صورتله تجاوزه او غرامشدر. حال بو که اخلاق قرآنیه، فسق و فجوری و هر درلوا فراطی، ربایی، خستی، تکبری، بهتان و افترا بی، حسدی، ربایی، دنیوی شیلر او غورنده حریصانه قوشمه بی تقبیح؛ صدقه و یرمه بی، ابوینی سه و مه بی، الله شکرانی، عهده وفایی، صدق و اخلاصی، یتیملره شفقتی، یر فرق کوزه دیلکسزین عدالتی، عفتی، حیایی، صبر و تحملی، خیر خواهلغنی، کوله لرک آزاد ایدلمه سنی، فنالغه قارشنی ایملکی، فضیلتی، عفو و صفحی، بوتون بونلری بر مکافات بکله میهرک و منحصر آ رضای باری بی کوزه ده رک ایفایی امر ایدر.

یوقاری ده سویله دیکمز کی قرآن یالکمز بر مجله دینه ده کلدر. یوندن باشقه - یهودیلرک (په تانتوح) ی کی - مسلمانلرک قوانین

مدنیہ سنی دہا احتوا ایدہر .

بناءً علیہ قرآن تعدد زوجاتی تحدید، ازدواجی تعریف، زوجینک حقوقنی ایضاح، والدہ لڑک مدت ارضاعنی، دوللرک حقوقنی، مہر لڑک، طلاق لڑک کیفیت وقوعنی تعریف ایلر . میراث ، وصایا، ولایت ، عقود قرآنہ ذکر اولونمقدہ در . نہایت ، یالانجی شہاد لڑک ، سارقلرک ، زانیلرک ، چوجوقلرینی اولدی رہ نلرک ، فجورک ، ساختہ . کارلغک وسائرہ نک جزاسی کوستریلیر . حضرت محمد بو اعتبار ایلہ یالکزی پیغمبردہ کل، بردہ شارعدر . بوقوانین شرعیہ ہجرتدن، یعنی عقیدہ اسلامیہ خایلی کوکلند کدن سو کرہ تبلیغ اولونمش ، برقسعی مکہ نک فتحہ قادار اعلان اولونما مشدی .

خریستیانلق عالمنده کتاب مقدسہ قارشنی نادراً تصادف ایدیلن یوکسک حرمتلہ قارشیلانان قرآن ، بویلہ بر کتابدر .

خریستیانلق ایلہ مسلمانلق آراسندہ کی فرقی آ کلامق ایچون شوکا دقت ایتک لازمدر کہ خریستیانلغک اتباعی اوزرندہ حائر اولدیغنی نفوذ (دوغما) لره استناد ایتدی ریلہ رک دین ایلہ اخلاق بر بردن آریلدیغنی حالده مسلمانلقده دوغمالرده کل، دینک عملی طرفی، اخلاقی، اجتماعی، حقوقی، سیاسی فکرلر اوزرندہ اجرای تاثیر ایلکده وبو صورتلہ مسلمانک دماغندہ وطنپرورلک ، حقوق ، عنعنہ ، قانون اساسی بر کلہ دہ اندماج ایتکده در . بوکلہ « مسلمانلق » در .

مسلمانلغک افیخار ایدہ جکی برچوق محاسن آراسندہ بالخاصہ ایکسی پک بارزدر . برنجیسی الوہیتدن بحث ایدیورکن ، بشری ضعفلردن وحرصلردن تنزیہ ایتدیکی ذات کبریایی اک تجلیلکار ، اک خشیت آور سوزلرلہ افادہ ایتہسی ؛ ایکنجیسی دہ، قرآنک اخلاق و تربیہ منافی ہر فکرلرہ ، ہر حکایہ وسوزدن تمامیلہ آزادہ بولونماسیدر . حال بوکلہ

موسویلرک کتاب مقدسی بو کبی قصور لرله مالامالدر . قرآن ، دیگر کتابلر نامنه غیر قابل انکار اولان بو قصور لر دن او قدر منزهدر که حیا کار بر انسان هیچ قیزارمادن اونی باشندن سوکنه قادر او قویا بیلیر . الحاصل قرآن کریمک تأسیس ایتدیکی دین ، محض توحیددر . قرآنک تعریف ایتدیکی الوهیت ، مؤسس قوانین ایله کائناتی اداره ایدن ، فقط غیر قابل تقرب بر احتشام ایچنده بر طرفده دوران فلسفی بر علت اولی ده کل ، هر دم حاضر و ناظر ، هر دم فعال بر قدر تدر . مسلمانلق دین اولق حیثیتله عقله تجاوز ایدنه جک اسرار آلود و نزاع انکیز هر شیدن اوزا قدر . مسلمانلق انسانلری ساده و لایتغیر بر عبادتله مکلف ایدر . مسلمانلق ، انسانلری عزیز لره ، شهید لره ، رسم لره ، متروکاته ، اسرار آلود شیلره ، مابعد الطبیعی اینجه لکلره پرستشدن ؛ مناسترلرده انزوادن ، نفسی رنجیده ایتمکدن منع ایدن ؛ ماهیت اشیانک اوزون و درین تأملندن ، او زمانکی اقوام جهانک احوال و شرائطنی تقدیردن ، عقل و دینک تألیفندن تولد ایدن بر نتیجهدر . بناء علیه بویله بر دینک کعبه اطرافنده وقوع بولان بت پرستانه بوتون عبادت لری ، زردشتیلکی ، صابئیلکی احما ایتمه سی شایان حیرت ده کدر .

آرتق قرآن کریمک تعریف ایتدیکی مسلمانلقدن بحث ایدنه بیلیرز : مسلمانلق هیچ بروقت هر هانکی دینک اساساتنه مداخله ایتمه مش ، هیچ بروقت بر انکیز یسیون تأسیس ایتمه مش ، بر کیمسه یه دینی ده کیشدیر تمه یی استهداف ایله مه مشدر . مسلمانلق ده کندینی جهاننه تقدیم ایتدی ، فقط کیمسه یی جبر ایله تبدیل دینه سوق ایتهدی . قرآن دیر که : (لا اکر اه فی الدین) یعنی « دینده جبر و تضییق یوقدر » ، « مؤمنلردن ، موسویلردن ، صابئیلردن ، اللهه و آخرته ایمان ایدنلر نزد الهیده مأجور اولورلر و هیچ بر خوف و حزنه

اوغرامازلر . »

مسلمانلغك قبولی ، مفتوح مملكتلره و مغلوب ملتله حقوق
متساویه تأمین ایدیور ؛ اونلری ، حضرت محمدك ظهورینه قدر هر
فاتحك مغولبلره تحمیل ایتدیکی شرائطدن قورتاریور و بواقوامه حریت
بخش ایدیوردی . مسلمانلق او زمان حوالی مجاورده حکمران بر
عادت اولان چوققلری دیری دیری کومك رذالتی ازاله ایتمش ،
کوله لیکی الغایله مش ، یالکیز مسلمانلغی قبول ایده نلره ده کل ، مفتوح
ملتله ده عدالتی تشمیل ایله مش ، ویر کولری تخفیف ، دولته ویر یله جك
ویر کولری اوندن بره تنزیل ایتمش ، تجارتی قیدلردن آزاد ایله مش ،
ادیان سائره نك سالکلرینی کلیسالرینه و رهبانلرینه معین پاره ویرمکدن
قورتارمش ، دیانت حاکمیه بر اعانه ده بولنمقدن خلاص ایتمشدر .
اسلامیتی قبول ایدنلردن ایسته نیلن شی بر جمله نك تکرارندن عبارتدی .
مسلمانلغك سرعت انتشارینه خدمت ایدن اسباب ، بو کون بیله
تمامیله قابل تحقیق دکلدرد . مع مافیله بو اسبابك باشلیجه لرندن بر قاجنی
تعداد ایتک ممکندر .

بونلرک برنجیسی ، ماهیت الهیه و وظائف اخلاقیه ده دائر قرآنك
کتیردیکی یوکسک و دوغرو مفهوملر ؛ موسویلر و خریستیانلرله
دوشوب قالقمقدن دولایی اسکی بت پرستکلرینك خرافات آمیز عنعنه
لرینه قارشى رابطه لری کهوشه یین ملتله اوزرنده بو مفهوملرک اجرا
ایتدیکی تأثیر ؛ سوکره عربستانده شایع اولان متعدد ادیانك تعالیم ،
عادات و عنعناتك حسن امتزاجی ؛ ثالثاً : تعالیم قرآنیه نك بوتون حقوقی
ایشلره و حیاته متعلق وظائفه واسع بر صورتده شامل بولونماسی .
بعض مؤلفلر بو اسبابه ، شهوانیاته مساعده ایدیله سنی علاوه ایدیورلر .

فقط تعصب دن قور تولان بر دماغ صاحبی، مسلمانلغك انتشاری خصوصندہ بویله بر عاملک مؤثر اولدیغنه احتمال ویره مز . بونقطه خریستیانلق اساسیله، یاخود آوروپالیلرک عادتیله محاکمه اولوماز . تعدد زوجات عربستانده اساساً شایعدی . مسلمانلق تعدد زوجانه جواز ویرمکه برابر مسلمانلر شرقلیلرک بو خصوصنده کی حدسز حریتی تحدید ایتشلردر . مسلمانلغك باربار ملتر آراسنده زیاده سیله شایع اولان زنا و فجوری شدتله منع ایتمه سی ، کهوشك و مساعدده کار بر اخلاقیته دلالت ایتمز، عکسنه دلالت ایدر .

صمیمی بر مسلمان ، نه پیکور ۱ [دکدر . تقوی ایله مشبوع بر انساندر . قرآنی اوقویان بر انسان، اولک اخلاق خصوصنده چوق دقتلی ، چوق قوتلی اولدیغنی تسلیم ایدر . اساساً بر دین و یامذهبک مؤسسسی انسانلرک سفاهتی ترویج ایتمکه دائمی بر موفقیت احراز ایدر مز . بناء علیه مسلمانلرک اخلاقه فرط رعایتلری اسلامیتک اسباب انتشارندن بری اولارق قبول اولونابیلر . مسلمانلغك عباداتی معلوم و معین اولدیغندن بونلری قبول واجرا ایدنلر اونلری ایفا ایتمه نك استلزام ایتدیکی وظائف اخلاقیه بی طانیلر و یاپارلر . بوضورتله صیام فریضه سی، منتظم آبدستر و نمازلرک ایفاسی، صدقه و زکاتلر اعطاسی، مسکراتدن اجتناب کی قرآن کریم طرفندن امر اولونان تعالیم ، مسلمانلر آراسنده بر دستور تعامل وجوده کتیرمش ، مسلمانلرک کتاب مینلرینه مستمراً رعایت ایتمه لرینی تأمین ایتشدر .

۱ [قبل المیلاد ۳۲ سنه سنده یاشایان فیلسوف (اپیکور) ذوق و الملک باشلیجه خیر و باشلیجه شر اولدقلرینی سویلیه رک حقیقی مسعودیتک ذوق تحصیلنده اولدیغنی ایلری سورمش ، بوندن طولانی حیاتده منحصر ذوق و سفاهتی استهداف ایدنلره (اپیکور) ه نسنله « اپیکوریه ن » ده نیلمشدر . بالخاصه یلک، ایچمک ، و شهوانی ذوقلره مبتلا اولانلر بو صفتله طانیلرلر .

مسلمانوں کے لیے تجارت ایتدکاری پر لڑے قرآن کریمی نشرہ
 چالیس سالہ انتشار اسلامی تآمین ایدہن اسبابدن بری صایہ ایلیلیر .
 چونکہ شرقده اقامته کیدن مسلمانوں اوراده کی امرایه دینلرینی
 او کره تمشردی، مالابار سا حلیله مالاقاده مسلمانوںک مساعده بر شکلده قبول
 اولونمشردی. تهرنهت وتیدور حکمدار لر یله سائر شرق امراسی، مسلمانوںی
 قبول ایتدیلر. موغوللرک، قندهار، قامبهی، بکرات وسائر مملکتلره
 حکمران اولدقلری زمان، مسلمانوںی نشره چالیس دقلری آکلاشیلیرور .
 پورتکیزلر هندستانه کیردقلری زمان، هندو خرافاتی راسنده،
 دیانت اسلامیهنک تعالی ایتدکه اولدیغنی کورمشردی. (قالیقوت)ده
 اقامت ایدهن اسکی (زامورین) یعنی حکمدارک، بو پورتکیزلرک
 مواصلتندن آلتی یوز سنه مقدم مسلمانوںی بویوک بر مهمانستوازلقله
 قبول ایتدیکی، اونلره موقع اعتبار بخش ایتدیکی، نهایت مسلمان
 اولدیغنی قبول اولونمقده در. بو امرانک صوکنجیسی اولان (ساراما
 پایرمال) بر عرب کیدسیله (مکه)یه کیده رک صوکنلرینی بیت اللهک
 جوارنده کچبرمشدی .

حضرت محمدک مسامحه کارانه بر خط حرکت تعقیب ایتدیکنه دائر
 سویله نهن سوزلرچوق مبالغه لیدر. فی الحقیقه بت پرستلره، یا خود بردینه
 سالک اولمایانلره قارشنی دین اسلامک، یا خود قیلجک حکمنی قبول تکلیف
 اولونمشدی. اهل کتابه ایسه جزیه اعطاسی تکلیف ایدلمکده
 ایدی . ۱۰] مع مافیه مسلمانوں مسامحه کارلق حدودینی نادراً تجاوز

۱] جزیهنک اعطاسی قبول اولوندقندن صوکر اهل حق سابقه لرینی
 کاملاً استرداد ایدیور، از جمله ایسته دکاری کبی دینلرینه رعایت ایلیرلردی.
 بر حکمدار جزیه اعطاسنی قبول ایتدکن صوکره اراضیسنه صاحب اولویور،
 آنجق جزیه ویره ن امرانک معامله سنه تابع بولنوردی . (نه لفینستونک
 هندستان تاریخی عنوانی اثرینه مراجعت)

ایتمشله، غیر مسلملره ویردکلری سوزلری طوتمشله، اسلام فاتحلری، روما ویزانس فاتحلرینه نسبتله غایت معتدل و غایت مسامحه کار داورا تمشلردر. محض حقیقت اولق اوزره شونی سویله یه بیلیرز که شاید غرب امراسی، عربلرله تورکلرک موقعنده، یعنی شرقده حاکم بولونسه لر، مسلمانلرک خریستیانلغه کوستردکلری مسامحه پی، مسلمانلره صورت قطعیه ده کوسترمزلردی. چونکه غرب امراسی، کندی دینلرینه منسوب اولدقلری حالده باشقه مذهبه سلوک ایده نلره اک ظالمانه اعتسافاتی روا کورمشلردی. ۱]

(ژوریو) دیورکه : « مسلمانلرک خریستیانلره قارشى خط حرکتی ایله پاپالغک حقیقی مؤمنلره روا کوردیکی اعتسافات هیچ بر وجهله قابل قیاس ده کلدر. (وودوا) لر علمهنده کی حربده، یا خود (سن بارتلی) قتل عاملرنده او قادار قان دو کولدی که یالکز بوقانلر مسلمانلرک دو ککلری خریستیان قانندن پک چوق فضله در. مسلمانلغک ظالم بر دین اولدیغنه دائر بسله ن فکر متعصبانه دن انسانلری قورتارمق کر کدر. بونلرک فکرینه کوره کویا مسلمانلق، یا اولوم ویا خریستیانلغی ترک تهیدیله نشر اولومشدر. بونک اصل واساسی یوقدره. پاپالغک و حشت و یام یاملغه واران ظلم و اعتسافنه نظراً مسلمانلرک خط حرکتی اک حلیم واک متواضع حرکتدی. »

حضرت محمدک دینی، دیدکلری کبی، روحانی ده کلسه، هیچ اولمازسه تناقضدن آزاده، عملی بر دیندر. بو دیانت، خرافات و شبهه لر باطالقلغی اورته سنده یوکسه لن بر تمثال نراهتدی. حال بو که خریستیانلق بو باطالغنه دوشمش، اخلاقک یوزینی قیزارتاجق بر حاله

۱] چانفیلد دیورکه : « عربلر، تورکلر، و سائر مسلمانلر خریستیانلره قارشى، غربلی ملتلرک مسلمانلره قارشى تعقیب ایتدکلری خط حرکتک عینى تعقیب ایتمش اواسه لر شرقده خریستیانلقدن اثر قالمازدی. »

کلیش ، اوقادار که بوتون حیات تاریخیه لری انساننده مسلمانلر
 خریستیانلغک متردی اولمایان بر مذهب ویا عقیده سیله ، ویا ، شایان
 احترام بر شکلیله تماس ایتمه مشلردر .

حضرت موسانک منحصر آ بنی اسرائیله کوندردلیکی پک آشکاردر .
 اونک رسالتی ، باشقه بر ملته شامل دکلدی . بر اجنبینک ابنای یعقوب
 جماعتنه التحاق ایتمه سی مشکلدی . انبیای بنی اسرائیله عطف اولونان
 کتابلره [۱] کوره بو انبیا بیله یهودیلردن ماعداسنه تبلیغات اجرا
 ایدوب ایتمه مک خصوصنده متردد ایدیلر . خریستیان مؤلفلرینک بیاننه
 کوره خریستیانلق سرایه کیرد کدن صو کره انجیللرده کورولن صفوت
 وساده لکنی خایلیدن خایلی یه ضایع ایتدی . کبر و خست ، قان دعوالری ،
 حزبلر خریستیانلغک مرشدلرینی تارمار ایلمشدی . هر طرفک محررلری
 طرفندن صوکی کله یین بر حرب آچیلمشدی . (میلتون) دیر که :
 « (قسطنطین) نک دورندن چوق زمان مقدم خریستیانلرک هپسی ،
 دیانت و تربیه لرینک صفوت اولیه سنی و تمامیتک بر چوغنی ضایع ایتمشلردی .
 بالاخره (قسطنطین) کلیسای زنگینلشدیرنجه بونلر رتبه عشقنه ،
 سطوت احرازینه مبتلا اولدیلر ، خریستیانلقده تارمار اولدی . »

حال بو که حضرت محمد آلتنجی عصر میلادیده ظهور ایدهرک
 دینی تأسیس ایتمش ، آسیا ، آفریقا و مصرده ، وحدانیت الهیه یه
 معتقد اولان هر یرده بت پرستلیکی احما ایلهمش ؛ خلقک مفکره سی
 اونک مادی ، معنوی فیضیله سیراب اولمشدی . اونک دیننه کیره نلر

[۱] رونان ، (حیات یسوع) نامنده کی اثرنده دیور که : « اناجیل
 اربعه ده هر بری ، یا حواریونک تاریخنده یا خود انجیلک تاریخنده معلوم اولان
 بر شخصیتک نامنی طاش بمقده در . فقط بو دوت شخصیتک هر بری انجیلک
 محرری اولارق کوستریلیوب « متایه کوره ، لوقایه کوره ، مارقویه کوره
 انجیل » ده نیلهرک بونلرک اصل محرر اولما دقلری کوستریلشدر . »

وحی محمدینک قدسیتمه و دوغرو لگنه ایمان ایدیوردی. بصیرت صاحبی
بر مشرکک نظرنده پیغمبرک سوزی، الهی و بشری ماهیتی ده حائز
کورولیوردی. زردشتک دیندن دها صاف، موسانک شریعتندن دها
حریتپرور اولان دیانت محمدیه، یدنجی عصر میلادیده انجیلک صفوتی
شائبه دار ایدن اسرار و خرافاتدن متشکل عقیده دن فضله عقل ایله
قابل تألیفدر.

دیانت محمدیه نک حائز اولدیغی قوته اک بویوک واک قناعتبخش
دلیل، اونک سائر ادیانک دوچار اولدیغی بوتون نقائصه توارث
ایده جک، یعنی مخلوقی خالقک یرینه قویاجق درجه ده، اوزون بر
حیات سوردیگی حالده مسلمانلرک هدف عبادت و هدف محبتلرینی
حواس و مخیله بشریه نک سویه سنه ایندیرمه ملری، تعصب و خرافاتدن
اوزاق قالمالری، الوهیت مفهوم عالیسنی عادی بر صنم اقامه سیله تلویث
ایتمه ملریدر. « بر معبود حقیقی یه و اونک رسولی اولان محمد اینه انیورم»
سوزی مسلمانلغک یکانه دستوریدر.

قرآن طرفندن تلقین اولونان آیاتک منحصراً قیلیججه نشر ایدلدیکنه
ذاهب اولق مدهش بر خطا در. چونکه تعصب دن آزاده اولانلرک
کافه سی تسلیم ایدرلرکه الهلره انسان قانی دوکمک حرکته بدل،
عبادت و صدقه بی اقامه ایدن اسلامیت، انسانلره خیرخواهلق روحنی
نفخ ایتمش، فضائل اجتماعیه بی تقویه ایتمش، بوضورتله مدنیت اوزرینه
مهم بر تأثیر اجرا ایدرک بوتون شرق عالمی ایچون بر نعمت اولمش،
بناء علیه حضرت موسی طرفندن کفاری احما ایچون احتیاطسزجه
قولانیلان قانلی سلاحلره محتاج اولما مشدر.

او حالده اعصار متعاقبه ده نوع بشرک افکار و عقائدی اوزرنده
صلاحکار بر تأثیر اجرا ایتک اوزره طرف حقدن کوندریلن اک قوتلی

واسطه بی ، اک معندانہ تعصب و اک جاهلانہ تجاوز لہ قارشیلماق قدر باطل و کولونج بر حرکت تصور اولوناماز .

الحاصل بو مسئله ، ایستر بودیانتک خارق العاده ظهور و تعالیسی ، ایستر مؤسس اولان شخص ویا بالذات کندی ماهیتی اعتباریله نظر دقتہ آلینسین ، آنجق اک درین علاقہ بی اویاندریر . مسلمانقله خریستیایا - نلغک عزایاسنی مقایسه ایدنلر ایچنده ، مسلمانلغک یالکز خیره و حکیمانہ مقاصده خدمت ایتدکن باشقه بویوک اییلکلره عامل اولدیغنی قبول بو تسلیم ایتمینلر پک آزدر .

ایکنجی فصل

مسلمانلرک علم و عرفانه حرمتی - مسلمانلر ، بالخاصه اندلس مسلمانلری
فلسفه و فنونک ایلك سائقلریدر - (موشیم) ك سوزلری - مسلمانلرک ترقیسی
یونانیلرله رومالیلرک کیندن دها سر یعدی - علم و عرفانک بویوک حامیسی ، بغدادک
بانیسسی انی جعفر منصور - هارون الرشید - یونان و روما ادبیاتی احیا ایدن
عرب آثاری - اسپانیاده کی عبدالرحمنلر - حضرت عمر اسکندریه کتبخانه سنی
احراق ایتمه مشدر - آوروپانک مسلمانلره دین شکرانی - قار دینال (ا کزیمین) ك
واندالانی - به قون فاجعه سی مسلمانلردن آلمشدر - مسلمانلرک بری و بحری
فتوحاتی - مقایسه لر - هندستانده اسلام خاندانی - اسلام و خریستیان حاکمیتنک
مقایسه سی - انکلیز حاکمیتنک تضییق آمیز ماهیتی - لورد قلايو ، وارن ههستینغس
و (میل) ك سوزلری - (اوده) مسئله سی - (دونداس) ك نطقی - رسمی
بر جواب - مسلمانلرک دوغروانی و ناموسکارانی - مسلمانلرک مسامحه کارانی
و خیر خواهانی - مسلمانلرک حیواناته قارشى انسانیت پرورلکاری .

کچن فصلده در میان ایتدی کمز ملاحظانک دوغروانی ، آتیده کی
وقایع و مطالعات ایله دها آشکار بر حاله کله جکدر .

علم و عرفان دعواسنه عربلرک و مسلمانلرک حرمتدن دها درین
حرمت کویسترن هیچ بر ملت کله مش کبی در . بر عرب شاعری
دیر که : « عالم بر آدم کورور کورمز هان اونک قارشیسینده ا کیلیر
و خا کپایی او پر م ! » پیغمبرک بر چوق احادیثی علم و عرفانه ک صمیمی
حرمتله مشبوعدر . « علمانک قوللانیدنی مرکب ، شهدانک قانندن
افضلدر » ، « قلم و مرکب (یعنی اثر) براقانلره جنت قاپولری آچیقدر » .
« دنیا دورت شینه استناد ایدر : عالملرک علمی ، بویوکلرک عدلی ،
اییلرک عبادتی ، جسورلرک جسارتی ! » فقط مسلمانلرک مهم برحالی ،
مالی اهمیتسز برشی طانیالری ، اونک مقابلنده علمی اک کرانها شی

عد ائمه لریدر . حضرت محمد بو فیکری بوتون قوتیله ترویج ایتمش ، حضرت علی ، جاهلله مال ، فقط ارباب علمه عرفان بخش ایدن مولاناك لطف تقدیرینه عرض شکران ایله مشدی . فلسفه و فنونك ایلك محییلی ، اسکی ویکی ادبیات آراسنده کی ارباطك محافظلی آسیانك عباسیلر زماننده کی ، اندلسك امویلر دورنده کی مسلمانلر در ، آروپایه ، اساساً آسیادن کلن ادبیات ، ایکنجی دفعه مسلمانلرک دهاسیله ، حیات بولمشدی . عربلر و مسلمانلر آراسنده فنون و صنایع آلتی یوز سنه لك بر تعالی حیاتی ، امرار ایتدیکی حالده اوزمان بزم آرا مزده اك قابا باربالق حکمران اولدقدن باشقا ادبیات اك سونوك حیاتی یاشایوردی .

(موشیم = Mocheim) دیر که :

« اك معتمد شاهدلرک اتفاق آرا ایله وقوع بولان بیاناتنه کوره اونجی عصر میلادیده غرب عالمده حکمران اولان مدهش و شایان تلهف قارا - کلقدن دهها بدتر برشی تصور اولوناماز . بو عصر فلسفه و عرفان نامنه ، هیچ اولمازسه لاتینلرک « دمیر دوری » تسمیه اولونابیلر ... لاتینلرک فلسفه سی بر فندن ، یعنی منطق ویاجدلیاتدن ایلری کیتمه مش ؛ بو فن ، اولرک نظرنده بوتون حکمت بشریه نك محصله سی طاینمشدی . اوزمان اسلام فیلسوفلری اسپاتیا و ایتالیا ده متعدد مکتبلر تأسیس ایتمش ، ارباب عرفان بورالرده طویلانمش ، عرب فیلسوفلرینک تعالیم و سیسته ملرینی آلاق اولنلری خریستیان مکتبلرینه ادخال ایله مشلردی . »

(موشیم) دهاصو کره دیور که : اونجی عصر دن اعتباراً آروپا ده

انتشار ایدن حکمت ، هیئت ، فلسفه و ریاضیاتك اسلام مکتبلرندن آندیگی ، بالخاصه اندلس مسلمانلرینک آروپا فلسفه سنك استادی اولدقلری محققدرد . عصری آروپا ایلك تخیلات شاعرانه سنی و ایلك ادبی حرکتی عربلره مدیوندر . عربلرک اقوام سائره یی فتح ائمه لرینک خیرکار تأثیرلرینی تدقیق ایتدی کمز تقدیرده بونلرک چوق کچمه دن کندیلرینه مخصوص بر لسان و بر ادبیات وجوده کتیردکلرینی ، بونی

متعاقب کندیلرینه تقدم ایدن اقوامه نسبتله شایان حیرت بر صورتده سریع بر ترقی فکری به مظهر اولدقلرینی کورورز . یونان ادبیاتی سکز عصرلق بر زمانده وجود بولمشدی . روما ، بویوک شاعر لر و محرر لر یتیشدیرمک ایچون بو قدر عصر کچیرمشدی . جنوبی فرانسه ده روما حاکمیتک تأسسندن بو قدر عصر کچدکن صوکره او ملت شایان افتخار عد ایدیله جک بر ادبیاته صاحب اولمشدی . حال بو که هجرت محمدیه دن یوزاللی سنه کچمه دن عربلر ادبیات اعتباریله چوق مترقی بر ملت اولدقلری کبی اسکی فلسفه ، شعر و صنایعک محافظلری اولمشلردی . کرک رومالیر ، کرک غوطلر ، اسپانیایی تسخیر ایچون ایکی یوز سنه امتداد ایدن بر زمان اوغراشمشلردی . حال بو که مسلمانلر بو شبه جزیره یی یکر می سنه ده فتح ایتمشلر ، (پیره نه) داغلیرینی کچهرک فرانسه نیک قلبکاهنه ایلریله مشلردی . بونلرک علم و عرفان اعتباریله تاثیر لری ، سلاحلرینک تاثیرندن داها آز ، دهها قوتسز ده کلدی .

پیغمبرک دامادی و خلفای راشدینک دردنجیسی حضرت (علی) ، ادبیاتی حمایه ایتمشدی . معاویه نیک دورنده عربلر ، یونانلیلرک علومنی طوبلادیلر . دهها صوکره عباسیلرک ایکنجی خلیفه سی (ابو جعفر منصور) علم و عرفانی حمایه ایدنلرک رهبری اولمشدی . متعدد عصیانلر و محاشم ظفرلر اورتاسنده (ابو جعفر منصور) صنایع نفیسه یی تشویقه وقت بولویور ، پارا ویریور و ذوق صاحبی اولدیغنی تجلی ایتدیره رک احتشامیله بی نظیر بر مرکز حکومت تأسیس ایدیوردی . (بغداد) ده تأسیس اولونان بو مرکز ، بش یوز سنه اسلام ایمپراطورلغنک مقر اداره سی اولمشدی . منصورک طورونی هارون الرشید جسارت و اقدامیله یونانلیلرک کوزینی ییلدیرمش ، فقط آوروپاده بالخاصه ،

عرفانه محبتیه ، علمی تشویق ایتمه سیله ، صلح و مسالمته خدمتیه
 احراز شهرت ایتمشدی . هارون ، شارلمانک دوستی ایدی و اونکاه
 مخابره ایتمکده ایدی . هارون ، مدقق ، حریتپرور ، باربار ملتله مفید
 اختراعات میخانیکیه پی کوندره ن بر ذاتدی . فقط عربلرک حائز
 اولدقلری شهرت ادبیه مک تملنی آتان ذات ، هارونک اوغلی (المأمون) دی . [۱۰]
 اونک سراینه ، ال یازیسیله محمول یوزلرجه دونک متادیا اثر نقل
 ایتدیکی کورولور . سیویلدن اصفهان قدر بوتون آثار ادبیه سرعتله
 انتشار ایدیوردی . بغداد ، کوفه ، بصره ، قاهره ، فاس ، مراکش ،
 قرطبه ، غرناطه ، بلنسه ، سهویل ، آقاده میلرک و منبرلرک بلاغتنی

[۱] مأمونک دورنده عربجهیه اوزمانکی مدنیتک بوتون محصولات ادبیه
 و علمیه سی نقل اولونمشدی . نقل اولونان اثرلر یالکز یونانجه دن نقل اولو-
 نمامشدر . یونانجه دن باشقا ، فارسیدن ، هندیدن ، قبطیدن ، عبرانیدن ،
 لاتینجه دن ، نبطیدن ، بر چوق اثرلر ترجمه اولونمشدی . یونانجه دن ترجمه
 اولونان اثرلر آراسنده افلاطونک اثرلری ده وارد . افلاطونک (سیاست)
 اثری حنین بن اسحاق ، (مناسبات) کتابی یحیی بن عدی ، (نوامیس)
 اثری حنین و یحیی ، (طیماوس) اثری ابن البطریق طرفندن نقل اولوندینی
 کبی دیگر اثرلرده باشقالری طرفندن نقل اولونمشدی . (ارسطو) نک
 اثرلری ده مختلف مترجملر طرفندن عربجهیه ترجمه ایدیلشدر . ابقراطک ،
 جالینوسک طبی اثرلری ، (اقلیدس) ک ریاضی اثرلری ، آرشمیدک اثرلری ،
 (منالوس) ک اثرلری ، بطالمیوسک اثری (ذیوفتطس) ک ، (ابرخس) ک
 اثرلری ودها بر چوق ذواتک اثرلری نقل اولونمشدر . فارسیدن بر چوق
 شعر و ادبیات اثرلری ابله نجومه عائد اثرلر ؛ سانسکریتدن ، طب ، نجوم ،
 ریاضیات ، حساب و تاریخه عائد اثرلر ؛ نبطیلرک لسانندن زراعته عائد باشلیجه
 اثرلرایله دیگر بر چوق اثرلری نقل ایتشلر ، عبرانیدن توراتی ترجمه ، لاتینجه دن
 وسائر لسانلردن بر چوق اثرلر نقل ایتشلردر . بو ترجمه حرکتیه برلکده
 چوق قوتلی بر تألیف حرکتی واردی . بونلر یان یانه کتیریلرسه او دورک
 علم و عرفان اعتباریله ده احتشامی کوز اوکنه کتیریله بیلیر .

چوقدن بری طویمشدی . فلسفه ، بالخاصه مسلمانلرک معلم اول
طانیدق لری آرسطونک فلسفه سی ، غربه دوغرو سرعتله ایلیله یوردی .
فنون تدریس اولونیور ، یونانستان وروما ادبیاتی عربلرک آثارنده
یکیدن جانلایوردی . عرب مکتبلرینک طقوزنجی عصر دن اون
در دنجی عصره قادر صاحبدینی پارلاق ایشیقلر بو ماهیتده ایدی .

مسلمانلر آراسنده علم و عرفانک حمایه سیله معروف سائر ذوات ،
اندلسک (عبدالرحمن) لریدرکه اندلسده امویہ خاندانی تأسیس
ایدن ذاتک اخلافیدر . بونلرک ، اک بویوکی اوچنجیسی اولق
اوزره ، اوچی عینی نام ایله طانیلیوردی . اوچنجی عبدالرحمنک
دورنده داخلی اختلافلر ، اک شایان تلہف حالی آلمشدی . بوکا
رغمآ عبدالرحمن علم و عرفانی حمایه وقت بولمشدی . مشارالہک
اونجی عصره تصادف و اللی سنہ امتداد ایدن دور حاکمیتی
آوروپانک اک مدہش جہالتہ باطدینی بر زماندی . فقط بو دورده
چوق مترقی اولان اندلس ، آوروپانک ظلمت آباد اولان دماغنه بر
حزمہ نور ایثار ایتدی . بغداد ، بخارا ، بصرہ مکتبلری ، شہر تارینہ
رغمآ آوروپالیرک مراقفی تحریک ایدہ میہجک درجہده اوزاقدیلر .
عالیجناب بر حامی یہ تابع اولان اندلسده مدرسہ لرینک قابولرینی
آوروپالیرہ آچامش اولسہیدی ، اسلام عرفانی ، پک ضعیف بر
صورتده حس ایدیلر ، یاخود کاملاً ضایع اولوردی . عبدالرحمن
صنایع نفیہنک یکانہ بر حامی سیدی . سرایلرینک احتشامی ، باغچہ لرینک
کوزہ لکی ، کوشکلرینک معماریسی اعتباریلہ عبدالرحمن شرقلی
رقیب لرینہ فائق دہ کلسہده اونلرلہ همعیاردی . (قرطبہ) دن اوچ
میل مسافہده اولان « زہرا » قصری و شہری یکر می بش سنہک
سعیک محصولی ایدی . بوسرایہ آلتی میلیون آلتون صرف اولونمشدی .

عبدالرحمنك سراینده آلتی بیک کیشی یاشار . آوه چیقدینی زمان کندیسنه اون ایکی بیک سواریدن متشکل بر اردو رفاقت ایدردی . بوراده بر استطراد ایله حضرت عمره اسناد اولونان اسکندریه کتبخانه سنی احراق بهتانی موضوع بحث ایتک ایسترز . بو افترایه کوره حضرت عمر ۶۴۱ سنه سنده (عمرو بن العاص) ه اسکندریه کتبخانه سمک جلدلرینی احراق ایتمه سنی ، بو کتبخانه ک قیمتلی جلدلرینی حمام کاخانلرینه آتاسنی اصرا ایله مش ! بو ، بالاخره اویدورولمش بر افترادر . چونکه بطمیوسلرک کتبخانه سی درت یوز ، یاخود یندی یوز بیک جلدیله (ژول سهزار) ک بر سفری ائناسنده یا قیلدینی معلومدر . مورخلرک یکدیگرینی متعاقب نقل ایده کلدکاری بو بهتانک اصل و اساسدن کاملاً عاری اولدینی ، مسلمانلرک حق فتح ایله اله ایتدکاری موسوی و خریستیان کتب دینه سنی محافظه ایتلری ، بونلری صورت قطیه ده ، تخریب ایتمه لری ؛ فن ، تاریخ ، شعر ، فلسفه و سائر موضوعلره عائد آثاری محافظه ایدرک بونلردن استفاده ایتمه لرله ثابتدر . بوندن باشقه حضرت عمرک اسکندریه کتبخانه سنی احراق ایتدیکی روایتی درمیان ایدن (ابوالفرج) بو موهوم وقعهدن آلتی یوز سنه سوکره یاشامشدر . حال بوکه داها اول کلن خریستیان و مصرلی مورخلر بو مسئله یی مسکوت یکمشلردر . اسکندریه کتبخانه لری حقنده واقفانه بر اثر نشر ایدن (سن قرووا) بو افترانک بر خرافه اولدیغنی ؛ چونکه اسکندریه ده کی الکاسکی واک مهم کتبخانه لرک دردنجی عصر میلاددن فضله یاشامادیغنی بیان ایتمکدهر . عصری مورخلرک بو افسانه یی تکرار ایتمکده اولمالری شایان حیرتدر . چونکه (کیبون) ، حادثه نك غیر محتمل اولدیغنی ، حادثه نك زمان وقوعنده یاشایان خریستیان و یا مسلمانلردن بر کیسه نك اونی یاد ایتمه دیکنی سوبله دکن صوکر « شاید اریوس طرفدارلریله مونوفیستلر آراسنده وقوع بولان جدالره عائد اثرلر ، عمومی حاملرک کاخانلرنده احراق اولونمش ایسه ، بو حادثه نك قارشیدسنده بر فیلسوف تبسم ایدرک ، بو واقعه نك نفع بشره خادم اولدیغنی سوبلر . « دیور . مع مافیله عربلرک اسکندریه کتبخانه سنی یاقدقلرینی دوغری فرض ایده لم ، عربلر طرفندن تاریخ ، طب ، زراعت و سائر علومه دائر یازیلان اثرلری (قرآن) نسخه لریدر دیله احراق ایدن قاردینال (اکزیمین) ک حرکتندن تنفر ایتمه نلر ، یاخود یاز سراییی تخریب و چین ایمبراطورلرک آثار قدیمه سنی و مکتوباتی و سائره یی احما ایدنلر ناصل اولویورده بوبله بر حرکتی بر تهمت اولارق ایلری سوریبورلر ؟ ..

صده کله م . آوروپا بو کون بيله مسلمانلره مديوندر . اهل صليب
 محاربه لری ائناسنده وقوع بولان جدال لریوزندن دره بکک کبی مدهش
 بر سيسته می الغا ایتدی کمزی ، آریستوقراتلغک استبداد لرینی تخریب
 ایدرک اونک انقازی اوزرنده حریت می تأسیس ایلدی کمزی اوزون
 اوزادی یه موضوع بحث ایتیم ، فقط آوروپا یه شونی خاطر لایق
 لازمدرکه ، اسکی ، یکی ادبیاتی بر برینه ربط ایدن انسانلر اولق ،
 غربده جهالت و قارا کلق حکمران ایکن فیلسوفلرینه عائد اثر لرک
 محافظی بولونمق ، علمک اک مهم شعبه لرینی ، فنون ، ریاضیات ، طب
 وسائر یی انکشاف ایتدیرمک اعتبار یله آوروپا مسلمانلره مديوندر .
 اسپانیا ، قاسینو ، ساله رنوم ، او دورک منابع عرفانی ایدی . ابن
 سینا ، ابن رشد ، ابن بیطار و سائر ذواتک آثار ی ، باربارلقدن
 قورتولانلرک تدقیقانه ، نشاط و استقامت بخش ایتشدیر . مسلمانلرک
 جغرافیایه مراقبری اونلری کشفلرده بولونمغه ، آفریقانک چولدن
 عبارت اولان ساحه لرنده بيله مملکتلر قورمغه سوق ایتشدیر . مسلمانلق ،
 یالکیز اک پارلاق دور لرنده ده کل ، ایلاک زمان ظهورنده بيله ، ادبیاته
 مظاهرت ایتشدیر . حضرت محمد « شان و شرف ، ثروتده ده کل ،
 عرفانده در » مألنده سوزلر سویله مش ، آرقاداشلرینی دنیانک اک
 اوجرا گوشه لرنده علم و عرفانی تجری یه سوق ایتشدی .

اسلام دولت لری عصر لرحه اک مقتدر ذوات طرفندن اداره اولونمش ،
 اختلافات دینیه عادتا اونوتولمشدی . مأمون شام مدرسه سنه بر خریستیان
 تعیین ایتدیکی زمان وقوع بولان اعتراضه جواباً شوسوزلری سویلشدی :
 « بن بو آدمی دین ایشلرنده رهبرم اولق اوزره ده کل ، فن معلمی
 اولق اوزره تعیین ایدیورم . »

اندلسده اسلام دولت لرنک سقوط یله فر وسیتک (شوالیه لکک) وقهر مانلغک

صوك بقیه سی یقیلدیغندن دولایی کیم ماتم طوتمه مشدر؟ دشمنلرینک، مورخلری بیله سکیز عصرلق حاکمیتی ائناسنده بر تک ظلمنی قید ایتدکلری او عالیجناب ویوکسک ملتک حضورنده هانکی کوکس افتخار ایله قابار مامشدر؟! خریستیان پاپاسلغنک انسانلق او کوردکلری، حمایه کوردکلری انسانلره شیطانی بر ظلم و تعصبه معامله ایتهلرندن، (اکزیمین) کبی سیاسی متعصبلرک یدی عصرلق مساعینک محصولی اولان فلسفی، ریاضی، ادبی آثار ی احراق ایتهلرندن هانکی یوزقیزار مامشدر؟

۱۲۱۴ده تولد ایدن والسنه شرقیه پی او کره نن (فرایار به تون) ک اثرلرندن عرب مؤلفلریله واسع بر صورتده آشنا اولویوروز، (فرایار به تون)، (ثابت بن قره، کندی، ابوالفرج) دن اقتباساتده بولونمقده، اونک عرب آثاری قدر یونان ولاتین قلاسیقلرینه آشنا اولدیغی، بالخاصه «فلسفه نک رئیس و امیری» صفتلریله یادایتدیکی (ابن سینا) پی ای طانیدیغی آکلاشیلیمقده در. بویوک لورد (به قون) ک مشهور فلسفه تجریه سنک ایلك پره نسیدلرینی سلفی و آداشی (روجربه قون) دن آلدیغی، هر کسجه معلومدر. بو حقیقت، (به قون) فلسفه سیسته منک مسلمانلردن آلیندیغنی غیر قابل مناقشه بر صورتده ایضاح ایدیور.

مسلمانلرک فتوحات عسکریه سنه کلنجه، بونلرک تاریخک اک شرفلی فتوحاتی اولدیغنده شبهه یوقدر. جبل طارقدن هندستانه قدر امتداد ایدن اسلام دولتندن دها حیرت آمیز بر دولت وارمیدر؟.. بر طرفدن تورکلره، دیگر طرفدن تاتارلره باقیکز و مسلمانلغک عظمت و احتشامنی ناصل محافظه ایتدیکنی کوریکز!.. خریستیان فاتحلری آراسنده، قابلسه، صلاح الدینلر، تیمورلنکلر، مرادلر، بایزیدلر، فاتحلر و سلیمانلرله قابل قیاس بر قاچ آدام بولیکز! مسلمانلر، خریستیانلری پیره نه داغلرینک آرقاسنه آتمادیلرمی؟

ایتالیایه هجوم ایدرك فرانسهك قلبكاهنه وارمادیلمى ؟ توركلر فتوحاتلرینی آلمانیاك حدودینه ، وهندیک کورفزینه قادار تمديد ایتهدیلر می ؟ خریستیان دولترینك اتفاقلری ، اهل صلیبلىرى ، غربدن شرقه آقان ، فقط معظم ومدھش اسلام قایاسنه چارپیلنجبه قیریلان ، پارچالایان بر دالغا کی ده کلی ؟

دها شایان حیرت بر شی بو خارق العاده انسانلرك موفقیات بحریه سیدر . حضرت محمدك زماننده عربلرك اڭ چوق قورقدینى شی ، ده کیزدی . بر اسلام اولکھ سیله دیکر بر اولکھ آراسنده ده کیز وارسه فریضه حجی ایفا ایدمهك ایچون قطعی بر معذرت تشکیل ایدردى . فقط بر نسل صوکر مسلمانلرك دونامالری آق ده کیزده مظفرانه جولان ایدیور ، کرید ، آطه لر ده کیزی فتح اولونیور ، سجیلیا ، شمالی آفریقا مسلمانلرك ألنه دوشویور ، قورسیقه ، سار . دونیا آدالری ده اونلره کچوردى .

مسلمانلر آق دکیزده اوزون بر زمان فائقیت بحریه لرینى محافظه ایتشلر ، بونلردن هم حرباً ، هم تجارة استفاده ایتشلر ، بوراده بویوک کمی لر بولوندیرمشلردر . ۹۷۰ سنه سنده اندلس حکمداری عبدالرحمن ، بو حوالینك هر طرفنده کوریلان کمی لردن دها بویوک بر کمی انشا ایتدیرمش ، بو کمی نی شرقده صاتیلمق اوزره صاییسز اشیا ایله طولدیرتمشدی . بو کمی حرکت ایتدکن صوکره سجیلیا امیری طرفندن (المعز دین الله) کوندریلن بر کمی یی یاقالایارق طاشیدینى اشیا یی آلمش ، (المعز) بو حادثه دن خبرار اولونجه بر دوناما انشا ایدرك چوق قیمتلى اشیا ایله عودت ایتمکده اولان عبدالرحمنك کمیسنى الده ایتمشدی .

عربلرك بویوک کمی لر انشا ایتدکلرینه دائر چوق معلومات واردر .

ایکنجی (فیلیپ) ک دورنده « غیر قابل تسخیر آرمادا » کلمه لریله
توصیف اولونان اسپانبول کیملرینک عرب کیملرینی تقلیداً یاپلش
اولدینی قوتله محتملدر . بو کیملر انکلیز کیملرندن ده بو یوکدی .
هندستان تاریخنه دائر یازی یازان محرر لر قدر اسلامیت حقنده
مغایر انصاف بر صورتده اداره کلام ایدن کیمسه یوقدر . بونلر ،
اون دردنجی عصرک موغول ایمپراطورلرینی اون طقوزنجی عصرده
ایلریله یین انکلیز اداره سیله مقایسه ایدیورلر . حال بوکه بونلر حق
و حقیقت دائر سنده حرکت ایتک ایسته یورلر سه مسلمانلرک هندستان
فتحی ایله نورمانلرک انکلتره یی فتح ایتلرینی مقایسه ایتلری ایجاب
ایدر . یعنی اسلام حکمدار لریله معاصر لری اولان غرب حکمدار لری
مسلمانلرک هندستانده وقوع بولان محاربه لریله بزم فرانسده وقوع
بولان حربلر مز ، اسلام فتحنک هندولر اوزرنده اجرا ایتدیکی تاثیر
ایله نورمان فتحنک آنغولساقسانلر اوزرنده اجرا ایتدیکی تاثیر مقایسه
اولونمالیدر . او صیراده بر آدانه « انکلیز » دیمک بویوک حقارتدی .
توزیع عدالته مأمور اولان انسانلر هر ظلمی ارتکاب ایدیورلردی .
وظیفه لری حقه رعایت اولان حاکملر ، ائ انصافسز خیر سیزلردی .
اعاظمک یکانه دوشونجه سی پارا طوپلامق و بو مقصدی تأمین ایچون
هر جرمی ارتکاب ایتکدی . او زمان فحش و فجور او درجه
شایدی که اسقوجیا قرالیچه سی تعرضدن قور تولق ایچون بر لباس
دینی کیمکه مجبور اولمشدی .

[۱] قلاق = Glark اهل صلیب محاربه لرندن بحث ایدرکن دیورکه :

« هر هانکی بر زمانده و هر هانکی یرمات ایچنده هیچ بر اوردو اهل صلیب
اردولری قدر فسق و فجوره دالماشدر . اصل صلیب محاربه لری خلک خرافات پرورلکنه
ابدی بردامغاوومشدر . اهل صلیب تعصبک ائ مدھش تجاوزاتی ارتکاب ایتش ،
بونلر دعا و عبادت یرینه انسان قانی دوکمهکه کناهلرندن قور تولق ایسته مشلردی »

کویا هندستانده کی اسلام خاندانلرینک تاریخی، معاصر خریستیانلرک تاریخنده مثلنه تصادف اولونمایاجق ظالم و شدت مثاللریله دولو ایتمش! حال بوکه ایلك اهل صلیب زماننده (غود فرهی دوبویون) ک قومانداسی آلتنده حرکت ایدن عسکرلر، قدسده کی (۴۰,۰۰۰) کیشیدن متشکل قوت عسکریه بی بلاتفریق قلیجدن کچیرمش؛ سلاحلر، جسورلری؛ تسلیمیت، قورققلری قورتاراماش؛ یاشه، جنسه ذره قدر رعایت اولونمامش، چوجوقلر، آنه لرینک قارتی ده شه ن سلاحلرله احما اولونمشلردی. قدسک جاده لری انسان جسدلرندن متشکل ییغینلرله دولمش، هر مسکندن قوپان اضطراب ویأس چیغلقلری آفاقی ایکه تمشدی. فقط مصر و سوریه سلطانی (صلاح الدین) ایکنجی اهل صلیب زماننده قدسی استرداد ایتدیکی زمان قدسک تسلیمیتنی متعاقب هیچ برجان تلف اولمامشدی. سلطان صلاح الدین خریستیان اسیرلرینه هر درلو رقت و نزاکتی کوسترمش، اسیرلرک ایچنده فقیر اولانلری، بلامقابل، سربست بیراقمشدی. بوبویوک آدامک نامی و اخلاقی قارشیسنده فرانسز فیلیپ وانکلیز ریشاردک بوتون دعوالری سرنکون اولمقده در. برذوق ادبی بی حائر اولدقن باشقه صاحب عرفان بر آدام اولان صلاح الدین، دورفتوحاتنده هر یرده صنایع نفیسه بی حمایه ایتمشدر. بر زاهد قدر متقی اولان صلاح الدینک باشقه لرینه لطف و انعامنک پایانی یوقدی. عفو و صفح کی نیجه نیجه فضائل اولک شخصنده مفکوروی برکمال احراز ایتمش، او یله بر سجیه ایله تمایز ایتمشدی که رقیبلری اونی تقلید ایتسه لرک بویوک اییلکی یاپمش اولورلردی. «سلطان صلاح الدینک فوق العاده جسارت، کیاست، علوجناب صاحبی بر انسان اولدیغنده شک و شبهه یوقدر. شامده کی متار که بی متعاقب صلاح الدین ارتحال ایتمش، مسلمان، یهودی، خریستیان فرقی کوزه دیکسزین

داغیلمق اوزره صدقہلر بیراقشدی. « شیمدی فرقه باقیکنز. خریستیان قهرمانی برنجی ریشارد، عظمت واحتشامنی، ظالمانه وسائطه تبعه سندن طوپلادیغی مدھش مبلغره، مدیوندی. اونک خستی غیرقابل تطمیندی. قید وشرطدن معرا شهوتپرستکی یوزندن ناوار قرالی (سانشو) نک قیزی اولان زوجہ سی (به رینغاریا) یی اهان ایتدکن باشقه، سو یله مکدن اجتناب ایده جکمز کناهلرده ایشله مشدی. نہایت زواللی بر راھب، ریشاردک منفور جرمنی، کندی سراینک ایچنده یوزینه ووزمش، اوکا قوم لوطک عاقبتی دوشونمه سنی اخطار ایله مشدی. ۱۰]

اسلام خاندانک اکثریسی ایسه خارق العاده ساجیه بی حائر انسانلردی. محمود غزنوینک فعالیت و موفقیتلری، علم و عرفانی حمایه سی، کون کبی آشکار برشیدی. محمود، ارباب فضل و فضیلتہ او قدر حرمت کوسترمشدی که پایتختی ارباب دهانک جمعی اولمشدی. باشقا بر آسیا حکمداری بو قدر فاضل انسانلری بر آرایه کتیره مه مشدی. کرچه محمود ادخار ثروته مائل ایدی؛ فقط او، ثروتی حسن استعمال ایتمه بی ده بیلن بر انساندی. محمودی تعقیب ایدن دوت خلفی ده علم و ادبیاتک حامیلری ایدیلر. خلق طرفندن عادل حکمدار اولارق طاینمشلردی. عجبا عینی سوزلر بونلره معاصر اولان نورمانلی ویلیام ایله ذریتی حقنده سویلنه بیلیرمی؟

اون ایکنجی عصرده فرانسه نک یدنجی (لوئی) سی (ویتری) شهرینه حاکم اولدیغی زمان شهرک یا قیلما سنی امر ایتمش، بالنتیجه (۱۳۰۰) انسان، بوغیر انسانی امرک قربانی اولمش و آله ولر ایچنده کول اولمشدی. او زمان انکلترده قرال (استه فن) حکمراندی.

داخلی محاربه لر او قدر کسب شدت ایتشدی که اراضی اکیلیمه مش ، آلات زراعیه یا تخریب اولونمش و یا خود بر طرفه آتیلمشدی . اون دردنجی عصرده فرانسه ایله وقوع بولان محاربه لریمز او قدر فجیع و او قدر تخریبکار بر ماهیتده ایدی که بشریت هیچ بر زمان بویله شی کورمه مشدی . گویا اسلام حکمدارلرینک ظلمی اونلرک خیرخواه لغلندن دها قوتلی ایش ! بزم المزده بو مسلمان حکمدارلره معاصر اولان خریستیان حکمدارلرینک اعتسافاته دئر مبذول و نائق وار ، فقط خیر خواهلرینه دئر المزده برشی وارمی ؟

اوچنجی فیروز شاه ۱۲۵۱ ده جلوس ایتمش ، نهر لر اوزرنده اللی سد ، قرق جامع ، اوتوز مدرسه ، یوز کروانسرائی ، یوز خسته خانه ، یوز حمام ، یوز اللی کوپرو انشاسیله تمایز ایتمش ، بوندن باشقه بر چوق مبانی دها وجوده کتیرمش ، از جمله جمله شهرینی (هانس) و (هیسا) ایله ربط ایدن بر قابل قازدیرمشدی .

موغول خانداننک برنجی حکمداری اولان (بابر) هندستانه حاکم اولانلرک اک اصیل سیالرندن بری ایدی . کندیبی ساده ، فقط پک وقور بر ذاتدی . کنجلیکنی بعض قصورلر ایله شائبه دار ایدن یابرشاه بالا آخره صفوت اخلاقیه سیله کسب شهرت ایتمش ، نفسنک بوتون تمایلاتی یکمش ، عفت و نزهتیه بنام اولمشدی . بابر ، اطاعتکار بر اولاددی . شفیق بر پدر و برادر ، عالیجناب بر دوست ، رحیم بر دشمندی . چوق محشم بر آدم اولان (بابر) عینی زمانده چوق متواضعدی . مسرف دکلدی . هنروردی ، جسوردی ، صریحدی ، آچیق فیکرلی و آچیق الای ایدی . انتریقیه بی سه و مزدی . ذوقی یوکسکدی . دماغی منوردی . معلوماتی واسعدی . ایچنده طوغدینی و بو یودیکی شرائط نظر دفته آلنیرسه (بابر) ک حیاتی « اورمانلری اروا ایدن

فقط ارضك كولاكه لريله قارار ديني حالدہ سمانك صفوتی عكس ايتديرون
برحياتدی »

بابرك اوغلی هايون ، شدتلی حرصلردن آزاده ، لکه لنمه مش بر
سجیه بی حائز دی . کندیسسی برافغان امیری اولان شیرشاه طرفندن
مملکتندن چیقاریلش وتختی اونك ید اشغالنه کچمشدی . شیرشاه بش
سنه حکمران اولدندن صوکره تاجنی اوغلی عادل شاهه بیراقش ؛
(هايون) ایسه آنجق اون آلتی سنه امتداد ایدن بر دور اغترابدن
صوکره حقوقنی استرداد ایده بیلمشدی . غاصب شیرشاه ، یوکسک بر
اقتدار وشوکتی حائز بر ذاتدی . قیصه دورینك قسم اعظمی حرب
صحنه لرنده کچیرمش اولماسنه رغماً مملکتنی اک مکمل انتظامه مظهر
قیلمش ، حکومتنده برچوق تجددات باشارابیلمشدی . (شیرشاه)
بتغالدن باشلایان و سنده روتاسده ختام بولان درت آیلق بر یول
آچمش ؛ بونك هر مرحله سنده کروانسرایلر وجوده کتیرمش ، قویولر
قازدیرمش ، یول اوزرنده کی جامعلره اماملر و مؤذنلر ، هندولر له مسلمانلرک
خدمتنی درعهده ایده جک خدمتجیلر تعیین ایتمشدی . یولجیلرک کولاکه ده
یورومسنی تأمین ایچون یولک ایکی طرفنه آغاچلر دیکامش ، یولک
انشاسندن ۸۲ سنه صوکره سیاحلر بووضعیتی کورمشلردی .

اکبر شاه کبی سراینده ومجلسنده بویوک ، حرب صحنه سنده
بویوک ، علمیه مشهور ، مسامحه کارلغیله ، حریتپرولکیله ، جسارتیله ،
عفو و صفحیه ، هنریله ، سطوتیله معروف بر ذاتک سجیه سی
هر ایضاحدن مستغنیدر . فقط حکومتلری بشریت ایچون بر نعمت
اولان اک یوکسک امرایچنده اکبر شاه سیاست داخلیه سی ایله تمایز
ایدز . اکبر شاه کیفی محاکمه لری منع ایتمش ، قیزلرک سن رشده
بالغ اولمادن ازدواجلرینه مانع اولمش ، هندولرک احکام دینیه سنه رغماً

دوللرک ازدواجنه مساعدده ایتمش؛ هندو دوللرک، آرزولری خلافتنده احراق اولونمالرینه جواز ویرمهش، مسلمانلری استخدام ایتدیگی درجهده هند و تبعهسنی استخدام ایتمش، غیر مسلمانلرک ویردکلری جزیهلری الغالیتمش، حجاجک ویردکلری ویرکولری قالدیرمش، حربدن اسیر آلینان انسانلرک کوله معاملهسی کورمه لرینه قارشلی کلشدی.

بودن باشقه اکبر شاه، شیر شاهک باشلادیغی مالی اصلاحاتی اکل ایدرک ممالکت داخلنده کی اراضی بی یکیدن اولچدیرمش، اراضینک محصولاتی تثبیت ایتدیرمش، حکومت ویریله جک حصه بی تعیین ایتمش، زراعی حکومت حصهسنی عیناً ویا نقداً اعطا خصوصنده سربست بیراقش، حکومتک آلدیغی بر چوق آغیر ویرکیلری قالدیرمشدی.

بوتدابیرک نتیجهسی، خلقلک رفاهیدی. اکبرشاهک تحصیلدارلرینه اصدار ایتدیگی امرنامه لر اخلافه انتقال ایتشدی. بونلردن آکلایورزکه اکبر شاه تبعهسنک سلامت ورفاهنی، اداره سنک حریتپرورانه بر صورتده تطبیقنی آرزو ایدردی. اکبر شاهک عدلیه مأمورلرینه ویردیگی تعالیمات چوق رحیمانه و عادلانه ایدی. اونلره اعدام جزالرینی اعطادن ممکن مرتبه استنکاف ایتهلرینی، تهلکلی فتنه وفسادلر مستثنا اولمق اوزره، حکمدارک تصویبی اولمقسزین اعدام جزاسنی انفاذ ایتهلرینی توصیه و امر ایدیوردی. اکبر شاه اردوسنی یکیدن تنظیم ایتمش، اردونک واردادن بر قسمنی تحصیل ایتمهسی برینه استحقاقنی خزینه دن استیفا ایتمهسنی تأمین ایتشدی. تحکیمات و سائر مبانی نافعده دن باشقه، اکبر شاه بر چوق محتشم مؤسسسه لر وجوده کتیرمش، بونلر پسقیوس (هیبر)ک سیاحتنامه سنده اک ستایشکارانه سوزلرله یاد اولونمشدر. اکبر شاه اداره نک هر شعبه سنه انتظام و اصول ادخال ایتمش، بوئون انشا آتنده احتشام و انتظامی تجلی ایتدیرمشدر.

مشهور ایتالیان سیاحی (پیه ترودهل واله) اکبر شاهک اوغلی
 (جهانگیر) ک دور حا کمیتندہ ہندستانی زیارت ایدہ رک ۱۶۲۳ دہ
 سیاحتنامہ سنی یازمش، جهانگیرک سجیہ سی ایلہ ہندستان خلقنک طرز
 حیاتی ایضاح ایتمش، ہندستان خلقنک یالکز رفاہ ویالکز عظمت
 ایچندہ دکل، امنیت تامہ ایچندہ دہ یاشادیغنی کورمش، حکمدارک
 ساختہ تہمتلرلہ خلقی تضیق ایتمہ دیکنی، بالعکس خلقی رفاہ، ثروت
 وسامان ایچندہ کورمکدن محفوظ اولدیغنی یازمشدر. فقط اکبرک
 طورونی (شاہ جهان) ک دوری ہندستانک اک مسعود دوریدر.
 شاہ جہانک بوتون مملکتی حضور واطمینان ایلہ حسن ادارہ ایچندہ
 یاشایوردی. سیر (توماس روو) ۱۶۱۵ دہ شاہ جہانی اوتاغندہ
 زیارت ایتمدیکی زمان کوردیکی احتشامدن کوزلری قاماشمش، ایکی
 دونوم اراضینک ایپک والتوندن دو قونمش خالیر واورتولر ایچندہ
 بولوندیغنی، بونلرک آلتون و مجوہرلرلہ سوسلو اولدیغنی کورمشدر.
 فقط (تاوہ رینہر) دیورکہ: طاووس تختنی پایدیران، جلوس کونلرنده
 کندی آغیرلغنجہ آلتون و مجوہرلر داغیدان حکمدار، تبعہ سنہ
 بر قرال کبی دہ کل، بر عائہ بابایی کبی حا کمدی. شان جہان ادارہ
 داخلہ سنہ ذرہ قدرتسید کوسترمزدی. ہندستاندہ ہیچ بر حکمدار
 تبعہ سی حقندہ اونک کوستردیکی دقت و اہتمامی اظہار ایدہ، مشدر.
 بو معظم سلطانک دورندہ، (دلہی) نک مشہور قانالی، معمار
 (علی مراد خان) ک نظارتی آلتندہ انشا اولوندی. خلقک احتیاجاتی
 سنہ لرجہ تدقیق اولوندقن صوکرہ بو محتشم قانال دلہی شہرینک
 ثروت و ذوقیلہ متناسب بر صورتدہ وجودہ کتیر یلشدی. قانالک
 اصل یاتاغندن بیک مجری آقیور، و دلہی شہرینک ہر طرفنہ مرمر
 فسقیلر، حماملر، شادروانلر کبی مختلف شکلردہ آقیور، الکفیر صنفلرک

أولرینه قدر وارییور ، هپسنگ صوسزلغنی تطمین ، هپسنگ نظافت
دائرہ سندہ یاشاماسنی تأمین ایدیوردی .

مسلمانلرک هندستان خلقندن انکلیرلر کبی برچوق شیلر غصب
ایتدکلری ادعا اولونیورسده بوادعا اثبات ایدیله میور . فقط مسلمانلرک
مدافعلری هیچ اولمازسه اونلرک ، انکلیرلرک خلافتنه ، آدقلری هر
شیده مستحق اولدیغنی قیمتی ویردکلرینی ، کوچوک بویوک هرکس
آراسنده عدالتی تمامیله تأمین ایله دکلرینی ، تجارک یوزلرجه میلک مسافه لره
ماللرینی امنیت تامه دائرہ سندہ نقل ایله کلرینی ، اوزمان هندستان
خلقنک حضور ومصونیت ایچنده یاشادقلرینی بیان ایدیورلر . بونک
بویله اولدیغنی قاراران مرمرلر ، معطل مجرالر ، بایقوشلره مسکن
اولان کاشانهلر ، معبدلر ، ییقیق ستونلر و کمرلر اثبات ایدیور .
فی الحقیقه هیچ بر کیمسه نک مخالفتنه اوغرامایه جغمزی بیله رک دییه
بیلیرزکه کندیلرینه (باربار) صفقی ویریلن بوپرنسلر منافع عامه اوغورنده ،
بوکونک اردولرینی اعاشه وتجهیز ایده جک قدر پاره خرج ایتشلردی .
شرق امراسنگ پایدار مساعی ترقیپورانه لریله عینی وادیده غرب
مملکتلرنده وقوغ بولان مساعی بی مقایسه ، فائده سز بر شی تلتی
اولوناماز . فقط مع الؤسف ایکی لوحه بربریله مقایسه اولونامیه جق
کبی در . چونکه بیلورزکه اودورلرده انکلترده برتک قانال یوقدی .
یوللرمز ، بر قاجی مستثنا اولمق اوزره ، هپ کچی یوللریدر . اک
بویوک شهرلرمزده بر صومخزنی یوقدی . دلهی کبی معظم شهرلرک
محافظه سنه مأمور پولیسلردن بزم مملکتتمزده بر اثر کورولمه یوردی .
لوندرده چیقان بر یولچینک (های غت) ه قدر سالماً مواصلتته
امکان متصور ده کلدی . حال بوکه (شاه جهان) ک اک وضع برتبعه سی
ینجابدن دلهی یه ، دلهی دن الله آباده قدر امن وامان ایچنده

اولاشه بیلیردی .

مستر (هولوهل) بنغاله نك كندی برلی حکمدارینه تابع اولدینی
 زمانکی وضعیتی حقننده اوله برطاقم معلومات ویریور که انسان بونلری
 افسانه ظن ایدر . حال بوکه (هولوهل) بونلرک آراسنده اوزون بر
 مدت اقامت ایتیش و مسئله یی بحق ایضاح ایله مشدر .

(هولوهل) دیور که : « بومسعود خلقه تجاوز ایتک ، ظلمدره
 چونکه بو حوالیده کوزه لاکک ، تمیز لاکک ، تقوانک ، انتظامک ،
 عدالتک ، الحاصل اسکی هندستان دولته مخصوص نراهتک بقیه سی
 یاشایور ، بوراده حق تصرف کبی خلقک سر بستیمی ده غیر قابل اخلادره .

بوراده خصوصی ، عمومی خیر سیزلغک وقوع بولدینی دویوناز ،
 اللرنده تجارت بولونان ، یاخود بولونمایان سیاحلر حکومتک بلا مقابل
 تخصیص ایتدیکی محافظلرک حمایه سی آلتنده بر قوناقدن بر قوناغه
 کیدرلر ، جانلری ، ماللری محافظه ایدیلیر . یولجیلر برنجی قوناغی
 کچدیلمی محافظلر اونلری ایکنجی قوناغک محافظلرینه تسلیم ایدرلر ،
 یولجیلری تسلیم ایتدکلرینه دائر برسند آلیرلر ، بوسند برنجی قوناغک
 قومانداننه ویریلیر و دفترلره قید اولوندقدن سوکره راجیه بیلدیریلیر .

« بویله جه یولجیلر بوتون مملکتی دولاشیرلر ، یولده اشیلرینی
 نقل ایچون وسائط نقلیه و آرابامصرفی ویرمه دکن باشقه ایسته دکلری
 مواد غدائییه ده استحصال ایدرلر . بریرده اوچ کون اقامت ایدرلر سه
 عینی منافعدن مستفید اولورلر ، خسته لغه ویاخود غیر قابل اجتناب
 بر قضایه اوغر ایلر سه بومدت تمید ایدیلیر . شاید سیاحت ایدیور کن
 انسانک پارا چانطه سی ، یاخود قیمتلی بر شیئی ضایع اولور سه اونی
 بولان انسان یولک اوزرنده کی آغاجه آصار ، واک یاقین محافظلر
 اخبار کیفیت ایدر ، محافظلرده در حال بکجیلر وداوولجیلرله اعلان

کیفیت ایدر لر . « ۱]

شیمدی مقایسه مزی یا بمق ایچون «خریستیان و منور» انگلتره نك
عینی صیره لرده بو اسلام و شرقلی حکمدار لرك دور لرینه مصادف اولان
زمانده نه حالده اولدیغنی کوستره لم .

۱۳۸۱ ده (وات تایلر) عصیانى ظهور ایدرک بو عصیانک
بارونلر طرفندن باصیلماسی اوزرینه اکثریسی محاکمه ایدیلیمه ن (۱۵۰۰)
عاصی صلب اولونمشدی .

۱۳۹۴ ده مجدد (ویقلیف) تضییقه اوغرا مشدی .

۱۳۹۸ ده ایکنجی ریشاردک جبارانه حاکمیتی باشلامشدی .
ایرلانداده وقوع بولان عصیان باصدیر یلمش ، فقط ایرلاندالی قادینلرله
توله نمک ، ایرلاندالبسه سی اکتسا ایتک ، ایرلاند ااداتی قبول
ایله مک « خیانت وطنیه » عد اولونمش و بو خیانتی ارتکاب ایدنلرک
املاکی مصادره اولوناجنی اعلان ایدیلمشدی . ایرلاندالیلری مناستر لره
قبول ایتک ، اونلرک ساز شاعر لرینه برا کرامده بولونمق برجرمدی .
۱۳۹۹ ده (بولینغبروق) ایکنجی ریشاردی تاج و تختنی ترکه
مجبور ایتدکن صوکره اونى اولدیرمش ، و دردنجی هانری عنوانیه
اونک تختنی غصب ایدرک وارثلرینی حبس ایتمشدی .

۱۴۱۰ ده (ژون بادبی) اعتزال تهمتیه ، بالا آخره بشنجی هانری عنوانی
احراز ایدن ولی عهدک حضورنده احراق اولونمشدی . دردنجی هانری
طرفندن خلقه شو صورتله اشکنجه ایدیلیوردی . « ارکک ویا قادین
حبسه آتیلیر ، یرک آلتنده قارا کلک بر یره سوق اولونور . اوراده
چیریل چپیللق اولارق قورو طوپراق اوزرینه یاتیریلیردی . بونلرک
آلتنده برشی بولونمادیغنی کبی اوستنده ده برشی بولونمزدی . صیرت لرینک

اوستنه یا تمغه محکوم اولان آچیق باشلی بیچاره لرك آیاقلریله بر اللری
 بر ایپله اودانك بر گوشه سنه ، دیگر اللری اوته کی گوشه یه باغلانیر ،
 وجودلرینك اوزرینه تحمللاری درجه سنده طاش ودمیر قونولور ،
 ایرتسی کونی کندیلرینه اوچ لقمه آرپه ا کمکی ویریلیر ، فقط هیچ
 صو ویریلزدی . ایرتسی کون اوچ جرعه صو ویریلیر ، فقط ا کمک
 ویریلزدی . بونلر اولونجه یه قدر بوسورتله یاشاتیلیرلردی . ه بومدهش
 اشکنجه اوچنجی جورجک زمانه قدر مشروع کورولمشدی . صوك
 دفعه اولارق بواشکنجه نك نه زمان تطبیق اولوندیغی معلوم ده کلسه ده
 محبوسلرك ایکنجی جورج زمانده یعنی ۱۷۴۱ ده بو طرز معامله یی
 کوردکلرینی مستر (بارینغتون) قید ایتمکده در .

۱۷۶۸ دن اعتباراً اکثریتله اشکنجه لر تطبیق اولونیوردی . بونلرك
 بر چوغی حبس خانه دفترلرنده مقید بولوندیغی کی بونلره عائد مذکره لرك
 بر قاجی حالا محفوظ بولونیور ، ۱۶۴۰ ده بر تیر انداز ، سرپسقیوس
 (لود) ك سراینه اغتشاش آمیز بر تعرضده بولونمقله اتهام اولونارق
 اعترافاتده بولونمق ایچون یوقاریده ایضاح ایتدیگمز معامله یه دوچار
 اولمشدی . بواشکنجه نك تطبیقنی امر ایدن مذکره اوراق رسمیه
 آراسنده محفوظ بولونمقده در . ایکنجی ژه مس ، اسقوچیاده بولوندیغی
 زمان اشکنجه نك اثنای تطبیقنده بالذات حاضر بولونمشدی .

۱۷۱۳ ده اعتزال آمیز حرکاتی احما ایچون قانونلر نشر اولونمشدی .

۱۷۱۵ ده (ژون قله یدون) ایله (ریشارد نورمان) اعتزال تهمتیله

احراق اولونمشلردی .

۱۷۴۱ ده ایلینور قوبهام ، غلاوسه ستر دوشه سی ، هیئت شناس

روجر بولینغبروق ، قانون ساوثوول ، مار جری ژورد این ، ژون

هوم سحر بازلقله اتهام اولونمشلر ، دوشس نفی ، بولینغبروق صلب ،

ژور داین احراق اولونمیش ، ساوتوول محبسده اولمش ، هوم عفو ایدیلشدی .

۱۴۴۵ده قیرمزی کلی شعار اتخاذایدن لانقاسترلر ایله بیاض کالی شعار یاپان یورقلیلر آراسنده وقوع بولان وکلر محاربه سی تسمیه اولونان داخلی حرب باشلامشدی . بو محاربه لر ۱۴۸۵ ده ختام بولمش ؛ خاندانه منسوب ۱۲ پرنس ، ۴۰۰ اسیلزاده ، ۱۰۰۰,۰۰۰ آدم تلف اولمش ، بوتون مملکت انسانسز قالمش ، آریستوقراتلر محو اولمشدی .

۱۴۷۸ ده ساحره لر محکوم اولمش و اعدام ایدیلشلردی .
۱۴۸۳ ده ریشارد تختی غصب ایدرک یکنی بشنجی نه دواردی اولدیرمش و دیکر لوردلری قتل ایتمشدی .

۱۴۸۵ ده یدنجی هازی تخته جلوس ایتمش ، تضدیک و مصادره ایله طوپلادیغی پارا ایله پارلامنتودن مستغنی قالمش ، مومی ایله « خیری ویرکیلر » کبی مستهزیابه برنام ایله معروف کیفی ویرکیلری طرح ایله مشدی .
۱۵۰۹ ده یدنجی هازی تخته اوتورمش . بو وحشی ، « غضبندن برارکک ، شهوتندن بر قادین قورتولمامش » اولمقله افتخار ایدردی .
بو دورده حکمداره اک بویوک عنوانلر ویریشمش ، ینه بو دورده اولجه دو یولمامش خیانتلر وقوع بولمشدی .

۱۵۳۴ ده یدی کیشی بی زهرله مکله مظنون بر آدم قاینار صوده اولدیرلمشدی .

۱۵۳۴ ده کهنک مقدس قیزی « اعدام ایدیشمش ، اعتزال تهمتیه اسمبئیلده ایکی آدام دیری دیری یاقیللمشدی .

۱۵۳۵ ده طقوز پاپاس (هازی) نک نفوذ روحانیسی قبول ایتمه دکلی ایچون صلب اولونمشلر ، سر یسقیپوس فیشه ر ایله سیر (طوماس مور) ک عینی سبیدن دولایی کله لری وورولمش ؛ بو مظالم

بوتون آوروپای تدهیش ایتشدی .

۱۵۳۶ ده (آز بولین) کله سی وورولمش ، هاری (ژهن سه یور) له

ازدواج ایتشدی .

۱۵۳۷ ده ۱۹۳ مناس-ترك (۲,۶۵۳,۰۰۰) لیرایه بالغ اولان

وارداتی قرال طرفندن مصادره ، کلیسارله عائد اراضی (هاری) نك

بندکانی طرفندن تقسیم اولونمشدی .

۱۵۳۸ ده ایکی پاپاس اعتزال تهمتیله احراق اولونمشلردی .

۱۵۳۹ ده ره دینغ ، غلاستونبه ری ، وقولشه ستر پاپاسلری قرالی

طانیما دقلری ایچون اصیلمشلردی . اسقوچیا ده کی دین مجددلری

اعتسافه اوغرامشله ، بونلرک یدیسی احراق اولونمشله ، پارلامانتو

قرال طرفندن سویله ن سوزلرک قانون ماهیتنده اولدیغنی اعلان

ایله مش ، انکلتره وغالده کی ۶۴۳ مناستر ، ۹۰ قوله ژ ، ۲۳۷۴ کلیسا

و ۱۰۰۰ خسته خانه کاملاً سد اولونمش ، بورالرده بولونانلر سرسری

اولمشله ، بورالرده یاشایان فقیرلرک هپسی بیکس قالمشلردی .

۱۵۴۰ ده سالیسبوروی قونتیپی کبی محترم بر قادین ، مارغریت ،

جورجک قیزی ، قلازنس دو قه سی ، پلانتاجانت خاندانک صو کنجیسی

اعدام اولونمشلردی . قادین ، بر جانی کبی اعدام اولونمق ایسته میهرک

مقاومت کوسترمش ، نهایت جلاد طرفندن قوللری و بویونی یارالاندقدن

صو کره کله سی اورولمشدی .

۱۵۴۲ ده ماری استوارث اعدام اولونمشدر .

۱۵۴۳ ده هنری آلتنجی دفعه اولمق اوزره قاترین پارایله

أوله نمشدر .

۱۵۴۶ ده اعمال تهمتیله (آن اسقیو) اشکنجه یه اوغرانلدقدن

صو کره اعدام اولونمش ، کندیسیله بر لکده اوچ ادم احراق ایدیلمشدی .

۱۵۴۷ ده یدنجی هانری ۲۸ کانون اولده و ۵۶ یاشنده اولمش، هیچ
برانگیز حکمداری بونک قدر ظلم و استبداد کوسترمه مش، کندیسنی
متعاقب یدنجی نه دوارد جلوس ایتشدر.

۱۵۴۹ ده انگلتره نك هر طرفنده سفالت و دینجیلک انتشار ایتمش،
اکشدتلی قانونلر نشر اولونمشدی. سرسریلر حقنده اخبار اتده بولونانلر
اونلری ایکی سنه مدته کوله اولارق قولانیورلردی. (نور فولق) ده
دهش بر عصیان وقوع بولمشدی.

۱۵۵۳ ده ماری جلوس ایتمش و پاپالغی یکیدن تأسیس ایتمشدی.
۱۵۵۴ ده لهوی ژون غره دی ایله لورد غیلد فوردا اعدام اولونمشلردی.
۱۵۵۵ ده پروتستانلر تضدیقاته اوغرایه رق پستقوس (ریدله ی)
(لاتیمه ر) اوقسفورده احرار اولونمشلردی. جنایتلر تزایدا ایدرک
قطاع طریقلر چوغالمش، اوقسفورده بر چیرپی ده اللی جانی اعدام
اولونمش، رتبه صاحبی آداملر خیرسزلغه سلوک ایتشلردی.

۱۵۵۸ ده قرالیچه ماری اولمش، بو قرالیچه نك بش سنه دوام
ایدن مدت حکومتی ظرفنده ۲۸۵ آدم دیری دیری یاقیلمش،
بونلرک آراسنده بر پستقوس، ۲۱ پاپاس، ۶۵ قادین و ۴ چوجوق بولونمشدی.
بیکلرجه انسان عقیده و جداییه سی یوزندن حریت، صحت و مالندن
محروم اولمشدی.

قرالیچه (نهلزابت) ک زماننده قاتولیکلر پاپانک قرالیچه بی خلع
ایتمک صلاحیتنی طانیدقاری ایچون مراعتسافه اوغرامش، دیری
دیری یاقیلمشلردی.

۱۵۸۶ ده اسقوجیا قرالیچه سی ماری، نهلزابت علیهنده کی سوء
قصدده اشتراک تهمتیله محاکمه اولونمش، ۱۸ سنه محبوسیت یوزندن
بو قادین، قانلی جانلی بر قادین ایکن ضعیف و عاجز بر حاله دوشمشدی.

۱۵۸۷ ده قرالیچه مارینک کله سی وورولمشدی . او زمان
قرالیچه ۴۴ یاشنده بولونیوردی .

۱۵۸۸ ده ایرلاندالی قاتولیکلره قرشی اک مدهش مظالم تطبیق
اولونمشدی .

۱۶۰۱ ده قرالیچه الیزابت ۴۴ مارتده ۷۰ یاشنه بالغ اولدیغی
حالده وقات ایتمش ، برنجی ژه مس تخته کچمش ، مساعه دینه علمینده
اراده چیقمش ، پوریتانلر آمریقایه هجرت ایتمشدر .

۱۶۰۴ ده ژه مس طرفندن پرسپیتانلر تصدیق اولونارقی بونلرک
رؤساسندن ۱۰ ی حبس اولونمش ، (۳۰۰) پاپس طرد ایدلمش ، بونی
دیگر تصدیقات تعقیب ایلمش ، سحر بازلق و سحر علمینده قانونلر
نشر اولونمشدر .

۱۶۰۳ ده ژه مس جنلر و جنجیلک حقینده کی اثرینک اوچنجی
طبعی میدان چیقارمش ، ارواح خبیثه نك نه یابدقیرینی ، سحر بازلق
نه ایشلر کوردکلرینی ، بونلرک نه صورتله جزا کورمه سی ایجاب
ایتدیکنی ایضاح ایتمشدر . [۱]

اوصیرده پارلامانتو بو اثره توفیقاً قانونلر نشر ایتمش و بونلر کمال
شدتله تطبیق ایدیلمشدی . اون یدنجی عصرک نهایتنه قدر انکلترده
۳۱۹۹ کیشی سحر بازلق ، بویوجیلک تهمتیه محکوم اولمشلر و اعدام
ایدیلمشلردی . [۲] بوزوالیلر آراسنده دشمنلری طرفندن اوچ چوجغه

[۱] اوزمانک قانتوروی پستیوسی بو اثرک روح الهمینک یاردیمیه
یازیلدیغنی سویله مشدی .

[۲] ماقینوس ، تاریخ مدنیت عنوانی اثرنده دیرکه : « اوزمان سحر بازلق
تهمتی ایلری سورهنلر اسقوچیا قرالی آلتنجی ژه مس ، اونجی اینوسان ،
اشپرینغور ، بودینوس وماتیواسته فنس ایدیلر . » بوصیره لرده پورتکیزده کی
انکیزسیون ، اوکره ندیکی بعض حرکاتی یاپان بر آتی ، شیطانک تأثیری
آلتنده عد ایدهرک اعدامه محکوم ایتمشدی .

سحر یابدقلمی ادعا اولونان ایکی دول قادین واردی که محکمه نك حضورینه چیقهمیه جق درجدهده خسته بولونیور ، فقط ایرتسی کون حضور حاکمه چبقه رق اعدام حکمنی تبلیغ ایدیورلردی .

۱۶۲۵ ده برنجی ژه مس ۶۹ یاشنده اولارق وفات ایتمش ؛
یرینه اوغلی برنجی شارل کچمشدی . مجبوری استقراضر عقدی ،
کیفی ویرکیلر ، کیفی حبسلر اک مدهش عدم ممنونیتی تولید ایتمشدی .
۱۶۲۹ ده « محکمه عدالت » تسمیه اولونان ظلم اوجاغنک ماهیتنی
آکلامق ایچین شودرت مثال کیفیت ایدر : پراین نامنده بر آووقات
ایکی قولاغنک کیلمه سنه ، ۵۰۰۰ لیرا جزای نقدی اعطاسنه ، ومؤبد
کوره که محکوم اولمشدی .

میر آلالی (لیلبورن) تحریک آمیز بعض رساله لر نشر تهمتیلر
حاکمه یه دعوت اولونمش ، فقط صورولان سؤالره علیهندهده اولسه
جواب ویرمه سی ایچون یمین ایتیمی رد ایتمشدی . بونک اوزرینه
قیرباجلانمغه وحبسه محکوم اولمش ، میر آلالی قیرباج آلتنده ایگله یورکن
حکومتک ظالم اولدیغنی سویله دیکندن محکمه اونک دیلنی کسمکه قرار
ویرمشدی .

قانتربوری بسقپوسی (لود) ک هدف خصومتی اولان لیتقولن
بسقپوسی ویلیامس محضا بو خصومت یوزندن (۱۰,۰۰۰) لیرا جزای
نقدی یه محکوم اولمش ، حبس ایدیلش ووظائف روحانیه سنی ایفادن
منع اولونمشدی . بوندن باشقه بو آدامک اشیا و کتابلری ضبط
اولونیورکن بر مکتب معلمنه یازدیغنی مکتوبلر بولوندیغندن (۸۰۰۰)
لیرا جزای نقدی یه دها محکوم اولمش ، قولاقلمی دیره کلره میخلانمشدی .
۱۶۴۱ ده ایرلان داده عصیان وقوع بولمش ، (۴۰,۰۰۰) پروتستان
قتل عامه اوغرامشدی .

۱۶۴۲ ده داخلی محاربه لر باشلامشدی .

۱۶۴۹ ده « جبار ، خائن ، قاتل ، ملت دشمنی » اولارق اعلان

اولونان شارل ۳۰ کانون ثانیده اعدام اولونمشدی .

۱۶۵۹ ده (قروموهل) ۲۶ حزیران (حمایه کار لورد) صفیله

وہستمینہ ستری کشاد ایتمش ، اداره سنک شدتیله تمایز ایتمش ، بودورده

انسانلر محاکمه اولونمادن اعدام اولونمشلر ، حرب اسیرلری حکومتہ

مخالف اللی ذات ایله برلکده (باربادوس) ہ کوندریلہ رک اوراده کولہ

اولارق صاتیلمشلردی . قراللق طرفدارلری احما اولونیورکن قرالہ

سوز ویرہ نلرک ہپسی ده محو اولمشلردی . بوتون مملکت عسکری

منطقہ لره تقسیم اولونمش ، ہر منطقہ قوماندانہ ہر شہہ ایتدیگی وتہلکہ لی

کوردیگی انسانلری دردست وحبس ایتہسی ایچون صلاحیت ویریلمشدی .

دہا یاقین زمانلرہ کچہرک ہندستانده احراز اقتدار ایتدکن

صوکرہ تعقیب ایتدیگمز خط حرکتہ بر نظر عطف ایدہ لم :

میرقاسمی بنغالہ حکومتدن عزل ایتدکن صوکرہ وقوع بولان

حادثادن بحث ایدرکن (قلایو) دیورکہ : «بویلہ بر آنارشی وانحطاط

منظرہ سنک بنغالہ دن باشقہ بر مملکتده کورولہ دیگنی ، طویولمادیغنی

سویلیہ بیلیرم . بنغالہ نک متشکل اولدیغنی اوچ ولایت اولان بنغالہ ،

بہار وادریسا ، کہ اوچ میلیون لیرا وارداتی واردہ ، انکلیز قومپانیاسنک

مستخدمینی طرفندن اداره اولونیوردی . بونلرک عسکری و سیویل

مأمورلری ہر کسدن ، نوابدن الکفیر اراضی صاحبہ قدر ہر انساندن

ویرکیلر آلیورلردی . تجارت ، انکلیز قومپانیاسنک مستخدمینہ تابع

تجارلر طرفندن اجرا اولونیور ، قومپانیانک مستخدمینی اسم و صفتلرینی

قوللانارق انکلیز نامنی لکھلہ یں و ہر مسلمان و ہر ہندلی بی اینجیدہن

جرائمی ارتکاب ایتشلردی . انکلیز مستخدمینی نوابک وارداتہ مداخلہ

ایتمشدر ، حکومتہ ایستہ دکارینی آلمشدر ، هر آدمی باشقہ لرینہ ترجیح ایچون رشوتلر طرح ایتمشدردی .

بو سوء اداره بی شدتلی بر قیطلق تعقیب ایتمشدی . بو قیطلق یوزندن والی عمومی لورد (قورناوالیس) یکر می سنه سو کره بنغاله نك خرابی یه سور و کله ندیکنی یازیوردی . مومی الیه دیور که : سنه لردن بری تجارت و زراعتک متمادی انحطاطه اوغراداغنی سویله مکله متأثرم . حال حاضرده بویوک شهرلرده اقامت ایدن (شیف) و (بانیان) صنفلی مستثنا اولق اوزره بو ولایت اهالیسی عمومی برفقرو سفالته دوچار اولمقده درلر . قومپانیانک اراضیسی داخلنده کی ملک صاحبلی ده عینی حالده درلر . بو وضعیت بونلرک تنبلاکنه و اسرافاتنه عطف اولونابیلیرسه ده ، واسع بر مقیاسده سابق اداره نك قصورلرینہ عطف ایدیله بیلیر . « سوء اداره دن متأثر اولان حوالی یالکز بزم اداره مزه تابع اولانلر ده کلدی . متفقلر مزك اداره سنده کی اراضی ده عینی حالده ایدی . (اوده) نوابیله تماسه کلدی کمز کوندن بری بو مملکت انگلزلرک اوزرینہ قوندیغنی برلش حالنه کلدی . (هه ستینگس) هندستانه حکمران اولدیغنی صیرالرده دیوردی که : « تجاوزکار روحمز اک عنود بر صورتده تظاهر ایتدیکندن هندستانده کی بوتون قوتلرک بزمه اتفاقدن اوزاقلاشماسنه ، سلاحلر مزدن قورقدیغنی قدر بزمه برلش مکدن قورقماسنه سببیت ویرمشدر . بر طرفدن بو تجاوزکار روح ، دیگر طرفدن افرادک قیدسز ، بلکه تشویق کورهن اخلاقسزلنی ، شهرت ملیه مزه ، سلاحلر مز و قوتمزک اپراث ایتدیکی ضرردن دهها مدهش بر ضرر ایراٹ ایتمشدر . هندستانده هر کس بزمه تماسدن تحاشی ایدیور ، چونکه بزمه تماس ایدنلرک اولدیریحی برذلته اوغرادقلری کورولویوردی . « هه ستینگس بونی اثبات ایچون (اوده) ده یابدقلریمزه اشارت ایدیور .

مورخ میل دیورکھ :

« بو ایشلر باشلامادن اول (اوده) اولکھسی یوکسک بر رفاهه مظهر بولونیوردی . خلق بر تضیقه اوغرامادن حکومتہ ۳ میلیونق واردات تأمین ایدیبوردی . فقط بو اولکھیه عسکری بر اوردودن باشقه سیویل مأمورلردن متشکل بر اوردو کوندرمه من یوزندن (اوده) نوابی اک آجی فلاکتہ اوغرامش ، خلق فقرو سفالته دوچار اولمشدر . او قدرکھ نواب بر قاچ سنہ تحمل ایتدکن صوکرہ ایرادینک نصفه ایندیکنی کورمشدی . طقوزسنہ ظرفنده بو ولایتدن غیر محق حرکات نتیجه سنده سنوی (۳۴۰,۰۰۰) انکلز لیراسنہ وارن پارا تحصیل اولونیوردی . مأمورلرک چوقنی ، معاشرلینک یوکسکلیکی ، بومأموریتک حائز اولدقلری نفوذک بویوکلیکی ، بوندن باشقه تقاعدلر ، قومپانیانک احتلاساتی ، عسکری ، ملکی ادارهنک مصارفی ، غیر قابل تحمل بر حاله کلشدی . ومستر (ههستینغس) ک دیدیکی کبی بو وضعیت انکلزلرک بوتون مملکتده دشمن تلقی ایدیله سنی انتاج ایتشدی . قورقارم که بوبله نه صفت ونه صلاحیتله ویرکو طرح ایتدی کمزی صوراجق اولورسهم کیمسه بو سوآلی آ کلامیه جق ، هله نوابی محافظه ایچون مصارفنی تأدیه ایدهمیه جکی و ایسته مدیکی بر اوردوی نیچون کندیسنه کوندردی کمزی صوراجق اولورسهم بو سوآلک معناسنی آ کلامیه جق اولانلر پک آز اولاجقدر . بز دیورزکه : « سز بو اوردوی ایسته میورسکز ، فقط اونک مصارفنی تأدیه یه مجبورسکز! »

مستر ههستینغس رمان اداره سنده وقوع بولان بو فناقلری تشهیردن چکینمه بور . کرچه کندیسی نوابک ایسته دیکی ، فقط مصرفنی تأدیه یه مجبور اولدیفی اوردونک بر قسمنی چکمش ، فقط (ههستینغسک) خلفی لور (قورنوالیس) نوابک جدی و همیمی اعترضنه رنما آردونک مقدارینی تزید ایله مشدی . لورد (تیغناوٹ) انکلزلرک مطالبنی سنوی (۲۵۰) بیک لیرادن (۷۰۰,۰۰۰) لیرایه یوکستدیکندن عسکرلرک عددینی زیاده لشدیرمشدی . (وهله سلی) ۱۸۰۶ ده بوتون مملکتی ضبط ایده جکنی سویلیه رک نوابک ۱,۳۰۰,۰۰۰ لیرا قیمتنده اولان اراضیسنک یاریسنی طلب ایتشدی . ایش بونکله ده قالماش ، ۱۸۱۵ له ۱۸۲۵ آراسنده استقراض نامیله درت میلیون لیرا آلینمش ،

والی عمومی لورد (به نینک) بو پارانک قرال نامنه طلب اولو دیغنی
و آنجق انگلوز قوتندن قورقوله رق ویرلدیکنی بیان ایتشدی .

انگلزلرک اوراده کی ظلمنی ا کمال ایتک ایچون شونی علاوه ایتلی یز:
لورد (دالهوسی) ۱۸۳۷ ده عقد اولونان معاهده نك احکامنی
اخلال ایله (اوده) بی الحاق ایتش ، معاهده نك کأن لم یکن اولدیغنی ،
چونکه مدیران محکمه سی طرفندن قبول اولونمادیغنی بیان ایتشدی .
حال بو که بومعاهده والی عمومی لورد (اوقلاندا) ك امضاسنی حامل
اولدقدن باشقه والی عمومی ایله (اوده) حکمداری آراسنده وقوع
بولان مخبر اتده مرعی اولدیغنی بیان اولونمش ، ۱۸۴۵ ده حکومتک
امریله نشر اولونان بر کتابه درج ایدیلشدی .

بو دعوی ، ۱۸۵۷ ده مشهور حقو قچیلردن دو ققتور (تراوه رس
تویس) ه تقدیم اولونمش ، بو متبخر ذات ده شو مطالعه بی درمیان
ایتشدی :

« بوتون حقائق درپیش ایتدکدن سو کره هندستان والی
عمومیسینک ۱۸۳۷ معاهده سنی غیر مرعی طانیغه حتی اولمادیغنی
نتیجه سنه دسترس اولدم . »

فقط بو قدر صلاحیتدار برذاتک بومالده مطالعه درمیان ایتمه سنه
رغمآ، دیگر بر محرر بو اشقیالغنی، بو چته جیلکی ترویجه چاره آرایور :
مستر (قهی) دیورکه : « انگلتره ایمپراطورلغنه الحاق اولوناجق
بر ولایت دها بولویوردی . لورد (دالهوسی) نك دورنده الحاقی
ایجاب ایدن بو ولایت فتح اولونمایا جقدی . چونکه حکمداری
دوستمزدی ، خلقی اردومزه کیرمشلردی . اسلام حکمدارینک بری
اولونجه اوغلی ویا قارده شی یرینه کچدیکندن بوراده کی تختک بر وارثی
بولونمادیغنی ایلری سورهرک اله کچره مزدک . بالعکس بوراده بر حکمدار

زاده اولان بر حکمدار واردی. بوراسی هندستانک معظم بر اولکدهسی
اولان « اوده » در .

« وضعیت تجلیسی و منابع طبیعه سنک مشهور تونی ایل بوراسی
هوقمه بری صرمزی تحریک اید بوردی . »

اوقوییکز ! ای (غروتیوس ، بوندورف و واتل) ک محترم
کولکه لری ! و دیکه ییکز ، ای هندستانک آدی مستقل امراسی !
دیکه ییکز ، و دوشونیکز !

لورد (قورنوالیس) ، شبهه سز عادل بر آدمدی . لورد (تیغماوٹ)
دینداردی . لورد (وهله سلی) بویو کدی . فقط بونلرک یچاره متفقلری
اولان اوده حکمدارینه روا کوردکلری معامله ده ذره قدر عدالت ،
کیاست ، ذره قدر بویوکلک ویا دیانتپرورلک یوقدی !

بالا آخره لورد (مه لویل) نامیله یاد اولونان میستر دونداس ،
هندستانک یرلی امراسنه قارشلی روا کوردیکمز معامله لر حقنده بوکا
مماثل بر شهادتده بولونیور . کندیسی ۱۷۸۲ سنه سنک ۱۵ نیساننده
عوام قماره سنده ایراد ایتدیکی نطقنده دیورکه :

« هندستانده باشلیجه درت قوت بولونیوردی : ماهراتا حکومتلری ،
حیدر علی مملکتی ، دکن نظامنک اراضیسی ، برار مهر اجه سنک اراضیسی .
بونلردن باشقه او درجه مهم اولمایان قوتلرده واردی . تانجور راجاسی ،
آرقوت نوابی کبی . فقط بو بویوک درت قوت کاملاً علیهمزده بولونیوردی .
ایکیسایله حرب ایدیوردق . دیگر ایکیسی ده بزه قارشلی حرجویانه حسیات
ایله متحسسیدی . بومبای والیسی ماهراته حکومتنه صاحب اولدیغنی ادعا ایدن
(راغوبا) نامنده بر آدمله مذاکرانه کیریشمش و کندیسنه بعض اراضی بی
قومپانیایه دور ایتک شرطیله بو دولتک ریاستنه کچیرمه بی وعد ایتشدی . بو
معاهده عقد اولوندقدن صوکره حربه کیریشیلدی . چوق کچمه دن بنغاله
والیسی ، برده مهر اجه سی اولان (مودیچی بنسالا) ایله بر معاهده عقد
ایتدی و اوکا بعض اراضینک اعطاسی مقابلنده مهرا نا حکومتنک ریاستنی

وعدایتدی . بو ایکی یوزلی سیاست میدانہ چیقدیغندن (برار) راجاسی اونک خائنانہ و دساسانہ اولدیغنی سویله یه رک منفعل اولدی . دکن نظامنہ کنبجه اونک اراضیسی بزم اراضیمزک شمالندہ بولونیوردی . نظامک اراضیسی اراضیمزه ملاصق اولدیغندن اوکا قارشى معامله مزده چوق دقتلی داورانیلماسی ایجاب ایدیوردی . نظام قومیانیاہ بعض اراضی ویردی . بونک مقابلندہ نظام سنوی بر ویرکی ویریله جکدی . بو ویرکی ویریله دی . نظام ده انگلز لرك سوزینه اینانیلماز ، شرف و حیثیت کبی مفهوم لره باغلانماز ، عدالتہ اهمیت ویرمز بر ملت اولدقلرینی اعلان ایدرک (حیدر علی) نک قوتی بزه قارشى دعوت ایتدی . چونکه هندستان اراضیسندہ بر تک انگلز بولوندقجه هیچ بر هندلی امنیت حس اتمه یوردی !

انگلز هندستانده کی سوءنیت و سوء اداره لرینه دائر بالذات انگلز لرك اعترافاتی قید ایتد کدن سو کره تورکیانک باش و کیلی طرفندن انگلتره سفیری سیر (روبرت آنسلی) یه ویردیکی آتیده کی رسمی جوایی اوقه رسوق حیرت اتمه ملی و اونی علیهدارانہ عد ایلمه ملی یز . بو رسمی وثیقه انگلز مبعوثانندن مستر غره ی طرفندن ۱۷۹۲ سنه سنک ۲۹ شباطندہ عوام قماره سنندہ روسیه نک تسلیحاتی موضوع بحث اولویورکن قرائت اولونمش ، متعاقباً میستر غره ی شو سوزلری سویله مشدی :

رسمی جواب

« کندیلرینه مظاهرت ایتکده اولدیغمیزی سویله دیکمز حالده بالآخره کندیلرینه خیانت ایتدیکمز تورک مفتقریمز ، خط حرکتیمزی نفرت و استحقار ایله قارشیلادقلرینی کوستریورلر . عجبا سز بی مؤاخذه ایدر ویا شایان استهزامی کوریورسکیز ، بیلمه یورم . فقط بو موضوعه دائرک موثوق معلوماتی عرض ایتمش بولونیورم . صدر اعظمک سفیریمز (روبرت آنسلی) یه ویردیکی رسمی جوابک یر نسخہ سنی آله ایدرک سزه ایراد ایدیورم . بو رسمی جواب بوجه آتیدر :

« سلطان کندی نامه اعلان حرب ایدر و صلح عقد ایلر .
 کوله لرینه ، بنده لرینه ، و تبعه سنه اعتماد بسله ر . اونلرک ایمان صاحی
 اولدقلرینه واقف بولوندیغی کبی مزیتلرینی تجربه ایتمش و صداقتلرینه
 کووه نه جگنی آ کلامشدر . بو فضیلت ، چوقدن بری آوروپادن
 طرد اولونمشدر . شاید بوتون خریستیانلر دوغرووی سویله یورلرسه ،
 انکلتره ، انسانلری آلوب ساتدیغندن اوکاهیچ اعتماد ایتمه مک لازمدر .
 تورک حکمدارینک سزک حکمدار یکزله ، سزک مملکتکیزله بر مناسبتی
 اولمادیغی کبی هیچ بروقت سزک نصیحتکیزی ، توسطکیزی ، دوستلغکیزی
 طلب ایتمه مش ، سزه بر ایلیچی ، بر مأمور کوندرمه مش ، سزکله هیچ
 بر مخابره ده بولونمامشدر . او حالده بزمله روسیه آراسنده متوسط
 تکلیفنده بولونما کزک سببی نهدر ؟ سزک دوستلغکیزه ، یاردیمکیزه ،
 توسطکیزه طالب ده کلز . بو کسک برلسانله موضوع بحث ایتدی . کز
 ناظر یکز مطلقا بر حیلده دوشوومکده ، سزک یالکیز پارایه پرستش
 ایتدیکنی خبر آلدیغمز ملتکیزی اکلندیرمک ایچون بر دولاب
 چه ویرمکده در . آلدیغمز معلوماته کوره سزک صفت فارقه کز خستدر .
 سزک اللهکیزی صانار و آلیرسکیز . معبود کز پارادر . ناظر لریکیز
 و ملتکیزک نظرنده هرشی تجارتدر . او حالده بزیده روسیه می صاتمق
 ایسته یورسکیز ؟ خایر ، بز بازار لغمزی کندیمز یاپارزه . تورکلر حیلده ،
 خدعه ، بیلمزلر . شیطانلق ، دسیسه کارلق خریستیان اخلاقیدر .
 بز دولت ایشارنده ناموسلی ، مستقیم ، صریح ، و وفاکار اولمقدن
 چکینمه یز . حرب ایتدیکمز زمان مقدراته تسلیم کریبان ایدرز .
 اوزون بر زمان عظمت و احتشام ایچنده یاشامش ، دنیانک برنجی
 دواتی اولمش ، عصر لرحه خریستیانلرک هر درلو رذیلت وریایله
 آلوده کفر و فسادینه احراز غلبه ایتمش بولونیورز . بز جناب حقّه

ورسول مکرمنه ایمان ایدیوروز . سز ایسه پرستشکاری اولدینکزی
 سویله دیککز اللهده ایمان ایتمز ، کندیسنه هم الوهیت ، هم نبوت
 عطف ایتدیککز ، و اوغلی دیدیککز ذاته ده اینا نماز سکزر . او حالده سزک کبی
 خصال و مضل بر ملتک نه سینه کوه نیله بیلیر ؟ بر بریکزله وقوع
 بولان بوتون معاملاتکزرده فضیلت کبی دوغروغنی ده آتیورسکزر .
 بر برلریله حرب ایدن بوتون خریستیانلر قرالترینک ، حکمدارلترینک ،
 ایمپراطورلترینک ، شکایتلر ، مواخذلر ، پروتستولرله مالامال تراجم
 احوالی اوقوییکزر ؛ هپسنگده یالانچی ، مفسد ، ظالم ، سوزینه
 کوه نیلمز آدملر اولدقلرینی کورورسکزر . حال بوکه تورک هیچ
 وعدینه ، سوزینه ، شرفه مخالفت ایتشمیدر ؛ اصلا ! بوکا مقابل
 هیچ بر خریستیان دولتی ، منفعت و حرصی استلزام ایتدیکی زماندن
 باشقه هیچ بر سوزینی طومش ، هیچ بر تعهدینی ایفا ایله مشمیدر ؟
 خایر ! او حالده سزک کبی فاسق بر اداره یه ، هر فضیلتدن محروم بر حکومت
 تابع سزک کبی بر ملته ناصیل اعتماد ایده لم ؟ پادشاهک سزک سرایکزله
 بر مناسبتی یوقدر و بر مناسبت تأسیسی ایسته مه مکده در . شاید
 سز بوراده بر جاسوس کبی ، یا خود ادعا کز وجهله بر سفیر صفتیه
 بولونمق ایسته یورسه کز دیگر خریستیانلرله برابر اقامت ایدر ، فقط
 حسن حال ایله حرکت ایلسکزر . فقط بز سزک بری ویا بحری
 یاردیمکزه ، یا خود توسطکزه طالب ده کلز . تکلیف واقعکزدن
 دولایی سزه تشکره مأذون اولمادیغمی ، چونکه دیوانمزک حرکت
 واقعه کزی نالایق تلقی ایتدیکنی ، بوندن باشقه معاونت بحریه کز
 ایچون وقوع بولان تکلیفی ده تشکرله قارشیلایامیه جغمزی ، چونکه
 دونانما کسمی هیچ بروقت ده کز لیمزه قبول ایتیه جکمزی بیان ایدرم .
 سزک روسیه ایله نه یا پا جغکزی بیلمه یوروزوبیلمکده ایسته میوروز . روسیه

ایله ایشلر مزی مناسب بر صورتده، قوانین و سیاستمزه موافق بر شکلده
حل ایده جگیزه. شاید سز، ده نیلدیکی کی دنیانک اک آلچاق خریستیان
ملتی ده کاسه کز اک جرأتکار واک ساخته کار ملتی اولدیغیکز محققدره.
سز، سزک کی بر قاچ خریستیان ملتله برلشدیکیزی کندیکیزی
امر ویرمهک صلاحیتدار ظن ایدیورسکیز. بز بونی آکلایوروز.
بناء علیه سزک جرأتکار لغیکیز، منفور بر دیققتاتورلک درجه سنه یوکسلور که
سزک بو حرکتیکز داخلی ایشلر کزه شایان استحقار، خارجه کی
سوزلریکیزی هر قیمتدن، وهر هانکی بر دولت طرفندن نظر دقته
آلینمق حیثیتدن محروم ایتمکده در. زده ده قالدی که باب عالی بونلره
اهمیت ویرسین. وزرای عظام سزی دیکه دیکه سوزلر کزده یا فنا
بر مقصد کشف ایتمشلر، یا خود اونلرک اثر جهالت اولدیغنی اکلامشلردر.
ذات شاهانه، رعایاسنه (یعنی مستملکاتنده کی اهالیسنه) قارشی
بودرجه ظالم اولان بر دولته قارشی ایجاب ایدن تدابیری اهل ایتمز.
موثوقاً خبر آلدیغمزه کوره، سزک آرا کزده عقد ایتدیگیکیز
صلحله، ارتشایه مستنددر. عثمانلی وزراسی اوروپالیلرک سوزلرینی
چوق دیکه مشلر، فقط دائماً خیانت کور مشلر، صاتیلمشلر، ویا
اغفال ایدیلمشلردر. بناء علیه روسیه ایله باب عالی آراسنده وقوع
بولاجق توسطیکزه لزوم یوقدر. سزک هدفیکز بوتون بشریتی
بر برینه دوشورمک، صوکره استفاده ایتمکدر. سزک تجارتیکیزی
طلب ایتمیوروز. اوکا محتاج بولونمایوروز. سزک مضاعف قازانجاریکیز
بزم تاجرلری مزی اضرار ایتمشدر. سزک دینیکیز، پارا قازانمقدر.
معبود کیز، خستدر. قبول ایتدیگیکیزی سویله دیکیکز خریستیانلق،
ریاکارلغیکزک بر ماسکه سندن باشقه برشی ده کلددر. سزدن جواب
ایسته میوروز. جواب ویرمه مکیزی امر ایدیوروز! «

عقائد قرآنیہ نك اهل اسلام اور رندہ نہ قدر قوتلی ونہ قدر خیر کار
بر تاثیر اجرا ایتدیکنی کوسترمک ایچون «بو کونکی تورکیه» عنوانیه
۱۸۵۵ده موسیو (ا. اویسینی) طرفندن یازیلان اژدن بعض پارچه لر
اقتباسیه بوفصله نهایت ویره جکز :

« دوغرولو و نامو مظارلو »

« تورکیه ده کی بوتون اقوام و بوتون صنایعک مشهری اولان
بویوک چارشیلرک منظره سی، تورکلرک فیز یونومیسنه بعضی خصوصیتلر
علاوه اییدیور . بوراده تورک ، ارمنی ویا روم قوموشوسنک
یاننده اوطورور ، کلن ، کچن مشتربلره دقت ایدر ، آره صیره
«بویوروک چلبی!» دیر . تورکک دکانی او کنده توقف ایدرک بر شینک
فیئاتی صورارسه کز ، سزه اللی ویا یوز غروش ، دیر . شاید بورانک
عادتنه آشنا ده کلسه کز بازارلغه باشلارسکز ، اونک سزه ویره جکی
جواب ، بازارلغی قبول اتمه مک و چبوغنی توتدیرمکه باشلامقدر .
نه قدر اصرار ایدرسه کز ایدیکز ، تورک بر پارا ایندیرمز .
خریستیانلرله یهودیلر بام باشقه در . یوز غروشدن ، سکسانه ، آلتمشه ،
قرقه ، حتی دهها آشاغی اینرلر .

« بر قاعده اولارق ارمنی یه ایسته دیکی پارانک یاریسنی ، رومه
اوجده برینی ، یهودی یه درتده برینی ویریکز . فقط مسلمانله آلیش
ویریش ایتدیگز می ، ایسته دیکی فیأدن امین اولو کز و ایسته دیکنی
ویریکز .

« تورک ویردیکی برسوزمه قطعیا مخالفت اتمه دیکندن باشقه برینک ده
سوزینه اینانیر . بر شینک دوغرو اولدیغنه یمین ایدیکز . تورک
اوکا مطلقا اینانیر . بر دفعه بر فرانسز ضابطی بر قماش پارچاسی آلمق
ایچون چارشیی یه کیتمش ، بر کون اول بر آرقداشک آلدیغی پارچانک

عینی باشقه بر تجاردن ایسته‌مش ، فقط او تجارده بولاماشدی .
 بر دیگری دها یوکسک بر فیأت ایسته‌مش ، نهایت ضابط
 آرقداشنگ معامله ایتدیکی تاجرہ مراجعت ایتمش ، اوده دها یوکسک
 بر فیأت طلب ایتمشدی . نهایت ضابط آرقداشنگ آلدیغی فیأتی ایلری
 سورمش ، تاجر اوکا یمین ایتمه‌سنی تکلیف ایتمش ، بوتکلیفدن حیرته
 دوشن ضابط نتیجه‌نگ نه اولاجغنی آ کلامق ایچون یمین ایتمش ،
 تاجرده درحال عینی فیأته قماش پارچه‌سنی ویرمشدی .

موسیو (اوبوسینی) دیرکه : « اعتراف ایدرم که بر انسانک
 سوزینه کوستریلن بواعتماد، بوحیثیت آمیز معامله بنی ممنون ایتمشدر .
 بزم مملکت‌مزرده بایعک نیچون مشتری‌یه نظراً مادون تلقی اولوندیغنی
 بیلمه‌یورم . تورکیه‌ده بویله برفرق یوقدر . صاتیجی کنیدی اوزمز .
 بوکون قومشوسی موفق اولدیسه اوده یارین موفق اولمائی امید
 ایدر . مؤذنک‌سسی یوکسدیمی تورک، دکانک ایچنده نمازینی ایفا ایدر،
 یاخود مغازه‌سنی آچیق بیراقه‌رق و امنیت عمومیه‌یه کوه‌نهرک مجاور
 جامعه کیدر .

« استانبول کی معظم بر مقرر حکومتده تاجرلر معین وقتلرده
 مغازه‌لرنده بولونمادقلری ، کیجه‌لین اولر اهمیت‌سز سور کولرله محافظه
 اولوندیغی حالده بوتون سنه ظرفنده اوچ درت خیرسزلنگ وقوع
 بولدیغنی دویمازسکنر . حال بوکه خریستیانلرله مسکون اولان غاضه
 وبک اوغلی طرفنده هر کون متعدد سرقتلر و جنایتلر وقوع بولور .
 عینی ناموسکارلق مملکتک هر طرفنده کورولور . برانکلیزسیاحی ،
 (دهیلی نیوز) غزته‌سنه اخیراً شو سوزلری یازمشدر :

« دون بر بوغارک آراباسنی کیرالادم . آرابایه بنمله آرقداش‌لر مک
 چانطالردن ، باووللردن ، خالیلردن ، کورکلردن و شالردن متشکل اشیامز
 یوکلنه‌جکدی . کیجه‌لین اوزرینه اوزانق ایچون بر مقدار قورو اوت آلق

ایسته دیکمز ایچون یانغزه تربیهلی بر تورک آلمشوق . بوغاز کویلیسی کیجه این آرابه سنک او کوزلرینی بویوندورقلرندن چیقاره رق آلدی . کوتوردی . و آرابه نی یاپه یالکیز بیراقدی . کندیسنه آرابا ایله برلکده بر آدامک بر اقیلماسنی و او آدامک اشیایی محافظه ایتمه سنی اخطار ایتم . تورک جواب ویره رک دیدی که « نه لزومی وار افندم . اشیا کز بوراده هفته لرجه قالسه ، کیمسه اوکا ال سورمز . » بنده قبول ایتم . ایرتسی کون دوندیکمز زمان هرشی یرلی یرنده ایدی . دوشونیکز ، بوتون کیجه بورادن تورک عسکرلری کچوردی . فقط هیچ بری آرابایه ال اوزاتمای خاطرندن کچیرمه مشدر . بونی لوندره نک اک بویوک منبرندن خریستیانلره سویله ییکز ، سزک رؤیا کوردیک کزی ظن ایدرلر . باری بونلر او یانسه لر ... »

تورکیه ده کی حامللرک ناموسکارلغی بز مکیلرک ناموسندن بالاتردر . غلطه دن کیلره هر درلو اشیایی کوتوره نلر بونلر در . فقط هیچ بر وقت بوراده برشی ضایع اولمایور . بوتون ملتک ضرب مثل حکمنده کی ناموسکارلغی بونی تسهیل ایتمکده در .

بر دفعه بر تجار انده بشلکلردن متشکل ایکی بیک غروشلق بر کیسه پاطلامش ، ایچنده کی پارالر داغیلمشدی . بر مقداری ده ده کزه دوشمشدی . خالق در حال پارایی طویلامش ، بعضیلری ده کزه آتیه رق اورایه دوشنلری کتیرمش ، تجارک کیسه سنه یرلشدر مشلر ، صوکره بر جمال کیسه بی صیرتلایه رق تجارک اوینه کوتورمشدی . تجار اونده پاراسنی صایدیغی زمان تاس تمام بولمشدی .

مسالمه کارلر و غیره خرافات

بزم (غربلیلرک) او امر دینه مزه قارشی کوستردیکمز رعایتسزک ، دینمزک لازم غیر مفارقی اولان بعض ایجابات انسانیه بی اهملز ، اک سفیل سائقلرله بونلری فدا ایدیورمه مز ، تورکلرک نظرنده بزم دینمزک دلائل بطلاننددر . بوندن دولاییدر که تورکلر اوروپایه « دیار کفر » دیرلر ؛ بزنی « ملحد » و « کافر » صفتلریله یاد ایدرلر .

فقط بو استحقار ، هیچ بر وقت اعتسافه سائق اولما مقده در .
 باشقه یرلرده بر چوق مثالرله کوستردیکم وجهله تور کلرک علیهنده ،
 هر کسه دینی تبدیل ایتدیرمک و اعتسافکارانه حرکاتده بولونمق کبی
 وقوع بولان اتهامات ، یالکیز اساس اعتباریله ده کل ، دائمی معامله
 اعتباریله ده حق و حقیقته مخالفدر . ناصل دنیاده هیچ بر قوت ،
 تور که دینی تبدیل ایتدیره مزسه تور کده هیچ بر کیمسه یه دینی
 تبدیل ایتدیرمه یه تشبث اتمز . تور کی ممنون ایتدیککیز زمان سزه
 بودعاده بولونور: «جناب حق عاقبتکی خیره تبدیل ایتسین !» اسلام
 علماسی « قلبره هدایت احسان ایدن ، جناب حقدر » دیرلر . اسلام
 علماسنک کوزهل بر سوزی واردر: «هر کسه ایملک ایت ، جاهلرله
 جدال اتمه .» تور کیده هیچ بر وقت تصدیقات دینه وقوع بولماش ،
 بالعکس تور کیه ، خریستیان تعصبنک قربانلرینه التجا گاه اولمشدر .
 تاریخه باقیکیز ، ۱۵نجی عصرده اسپانیا و پورتگیزدن قوغولان بیکلرجه
 موسوی تور کیه التجا اتمشدر ، اوراده و آنجق اوراده درت عصر
 حضور و سکینت ایچنده یاشایا بیلیمشدر . حال بو که بو کوه قادر
 آتینه ده میلاد عیسی یورطیسنده یهودیلر سوقاقلرده کز مکه جسارت
 ایتزلر ، تور کیده ایسه ارمنی و روملرک تجاوزلرینه معروض قالان
 یهودیلر دولت طرفندن حمایه اولونورلر .

تور کیه دولتنده بوتون اقوام و ادیان منسوب انسانلر واردر .
 تور کیده جامعلر ، بلکه کلیسا و حاورالردن ده چوقدر ؛ فقط
 جامعلر ، کلیسالر و سائر معبدلره تعرض ایتزلر . ازمیرده و استانبولده
 قاتوتولیکلک پارس و لیونده کندن دها سربستدر . هیچ بر قانون
 اولرک آیینلرینه تعرض اتمه مکده در . اولولر دفن اولونیورکن بر
 آلا ی راهبیر ، موم طاشیان و مزامیر اوقویان پاپاسلر طرفندن تشییع
 اولونورلر . بوتون یورطیلر بوتون کلیسالر طرفندن تسعید ایدیلیر .

دييورلر كه شرقك قاتوليكلريني فرانسه ، اورتودوقسلريني روسيه
 حمايه ايدييور . عجبا يهوديلريني كيم حمايه ايدييور ؟ درت بش سنه
 مقدم ، رسول اسلامه تجاوز تهمتيله مظنون بر يهودي موصلك تورك
 واليسنه كتيريلش ، بوتون خلق بو حر كتنن متأثر اولمشدي . تورك
 پاشاسي مظنونك افاده سنه مطاع اولديغني زمان شوسوزلري سويله مشدي :
 « بر آدم بو كبي تفوهانده بولونديسه در حال غضب الهه يه اوغراودي .
 يناء عليه بو آدمك بويله سوزلر سويله ديكنه اينانمايورم . اللهمك
 عذابه اوغرامايان بر آدمه بن جزا ويره مم ! »

مساعحه كارلنك بو نه كوزل بر مثاليدر ! بوكا مقابل توركيده
 « خريستيان كوپكارك » هر كون اشككنجه يه اوغرا دقلرندن ، يا خود
 هر كون قادينلرك چو واللره قونهرق قوناقلردن ده كزه آتيلدقلرينه
 اينانمايان قاچ كيشي واردر ؟ ..

توركيه حكومتي ، آنجق آوروپالي ميسوننه لرلك تورك مساعحه -
 كارلغندن استفاده ايدهرك تجاوزكار بر خط حر كت تعقيب ايتدكلريني ،
 خلقك وجداني مضطرب و دولتك ايشلريني مشوش بر حاله كتير -
 دكلريني كورديكی زمان وضعيتني تعديلله لزوم كورمشر .

توركيده ايلك دفعه اولارق ۱۷۸۱ ده كورونن لازاريسترلر ،
 حكومت طرفندن هيچ بر مانعه يه تصادف ائمه مشلر ، بالعكس خيركار
 بر مقصد تعقيب ايتدكلري كورولديكي زمان تشويق كورمشردي .
 توركيه حكومتك اركانندن بري اولان حسيب افندي ۱۸۴۴ ده
 خير پرور همشيره لرك مكاتبني زيارت ايتدكدن صوكره مكاتبك فقير
 چوجوقلرينه محتشم مكافاتلر كوندرمشردي .

توركلر نظرنده ايلك ياقمق ، اك برنجي وجيبه دره . تورك شاعري
 ناني اوغلنه يازديغني نصيحتنامه ده « قاپوسني فقير و محتاجلره آچماي » توصيه

ایتمکده در . بونی یا بمق ، جامع انشا ایتمکدن ، مستمراً اوروج
طوتمکدن ، متعدد دفعه لر مکیه کیتمکدن خیرلیدر . خیرپرورلک ،
دیانتپرورلکدن آیری بر شی دکلدر .

زکاتی ویرمهین بر آدم، بر مسلمان اولمق حیثیتیه یالکیز وظیفه سنی
ایفایی اهل ایتمش اولماز ، بلکه بالذات مسلمانلغی اهل ایتمش اولور .
چونکه زکات ؛ نماز، اوروج، حج وشهادتین کبی ارکان اسلامیه دن بریدر .
دها باشقه بر یردهده بو خیرپرورلکدن بحث ایتمشدم . خیرپرورلک
حدسز بر دین ، عقیده فرقی کوزه دیلمه دن ، شخصی خصوصت لر نظر
اعتباره آلیمانن یاپیلان بر شیدر .

موسیو (اوبسینی) استانبولک کوپکلرندن بحث ایدیورکن
دیورکه : « اوروپالیرک تمادیا اولامقده اولدقلری کوپکلر شهرک
اک اوچرا طرفلرینه التجایه مجبور اولمشلردر . شهرک بو حوالیسند
کوپکلر کندیلرینه باقاجق ، یاورولرینی اولومدن قورویاجق ، صوک
دمنده اونلره بر شی تبرع ایده جک شفیق وحمیتلی انسانلر بولویورلر .
کوپکک طوموز کبی تورکلر نظرنده تمیز تلقی ایدیلمه دیکی دوغرودر .
بناء علیه کوپکلر نهولرک ایچنه آلیمازلر . فقط تورکلر کندیلرینی ،
کوپک کبی حیوانات اهلینه ک حامیلری عد ایدرلر .

« پیغمبر اسلام ، شفقتی امر ایتمش ، بونک باشلیجه فضائلک بری
اولدیغنی ، بوتون حیواناته مرحمتک تشمیل اولونماسنی امر ایتمشدر . »
« الحاصل کله نک حقیقی معناسیله ، بوکونه قدر باربار معامله سی

کوستردیککیز تورکلر قدر انسانیتپرور بر ملت کورمه دم . » [۱]

[۱] بوکونکی تورکیه عنوانلی اثرنده میس (پاردو) دیورکه : « تورکلر ،
حیوانات اهلیه یه اک عظیم شفقتی کوستریرلر . بوندن دولاییدرکه سوت نه من
قوزولری کسمزلر . بر دفعه بر انکلیز سپورجیسی بر قایقله کزیورکن
باشنده اوچان بر مارطی بی وورمش ، بر آدم اولدیرمش قدر قایقجیلر
طرفندن مؤاخذه اولونمشدی .

اوپنی قسم

بہت اذک ردی

بہتانوں کی ردی

- حضرت محمد علیہ السلام کی بہتانوں کی ردی اور اس کے اسباب اور نوبتیں :
» ۱ — حضرت محمد کی اہلی اولاد پر دینی، وحی الہی اور عاقلانہ
نشر ایتھار .
» ۲ — محمد دینی قلعہ نشر ایتھار .
» ۳ — محمد ؛ قرآنہ مادی و حظوظ آور بر جنت تصویر ایتھار .
» ۴ — محمد تعدد زوجاتہ جواز ویر مشدر .
ایشہ بز المزدن کلدی کی قدر بو بہتانوں کی ردی چالیسہ جغز .

۱

مسلمانوں پر دین الہی

حضرت محمدؐ ہر درنو حرصدن آزاده اولدیغنی، حیانتک بوتون شرائطی اثبات ایتھارہ درہ بو حقیقت بالخاصہ شونکہ ثابتدر کہ حضرت محمد دینک کوکلہ شدیکنی کوردیکی ونا محدود بر قوتی حائر بولوندیغنی حالہ کندینی بویولتمک ایچون بوندن استفادہ ایتھارہ مش ، اصل سادہ لکنی ذرہ قدر فدا ایتھارہ مشدر . شہوات نفسانیہ بی تطمین بختہ

كلنجه حضرت محمدك زماننده حدسز ، پايانسز تعدد زوجات عادتي شايعدی . بناء عليه شهوات نفسانيه نك تطمينی آرزو اولونیورسه تعدد زوجات تحدیدایدیلز ، بالعكس اونك حدسز لکندن استفاده اولونوردی . حضرت محمدك حیاتندن بحث ایدر کن بونقطه یه دائر سویله دکلریمزه شونی علاوه ایده لم که پیغمبر هیچ بر وقت فوق البشر اولدیغنی ادعا ایتمه مش ، بالعکس « بن سزك کبی بر انسام » دیمشدر . هم پیغمبره هم حکمدار اولان حضرت (داود) ایسه « اللهم الهامنه کوره توفیق حرکت ایدن » و « دیان معبدینک اوزرنده کی قارلر قدر تمیز » انساندی . توراتک بیاننه کوره : (صول) ک ایکنجی قیزی (میکال) ، داوودک برنجی زوجه سیدی . داوودک دورمنکوبیتی ائناسنده بوزوجه کندن آلینمشدی . بونی متعاقب حضرت داوود متعدد قادینلرله اوله نمش ، وایلك زوجه سنی ایسته مکده اصرار ایتمشدر . فقط (میکال) کندیسنه اعاده اولونمادن ، وارمش اولدیغی دیگر بر آمدن جبراً آلینمش ، میکالی چوقی سهون بو آدم ، بر چوجوق کبی آغلایارق زوجه سنی تعقیب ایتمشدی . ۱]

خریستیان محررلر حضرت محمده هجوم ایدیورکن صیرچهدن بر او ایچنده اوتوردقلرینی اونوتماسه لر دهایی اولمازمی ؟ حضرت محمد احراز اقتدار خصوصه منده آنجق حضرت موسانک خط حرکتی تعقیب ایتمشدر . حضرت موسی بر رئیس ، بر رهبر ، بر شارع صفتی حائر اولماسه بنی اسرائیلی مصردن چیقارامازدی . بو یوزدن بر کیسه حضرت موسایی بوخط حرکتی تعقیب ایتدیکندن دولایی حرص ایله اتهام ایتیمی دوشونمه مشدر . چونکه حضرت موسی اواققداردن محروم اولسه یدی ، یهووانک کندیسنه تودیع

ایتدیکی رسالتی ایفا ایده مزدی. عربستاندهده وضعیت بوکا مشاهدی. عربستان یکدیگریله محاربه ایتمکده اولان مختلف قبیله لرله مسکوندی. بونتری برلشدیرمک وبر «کل» حالنه کتیرمک ایچون حضرت محمدک بونلرک ریاستنی درعهده ایتمسی، بونلره مسلمانلغی تلقین ایتمسی لازمدی. بو حرکت، شخصی حرص کبی برتهدن تمامیله آزاده در.

حضرت محمد و اونک عقائدینه مبدولاً عطف اولونان ساختهک تهمتنه کلنجه، رسول اسلامک، حضرت عیسی کبی، «توحیدباری» عقیده سنی تعلیم ایتمسی، بو اتهامک حقسزلغنه اک قوتلی شاهددر. مع مافیله ساختهک، اونک نبوت ادعاسنه قارشنی درمیان اولونیورسه بوکاده امکان یوقدر. بت پرستلکی احما ایده رک وحدانیت الهیه بی تعلیم ایتمک رسالت الهیه ایله یاپیله بیله جک برایش اولدینی هر کسجه مسلمدر. حضرت محمد ایسه عربستانده توحیدباری عقیده سنی او قادار صاعلام بر صورتده تأسیس ایتمش و اورادن بت پرستلکی او قدر مؤثر برشکلده الغا ایتمشدر که بردها بت پرستک هر هانکی شکلده اوراده ظهور ایتمشدر. حال بوکه اقوام خریستیانیله آراستده بت پرستک یکیدن ظهور ایدنجه دیگر لرینه فائق اولان خریستیانلر، بتلری قبول ایتمین خریستیانلری دینسز تلقی ایده جک درجهده ایلری کیتمشلردی. [۱]

حضرت محمدک تعالیمی، انسانلرک بر برینه قارشنی تعقیب ایده جکلری خط حرکتی تنظیم ایدن وظائف اخلاقیه بی تعلیم ایدر. قرآن کریم بو وظائفی شایان حیرت بر بلاغت و اصرار ایله اقاده ایلر. بونی اسلامیتک اک مدهش دشمنلری بیله اعتراف ایدیورلر.

[۱] بیزانس ایمپراطور بچه سی (ایرین) اوغلی (قسطنطین) ک کوزلرینی چیقارتدقن صوکره تخته چیقمش، ۷۸۷ده ایزنیق قونفرانسنی طویلالتدیرهرق اصنام وهیا کله عبادتی احیا ایله مشدر .

بعض خریستیان محررلرینک استهزا ایله یاد ایتدکلی بر مسئله؟
«اسرا» حادثه سیدر . بو محررلر ابلیسک حضرت عیسانی بیابانلرده
دولاشدیردیغنه اینانیورلرده حضرت محمدک معراجنه نیچون اینانمایورلر؟
متی انجیلنک دردنجی اصحابنده بیان اولوندیغنه کوره «ابلیس
یسوعی آلارق چوق یوکسک برداغه چیقارمش ، جهانک بوتون
مملکتلرینی و شرفلرینی کوسترمشدر .» اسرا حادثه نک مجازی اولدیغنی
سویلسهک اونک غیر قابل ایضاح بر نقطه سی بولونمادیغنی آکلاشیلیر .
مثلا «براق» برقدن دها سریع بر صورتده حرکت ایدن «فکر» در .
رسول اسلام ایله حضرت جبریلک یوکسلدیکی «نور مردیوه نی» ،
بوتون سماواتی کچهرک عرش الوهیتیه یوکسلن «تأمل» در . اوتوشی
ذات کبریایی خوشنود ایدن قوشک سسی ، مؤمنلرک عبادتیدر . .
بوتون خریستیان الهمیاتیجیلری مشغول اولدقلری مسائلی حل ایچون
مجازواستعاره یه کووه نیورکن مسلمانلری نیچون بو حقدن محروم ایتک
ایسته یورلر؟ خریستیان الهمیاتیجیلری اله حقیقتی تمثیل ایدن بر پیغمبرک
(آخاب) ی آلماتق ایچون یالانجی بر روح ایله استشاره ایتمه سی کی
ابلهضریبانه بر شیئی تأویل ایدیورلر . توراتک (ملوک اول عنوانلی
سفرینک یکرمی ایکنجی اصحابنه کوره «رب دیدی که: آخابک (راموت
جلعاده) کیدوب اورایه آتیلماسنی کیم تأمین ایدر؟ بری شوپله ،
دیگری بویله جواب ویردی . بونک اوزرینه بر روح کلدی، ربک
اوکنده طوردی . بن اونی آلاتیرم ، دیدی . رب ، ناصل؟ دیدی .
اوده چیقارم ، بوتون پیغمبرلرک آغزنده یالانجی بر روح اولورم .
دیدی . رب ، آلاتابیلیرسک، ومقتدر اولورسک دیدی . کیت یاپ .»
سلمانک بوتون ترنماتی ، حضرت عیسانک کلیساسنه اولان محبتنی
افاده ایدن بر مجاز تلقی اولونمایورمی؟ عهد جدیدده عینی شی تطبیق

اولونیور. چونکه حضرت عیسیٰ کاندندن بحث ایدیور کن، اوزوم، یول، قابوکلهرینی قوللانیور، اتمک وشرابک کندی بدنی وکندی قانی اولدیغنی سویله یور. بونک مجازی بر صورتده قبول اولونماسی یوزندن خریستیانلر آراسنده عیسانک اتمک وشرابی بدنه وقانه تحویل اتمک کبی بت پرستانه بر آیینک وجود بولماسنه سببیت ویرمشدر. مع مافیہ مسلمانانقده بوکبی شیلره، برپاپاسک سویله دیکی سوزلرله شراب واکمک قانه واته تحویل اتمه سی کبی جاهلانہ، حماقتکارانه هیچ برشی یوقدر.

حضرت محمدک یکی بر دین کتیرمه دیکنی، بالعکس اللہک ابراهیم و اسماعیلہ وحی ایتدیکی دینی احیایه کلدیکنی سویله دیکی حالده اونک یکی و مصنع بر دین تعالیم ایتدیکی سویله نیلمکده در. فقط اکر بو دین اسکیلردن، هدف عبادت، و اوکره تدیکی وظائف اخلاقیه ایله آریلیورسه او حالده موسانک، عیسانک و محمدک دینلری ده یکی بر دین ده کلدی. حضرت موسانک دینی، آدم، نوح، ابراهیم، اسحق، یعقوب و اسماعیلک دینی احیا ایدیور، وحدانیت الہیہی تقریر ایدیور، اللہه محبت و اطاعتی توصیه ایدیور، ارادہ الہیہ و جمعیت بشریہ نک تحمیل ایتدیکی وظائف اخلاقیه نک ایفاسنی تعلیم ایله یوردی. حضرت عیسیٰ هرشیئک فوقنده الہی سهومه مزی، کندیمزی سهودیکمز قدر قومشولرمزه محبت کوسترمه مزی اوکره. تیوردی. بوبوتون انبیانک تبلیغ ایتدیکی احکامک عینی در. بناء علیہ عیسانک عقیده سی ده یکی برشی ده کل، حضرت موسیٰ طرفندن تبلیغ اولونان عقیده نک عینی ایدی. شو فرق ایله بربریمزه قارشی ایفا ایده جکمز وظائف اخلاقیه اسکیسندن دها قوتلی بر صورتده امر اولونمشدی. «کندینه ناصل معاملہ اولونماسنی ایسته یورسه کباشقه. لرینه ده اوپله جه معاملہ ایت» قاعده الہیہ سی انسانلرک الک جاهلنه قدر هر کسک

رعایت ایدہ جکی اساسات اخلاقیہی تلقین ایدیوردی .

حضرت عیسانک زمان ظهورندہ یہودیلرک اخلاقی مدہش برتردی یہ اوغرامشدی . خودپرستلک چوقدن بری جانبانہ برماہیت المشدی . صنوف روحانیہ ایله خلق ایچندہ شایع اولان اخلاق، خست، غصب و غارت ، ظلم و تضییق ایدی . دین نامنہ منحصرأ بر طاقم مراسم و آیینلرہ رعایت ، محض استقامت عد اولوندیغندن قیصہ بر زماندہ بونلر حقیقی معنارینی ضایع ایتمشدی . حضرت عیسانک رسالتی بوفنالقلرک اوکنہ کچمہی استہداف ایدیوردی . بوندہ حضرت عیسانک اساس اعتباریلہ موسویلکی احیایتمہی استہداف ایتدیکنی کوسترہ . حضرت محمدک وظیفہسی ، یالکز عقائد اخلاقیہی اوکرہ تمک دہ کل ، بوندن باشقہ ، اللہہ عبادتی تأسیس ایتمکدی . چونکہ ایچندہ ظهور ایتدیکی خلق ، عقائد دینیہ ووظائف اخلاقیہ اعتباریلہ صاپمشدی . بو اعتبار ایله حضرت محمد ، حضرت ابراہیمک دینی احیایتمش ، و دین ابراہیمی احیایتمہی استہداف ایتدیکنی سویلہدیکی زمان آنجق حقیقی افادہ ایلمشدی .

مملکتندہ بویوک و دواملی تجمددلر وجودہ کتیرہ رک وحدانیت الہیہی تأسیس ، متردی وقورقونج بت پرستلکی احما ؛ چوجوقلری دیری دیری کومک عادتنی افنا ؛ ایچکی و قمار کبی تردی اخلاقینک منبئی اولان فنالقلری منع ؛ حدسز ، پایانسز تعدد زوجاتی اصغری درجہیہ تنزیل ایدن بویوک برمجددک ساختمکار وریاکار عد اولونماسنہ امکان وارمیدر؟ بورسالت الہیہنک مصنع اولدیغنه قائل اولابیلیرمی یز؟ اصلا ! حضرت محمد آنجق حقیقہ صمیمی بر شعور ایله بو قدر ثباتکارانہ و مقدمانہ حرکت ایدہ بیلیر و ذرہ قدر صارہیلمدان ، خدیجیہ افشای راز ایتدیکی کوندن عایشہنک قوللرندہ ترک حیات

ایتدیکی کونه قدر چالیشه بیلیردی .

انسانلرک وجدان و حرکاتنده بویوک برانقلاب یاپایلن برانسان، محقق که ، خالقنه قارشى ایمان تام ایله متحسس صیمی و صادق بر انساندر . بو انسان دوغرون دوغرویه ذات کبریانک ید تقدیرنده اولدیغی کبی رسالت الهیه بی ده حائزدر .

حضرت محمد رسالتنه صورت قطعیه ده قانعدی . بو قناعت اساسسز ده کلدی . هر درلو استهزا و حقارت ایله قارشیلانان رسول اسلام، یولندن قیل قدر آیریلادی . تهیدلر، اشکنجه لر اونی توحیدباری عقیده سنی تلقیندن ، زماننده شایع اولان اخلاقدن چوق یوکسک براخلاقی تعلیمدن آلیقویمامشدر . حضرت محمد ، سلطنت پشنده قوشمادی، ریاست روحانیه احرازینه اوغراشمادی . مسامحه ایسته دی، انسانلری اقناع ایدرک حق یولنه دعوت ایچون حریت ایسته دی . انسانلرک عدالتنه رعایت ایتمه لرینه چالیشدی ، مرحمتی سودیرمه یه اوغراشدی . حضور باریده تواضی او کره تدی . بوتون بونلرک مؤیده سی اولارق انسانلرک حشرونشر اولونا جغنی و روز قیامتده محاکمه اولونا جقلرینی سویله دی . محمد ، «حق کلدی، باطل زوال بولدی» آیتلرینی او قویارق کعبه نك (۳۶۰) بتنی خردوخاش ایتدی . بو وظیفه سنی اکمال ایتد کدن صو کره باشقه لری کبی (مکه) ده تختی قورمادی . بت پرستلکدن قورتاردیغی کعبه نك یاننده بر سرای انشا ایتدیرمه دی . بالعکس آبا واجدادینک شهرینی ، ملتیک مرکزینی ، دینک حرمنی ترک ایدرک محنت و مشقت زماننده کندیسنه یار اولانلرک آراسنده کی متواضع خانه سنه عودت ایتدی .

مسلمانلار قلیجه انتشار ایتدی

مسلمانلار قلیجه انتشار ایتدی کی تهمتک بر درجه یه قدر دوغرو اولدیغنی فرض ایدرک بت پرستلردن بر مقدارینک وحدانیت الہیہی طانیماق اوغورنده اولدکلرینی قبول ایدلم، فقط بوکا جواباً دیرز که جناب حق طرفندن امر اولونان بر شی، هیچ بر وقت ظلم تلقی ایدیله مز. خریستیانلر جناب حقک، بت پرست کنعانلیلری، بت پرست اولدقلرندن دولایی بنی اسرائیل طرفندن احما اولونمالرینی امر ایتدیکنه، حتی (یا هووا) نک بو امری انفاذ ایتدیرمک ایچون بر معجزه ایشله دیکنه، (یوشع) ک بوتون دشمنلری افنا ایتمه سنی تأمین ایچون شمس ایله قمری یرلی یرنده دور دوردیغنه معتقددرلر. مادام که خریستیانلر بو اعتقادی پرورده ایدیورلر، محمدک عینی وسائطی قوللانماسنه اعتراض ایتمه ملیدرلر. یوقسه محمدک زمانده کی بت پرستلک، موسانک زمانده احما اولونان بت پرستلکدن داها فضله نزد الہیده مقبول اولدیغنی ادعا ایتمک کی بر تناقضه دوشرلر.

حضرت محمدک حربلره کیریشدیکی محققدر. فقط اونک حربلری موسانک حربلری کی احما حربلری ده کلدی. حضرت محمدک شایان تقدیر هدفی عربستانی بر اشدیرمک، بر دولت وجوده کتیرمک، اونلره هر شیئک خالق اولان بر اللهه عبادت ایتمه یی او کره تمکدی. حضرت محمد مسلمانی قبول ایدنلری عالیجنابانه بر صورتده قبول ایتمش، اونلره قوللرینی آچمش، فقط متجاوزلری تنکیل ایتدیسه ده معصوم قادینلرک، قیزلرک و چوققلرک قانی قورومشدی.

خلاصه ، حضرت محمد ، مسلمانانغی قبول ایده نلره ادنی بر تجاوزده بولونلامسنى امر ایتمش ، اونلره قاردهش معامله سنک تطیقنى طلب ایله مشدی . موسی ایسه بالعکس ، قطعياً مرحمت کوسترمیه رنک اقوامی استیصال ایله مشدی . حضرت محمد طرفندن بویله برشی یاپیلماش ، یالکیز خریستیانلر ، بالخاصه اسپانیوللر (پهرو) ایله مکسیقانک فتحی اثناسنده بو خط حرکتی تعقیب ایتمشلردی . [قرآن کریمک هیچ بریرنده ، بوتون انسانلغک قبول ایتدیکی عدالت و مرحمت مفکوره لرینه منافی برتک امر کورولمز . حال بو که بو کون اللرده کزن کتاب مقدس ده شو امر لروارد : « موسی ، دیدی ، رب امر ایدیور ، هر آدمک یانی باشنه قیلیجی قویکیز . صوکره اوتاغک ایچنه کیریکیز ، چیقیکیز ، هر آدمی وقردهشنى ، هر آدمی و آرقاداشنى ، هر آدمی و قوموشوسنى اولدیریکیز » ۲]

« یشوع اسرائیلک ربی طرفندن ویریلن امره توفیقاً بوتون مملکتی قیردی کچیردی ، بوتون حکمدارلری اولدیردی ، کریده برشی بیراقادی . هر ذی حیاتی احما ایتدی . » ۳]

« صموئیل شاوله دیدی که کیت ، عمالقهی وور ، نه لری وارسه احما ایت ، هیچ برینی قوروما ، ارکک ، قادین ، چوجوق ، اضریکل یاورو ، اینک ، کچی ، دوه ، اشک هپسنى کس . » ۴]

« ربنک سکا میراث ویردیکی بوتون بلده لرنک اهاالیسندن نفس آلان هیچ برینی قوروما ، هیتیلری ، اموریلری ، کنغانیلری ، حویلری ، یبوسیلری ، ربنک امرینه توفیقاً احما ایت » ۵]

[۲] اسپانیوللر ۱۲ میلیون هندلی یی افنا ایدیورکن حرکتلرنک کتاب مقدسک تصویبى حائز اولدیغنى ظن ایدیور ، بنی اسرائیلک کنعانه یاپدقلىرنی اورنک اتخاذا ایدیورلردی . (لاس قاساس) دیورکه : « (سن دومینقو) و (ژامایقا) آدالرنده اون اوچ حوارینک شرفنه اون اوچر هندلی یی بردن اعدام ایدهن سهپالر اقامه اولوندیغنى بالذات کوردم . هدها صوکره عینی محرر دیورکه : « کویکار طرفندن یارچالانق اوزره دیری دیری چوجوقلرنک آتیلدیغنى ده کوردم . »

[۱] کتاب الخروج [۳] یشوع ۱۰ ، ۴۲ ، [۴] صموئیل اول ۱۵ ، ۳ [۵] کتات تنبیه .

صو کره حضرت عیسا طرفندن جبیده ایراد اولونان و منحصرأ
 مرحمت تنفس ایدن مو عظه سنک نره سنده ، بالا آخره اونک نامه
 ارتکاب اولونان اعتسافاتی تأیید، یا خود اونلرک ایقاعنی ترویج ایدن برشی
 وارددر؟ بوتون بواعتسافات کیمه عطف اولونا بیلیر؟ بوسؤالک جوابی
 قولایدرد. بونلریا گلش یره بویوک عنوانی طاشییان (قسطنطین)ه عاندرد.
 حضرت عیسانک ارتحالندن صو کره اونک عقائدی بر برینی متعاقب
 ایکی آیری شکلده تاویل اولونمش و بونلره خریستیانلق نامی ویریلشدی.
 بونلرک برنجیسی پول ، حنا کبی حواریونک حائر اولدقلری صلاحیتله
 ایلری سورولمش ، ایکنجیسی (قسطنطین) طرفندن وقوع بولمشدر .
 صرف سیاسی سائقلرله خریستیانلقی قبول ایدن ، فقط ارتکاب
 ایتدیکی ظلملردن دولایی کندیسنه بحق ایکنجی (نهرون) عنوانی ویریلن
 (قسطنطین) ۳۲۴ ده اجتماع ایدن (ایزنیق) قرنفرانسنه ریاست
 ایتمش ، ایلك دفعه بو قونفرانسده عیسانک الوهیتی قبول ایدیلشدی.
 آردی آراسی کیلمهین، قانلی ، فقط فائده سز مجادلات دینه ده
 بیکلرجه خریستیانک اک مدهش اشکنجه ایله قانی دو کولمش ، بر برینی
 قاردهش و دوست تلقی ایده جک انسانلرک بو حالنی کورهن، (یوافتهر)
 پسقپوسی و آبابی کلیسانک اسکیلرندن بری اولان (سن هیلهر)
 دردنجی عصر میلادیده بو وضعیت شوسوزلرله تقییح ایتمشدی :
 « بونه شایان تلهف بر حال و نه تهلیکلی وضعیتدر که انسانلرک
 دوشونجه لری صایسنجه مذهب لری، آرزولری مقدارنجه عقیده لری، خطا
 و قصورلری عددنجه ضالالتلری وار . بونک سببی بزم مذهب لری میزی کیفی
 بر صورتده وجوده کتیر مکلکمز، وینه کیفی صورتده ایضاح ایتکلکمز دره .
 هر سنه، خایر هر آی، یکی مذهب لری وجوده کتیره رک کوزه کورونمهین
 اسراری کشفه تصدی ایدیوروز. یاپدیغمزه پشیان اولویوروز . پشیان

اولانلری مدافعه ای دییورز . مدافعه ایتدکلریمزی تلغین ای دییورز .
یاخود باشقه لرینک عقیده لریتی تقبیح ایتمکه کندی عقیده لریمزی
تقبیح ایتمش اولیورز . یاخود کندی عقیده مزی تقبیح ایتمکه باشقالرینک
عقیده سنی چوروتیورز . بربریمزی تارمار ایتدی کمزدن بربریمزک
خرابیسنه سبب اولویورز . ۱۰]

ایزنیق محلنده قسطنطین ۲] پاپاسلره اک مصیبت انکیز نتیجه لری
تولید ایدن نفوذ واقتداری بخش ایتشدی . بو حادثه نك سببیت ویردیکی
فلاکتلرک خلاصه سی بوجه آتیدر: غیرمتجاوز مسلمانلره وتورکلره
قارشى طقوز اهل صلیب حربنک تخریبات و قتل عاملری . بویوزدن
ایکی یوز سنه ظرفنده میلیونلرجه انسان محو اولمشدی ، انا پاپیستر
قتل عام ای دیلمش ، لوتهر مذهبنک سالیکلریله پاپیستر امحا اولومش ،
سکزنجی هانزی ایله قیزی ماری طرفندن قتل عاملر امر ای دیلمش ،
سن بارتلمی ۳] قتل عامی وقوع بولمش ، برنجی فرانسیس ایله دردنجی

[۱] (کیون) ک رومانک اضمحلال وسقوطی عنوانلی اثرندن

[۲] قسطنطین زوجه سنی قاینار صو اچنده بوغمش ، کندی اوغلی
(قریسیوس) ی اعدام ایتمش ، همشیره لری قونستانیا ایله اناسطاسیانک
قوجه لرینی اولدیرمش ، قاین پدری (ماقسیمیلیان هر قول) ی قتل ایتمش ،
همشیره سنی قونستانیانک اون ایکی یاشنده کی اوغلیلهدها باشقه لرینی اولدیرمشدر .
بونلرک آراسنده سوپاتور نامنده بت پرست بر راهب واردرکه (قسطنطین) ی
قاین پدرینی اولدیرمک کنانهندن آزاد ایتدیکی ایچون اولدیریلمشدی . ایلك
خریستیان ایمراطور بو ماهیتده بر آدامدی ! ...

[۳] یالکز پارسده (۵۰۰) موقع صاحی انسان ایله (۱۰۰۰۰)
کیشى محو اولدقندن باشقه ولایتلردهده بیکلرجه انسان اولدیریلمشدی . پاپا
۱۳ نجی غریغوری ، مرتکبلری عفو ایتدکن باشقه بو حادثه نك تسعید
اولوناسنی طلب ایتمش ، بناء علیه چوق محتشم آینلر یاپیلمشدی . کندیسنی
حضرت عیسانک خلیفه سی عد ایدن بو آدم او قدر حیاسزلق کوسترمشدرکه
بو حادثه دولایسیمیه بر مادالیه نك ضربنی بیله امر ایتمش ، مادالیه نك بر طرفنه
کندی صورتی ، دیگر طرفنه تخریبکار ملکک رسمی باصیلیمش ، آلتنه
« هوغونونلرک قتلی » کله لری حک اولونمشدی .

هانری نك دورلری آراسنده کی قرق سنه ظرفنده متعدد قتل عاملر دوام ایتمش، انکیزیسیونلرک قتل عاملری ۱] مجادلات دینه اثناسنده وقوع بولان قتالر، یکر می سنه پاپالر پاپالرله، پسیوسلر پسیوسلرله، دو کوشمشلر؛ انسان زهرله مک، کیزلیجه آدام اولدیر مک کبی جرملر شایع اولمش، هر بری نهرونلری، قالیغولالری کریده براقان اون ایکیدن فضله مدعی پاپالر هر دورلو ۲] جرمی، جنایتی، خباتی ارتکاب ایتمشلر، یکی دنیا اهاالیسنندن اون ایکی میلیون انسان احا ایدیشدر!

اعتراف ایتلی یز، اون درت عصر دوام ایدن بو قدر قورقونج وفاصله سز محاربات دینه سلسله سی آنجق اقوام خریستیانیه آراسنده کورولمشدر. «بت پرست» کله سیله تحقیر اولونان ملتلردن هیچ بری برطاقم جعلیات اوغورنده بر دامله قان دوکمه مشدر.

«زوریو» دیر که حقیقی سر بستجه سویله ملی یز. فرانسه قرالری قوفریونلرله ساقه ونلرک مملکتنده خریستیانغی جبرایله تأسیس ایتمشلردر. شمالده عینی خط حرکت تعقیب اولونمشدر. پاپالری تقبیحه جرأت ایدن واله نسلرایله آلییجه نسلر آراسنده، ویکی دنیا ده عینی شکلده حرکت اولونمشدر. بوندن ده آ کلاشیلور که حضرت محمدک دینی قوتله نشر ایتمه سنی شایان مؤاخذه کورمه مزه محل یوقدر. چونکه قوت استعمالی

[۱] (لورهنت) ک حسابنه کوره ۱۴۸۱ ایله ۱۸۰۸ آراسنده انکیزیسیونلر طرفندن احراق اولونانلرک عددی (۳۴۰۲۴) ه بالغدر.

[۲] ۱۶۲۷ ده پاپا (اوربان) نشر ایتدیکی بر امرنامه ایله پاپادن مساعده آلمادن ویرکی طرح ایدن امرایی، تورکلرله ویا کلیسادن آیریلنلرله معاهده عقد ایدنلری، روما محکمه سنک احکامنه اعتراض ایدنلری، کاملاً تلغین ایتشدی.

عجبا حضرت محمد، یاخود اونک دینه نسوب بر کیسه هیچ بر وقت کندیسنه بو قدر صلاحیتلر و برمشیدر...؟

فنا برشی ایسه بزمده بوندن استفاده ایتمه مز کر کدی . حال بو که بز
 دردنجی عصر میلادیدن عصر حاضره قدر اوندن استفاده ایتدک .
 بوکا رغماً خط حرکتیزک انجق شایان تحسین اولدیغنی سویله یورز .
 مادام که بویله در . بو خط حرکتک ، بو وسائطک مشروع اولدیغنی
 اعتراف اولونمالیدر . یوقسه برنجی عصرده جنائی عد اولونان برشیئک
 دردنجی عصرده مشروع طاینماسی ، یاخود دردنجی عصرده مشروع
 اولان برشیئک برنجی عصرده مشروع کورولماسی عین حماقتدر .
 دردنجی عصرده جناب حق یکی برشریعت کوندرسهیدی بونی ادعایه
 امکان تصور اولونوردی . خریستیانلر آنجق وعظ ایله مأمور اولدقلری
 حالده ، کندی دینلرینه منسوب اولمایانلری آتش وقیلججه احما
 ایتشلردر .»

مشهور مورخ (کیون) مسلمانلرک مسامحه کارلغیله خریستیانلرک
 تعصب واعتسافکارلغنی شوپله جه کوسترییور: «مسلمانلر طرفندن وقوع
 بولان حربلر، حضرت محمدک تصویبیه وقوع بولویوردی . مع مافیله حضرت
 محمدک خلفاسی ، اونک حیات و سیرتندن آلدقلری درسلدن ، غیر
 مؤمنلرک مقاومتنی کندیلهکندن قیره جق مسامحه کارلغنی انتخاب ایتشلردر .
 حضرت ابراهیم، حضرت موسی و حضرت عیسانک اتباعی حضرت
 محمدک دیننی قبوله دعوت اولونمشلر، معتدل جزیه نیک تأدیسه سنی قبول
 ایتدقلری تقدیرده کندی دینلری اوزره قالمق حریتنی احراز ایتشلردی .»
 حضرت محمدک مسامحه کارلغنی حقنده ایراد اولونان بوبیاناتی تأیید
 ایچون (میث) پسقپوسی طرفندن «شرق ایله سائر مملکتلرک وصفی»
 عنوانلی اثردن، رسول اسلامک سینا راهبیلرله عمومیتله خریستیانلره
 ویردیگی براتی نقل ایدپیورز . مؤلفک تقوا پرورلکی ، استقامت
 ووقوفی وثیقہ نیک صحنه شاهددر . وثیقہ بروجہ آتیدر :

حضرت محمد طرفنده سینا راهبهرید عموم ضربتیا نمره ویریلن برات:

حضرت محمد طرفندن ویریلن براتک ماده لری شونلردر:

- ۱ — هرکیم بو عهدنامه نك احکامنه مخالفت ایدرسه عهد الهییه مخالفت ایتمش اولور، وکیم اولورسه اولسون لعنته مستحق اولور.
- ۲ — راهبردن هر هانکیسی سیاحت ایدهرک برداغ، تپه، کوی، دکز ویا چولده، ویا بر مناستر، کلیسا ویا معبدده یرلشیرسه حمایه اولونا جق، کندیسنه هر درلو تسهیلات کوستریله جک، مالی و جانی محافظه ایدیله جکدر.
- ۳ — بونلردن بر کونا ویرکو ویا جزیه آلینایا جق، بویله برشی اعطاسنه اجبار ایدیله جکدر.
- ۴ — بونلرک حاکم لری، والیلری ده کیشدیریلیمه جک، بومأمورلر مأموریتلرندن عزل ایدیله جکدر.
- ۵ — سیاحت اثناسنده بونلر بر کونا تجاوزه اوغرامایه جقلردر.
- ۶ — بونلر، کندیلرینه عاقد کلیسالردن اخراج ایدیله جکدر.
- ۷ — بونلرک حاکم لری، والیلری، زاهد لری، مرید لری، خدمتچیلری، هر هانکی ویرکویه تابع اولمایا جقلردر.
- ۸ — بو عهدده تجاوز ایدنلر امر الهییه تجاوز ایتمش اولورلر.
- ۹ — داغ باشلرنده منزویانه بر حیات امر ایدنلر ویرکی واعشاره تابع ده کلدلر.
- ۱۰ — محصولاتک بر کتلی زمانلرنده خلق بونلره بر حصه ویرمه لیدرلر.

۱۱ — حرب زمانلرنده بونلر اقامتگاهلرندن اخراج ایدیلمیه جکلره ،
حربه اشتراکه اجبار ایدیلمیه جکلره ، و کندیلرندن برشی طلب
اولونمایا جقدر .

[بوماده لر راهبلره متعلق هر شیئی متضمن اولدینی کبی مواد
آتیہ بوتون خریستیانلره عائد خصوصاتی ایضاح ایتمکده در .]
۱۲ — مقیم اولان خریستیانلر ، تجارت و ثروت صاحبی
اولانلر ویرکی اعطا ایدرلر .

۱۳ — خریستیانلردن باشقه برشی آلیماز .

۱۴ — شاید بر خریستیان قادین بر مسلمانله ازدواج ایده جک
اولورسه زوجی اونی کلیسایه کیدوب عقیده سنه کوره ایفای عبادتدن
منع ایتیه حکدر .

۱۵ — خریستیانلر کلیسالرینی تعمیر ایتمکدن منع اولونمایا جقدر دره
۱۶ — بو شرائطه رعایت ایتمینلر اوامر الهیهیه مخالفت ایتیش
صایپلرلر .

۱۷ — بونلرک علیهنده بر کیمسه سلاح طاشمایه جق ، بالعکس
مسلمانلر اونلری مدافعه ایده جکلر دره .

۱۸ — مسلمانلر بو عهدنامه نك احکامنه علی الدوام رعایت
ایده جکلر دره .

بو عهدنامه یه اصحاب کزین شاهد اولارق امضالرینی قویمشلر دره
بوتون بو ایضاحات حضرت محمد علیهنده وقوع بولان ایکنجی
اتهامکده اصل و اساسدن عاری اولدینی کویسترر .

قرآنك تعريف ايتديكى جنت

حضرت محمدك علمينده درميان اولونان ديكر برتهمت ده اونك
 كتيرديكى شريعته توفيق حركت ايدنلره واونك تعاليمه كوره ياشايانلره
 موعود اولان جنتك حظوظات ماديه ايله مالامال اولماسيدر. فقط بونى ده
 تأمل ايتديكمز تقديرده خريستيانلرك ابله فريبانه تصور اتنك ناممحل
 اولديغنى كورورز. قيامت كوننده وجودي مذك فوق التصور برش كل
 اكتساب ايدنه جكنه ، وحواسمزدن هر برينك اك بويوك اذواقى
 ادراك ايدنه جك درجه ده خارق العاده نشاط وفعاليت احراز ايله جكنه
 اينانقدن صوكره بونده آكلاشيلمايلاق برشى قلماز. چونكه
 بوملكاتك فعاليتنى سلب ايدر ، اونلرك ايفاسيله متلذذ اولاجقلىرى
 وظائفى ايفا ايتديره مرسهك اونلرك عادتاً بزه بلامقصد بخش ايديلديكى ،
 بلهكه بزي متماديا منكسر و متالم ايتك ايچون ويريلديكى كوسترمش اولورز.
 مادام كه قيامت كوننده بزه بدنمز و حواسمزده اعاده اولونا جقدر ،
 او حالده حواسمزك اوراده ده نائل اولاجنى شيلردن متذوق اولماجنى كيم
 سويليه بيلير و بو كى اذواقدن متلذذ اولق ناصل بر كناه ، بر جرم
 ويا تردى تصور اولونا بيلير ؟ بالخاصه تقبيح اولونان ذوق جنسى يه
 كلنجه بو ذوقى دنيا ده ظهور ايدن اك مكمل مخلوق اولان انسانه
 جناب حق بخش ايمه مشميدر ؟ ذات كبريا انسانلره حياتك ادامه سنه
 لازم اولان هر شئى لطف ايتديكى كى نسل بشرى يى توالى ايتديرمك
 وظيفه سنى ده ذوق آور برحس ايله مشبوع قيلمشدر .

قرآنك مؤمنلره قادينلر ، كوزهل باغچهلر و سائر حسى ذوقلر
 بخش ايتديكى دوغرودر. فقط سعادت اخرويه نك بوشيلرده اولديغنى

ظن ایتک دوغرو ده کلدر . چونکه روح بدنن دها اصیل اولدیغی
 ایچون بدنه اذواقی بخش اولونمش، فقط روحده اذواق علویه سی تأمین
 ایدیلشدر . بونک اک بویوکی رؤیة اللهدر . بو ذوق اعلی جنتک سائر
 اذواقی اونوتدیره جقدر . جنتده باغچهلر، کاشانه لر، نعمتلر، وسائر شیلرله
 اکتفا ایدنلر، اهل جنتک اک پست سویه سنده درلر . اک یوکسک
 مرتبه یی احراز ایدنلر هر کون رؤیة الله ایله بکام اولانلردر . بناءً علیه
 جنتک منحصرأ اذواق حسیه ایله مالمال اولدیغنی سویله مک دوغرو اولمادیغنی
 کبی مسلمانلرده اذواق اخرویه نک منحصرأ مادی اولمادیغنه قانعدرلر .
 برچوق اسلام علماسی، مادی اذواقی تصویر ایدن کلماتک تمثیلی بر صورتده
 اذواق روحانیه یی تصویر ایتدیکنی سویله یور .

مشهور (هاید) دیر که : « مسلمانلرک برچوغی جنت اذواقک
 قابل ادراک اولمق ایچون مجازی بر صورتده تصویر اولوندیغنی ،
 ناصل که کتاب مقدسده ده بوکا مماثل شیلر بولوندیغنی سویلرلر . فاس
 سفیرینه بر مکتوب یازیور کن بر باغچه ک جنت کبی اولدیغنی سویله دیکم
 زمان بکا ویردیکی جوابده دنیاده جنتله قابل قیاس برشی بولونمادیغنی ،
 جنتده کوزک کورمه دیکی ، قولاغک ایشیتمه دیکی ، عقلک تصور
 ایدمه دیکی شیلر بولوندیغنی یازمشدی . » بوکا برده مشهور (هه ربلو) نک
 (بیبلوتیقا اوریه نتالیس) ده مسلمانلرجه اک بویوک ذوقک رؤیة الله
 اولدیغنی بیان ایتدکن صوکره یازدیغنی شو جمله لری علاوه ایدمه یلیرز :
 « مسلمانلرک مخالفلری طرفندن سویله نلدیکی وجهله اونلرک آخرتده
 خواسی ممنون ایدن اذواقدن باشقه ذوق طانیمادقلری دوغرو دکلدر . »
 بو ایضا حاتدن ، دیانت اسلامیه نک شهوانی ماهیتنه دائر سویله نن
 سوزلرک منصفانه اولمادیغنی آکلا شیلیر . مجرد خریستیانی بر نقطه نظر دن
 شرق ملتلرینک بعض اعتیاداتی اوروپالیلرک نظرنده بویوک قصور

و بويوك كناه اولارق تلىق اولونيور . حال بوكه بونلر دها منصفانه بر صورتده تدقيق اولونورسه ايش ده كيشير . هر حالده مكلفيات اجتماعيه نك و منشأ ، اقليم ضرورتلرينى نظر دفته آمالى يز .

حضرت محمد طرفندن توصيه اولونان جنتك اونك سيجيه سنى عكس ايتديرديكى سويله ينلر يا كيليورلر ، بلهكه پك ظالمانه تجاوزاتده بولونويورلر . چونكه حضرت محمد ، بالعكس ، فقير ، فعال ، عوام ناسك هدف مساعى عد ايتدكلرى شيلره اهميت ويرمز برانساندى .

۴

تعدد زوجات مسئله سى

تعدد زوجات ، شرقده متعمم اولان بر عادتدر . حضرت ابراهيم زماننده بيله بو عادت حكمراندى . كتاب مقدسك بر قانچنك اقتباس ايده جكمز صحيفه لرى تعدد زوجاتك اوزمانكى دها تميز بشريت طرفندن بر كناه تلىق ايديله ديكى كوسترييور

تعدد زوجات اسكى يونانيليرجه مقبولدى . (پلوتارق) بونى ياد ايدىيور . اورى پديس ايله افلاطون تعدد زوجاتى مدافعه ايتمشلردى . اسكى روماليلر تعدد زوجاتدن استفاده ايتمه ديلرسه ده اونى منع ايتمه مشلردر . (مارق آنتونى) ، ايلك دفعه ايكي زوجه آلان ذات اولارق تعريف اولونيور . اوندن سو كره بو عادت تئودوسيوس ، هونوريوس ، وارقادىوسك زمانه قدر شيوع بولمش ، آرقادىوس ۳۹۳ده اونى منع ايتمشدى . دها سو كره ايمپراطور (والهنتيهن) نشر ايتديكى بر امر نامه ايله بوتون تبعه سنك آرزو ايتدكلرى تقديرده متعدد زوجهلر آلا بيله جكلرينى اعلان ايتمشدى . اوز مانك كليسا تاريخى تدقيق ايتديكمز تقديرده پسقپوسلرك تعدد زوجاته قارشى براعتراض درمیان ايتدكلرينى كورمه يورز . بويوك (قسطنطين) ك اوغلى (والهنتيانوس

قونستانتیوس) ك متعدد زوجه لری واردی . فرانسه قرالی (قلوتهر) ك
 واوغوللری هه ریبارتوس ایله (هییه ریقوس) ده تعدد زوجا دن استفاده
 ایتمیلردی . بونلره (په پین) ایله شارلمانی ، لوتر ایله اوغلی ، (۸۸۸) ده
 آلمانیا ایمپراطوری اولان یدنجی ارنو افوس ، فره دریک بارباروسا ،
 وفرانسه قرالی قیلیپ تئوداتوسی علاوه ایده بیلیرز . فرانق قرالارینك
 ایلكلری آراسنده (غونتران ، قاریبرت ، سیجبرت وچیلبه ریک) ك
 متعدد زوجه لری بولوندیغنی کوروپورز . (غونتران) ك وه نیراندا ،
 مه رقاترود ، اوستریچلده نامنده اوچ مشروع زوجه سی واردی .
 (قاریبرت) نامنده کی حکمدارک (مه رفیلدا ، مارقونه زا ، تئودو جیلدا)
 نامنده اوچ زوجه سی بولونیوردی .

(دانیال) ، فرانسز قرالارینك تعدد زوجا دن استفاده ایتدکلرینی
 اعتراف ایدیور ، برنجی (داغوبرت) ك اوچ زوجه سی بولوندیغنی انکار
 ایتدکن باشقه (تئودوبرت) ك ذات الزوج بر قادین اولان
 (ده نتاری) بی ، اولی اولدیغنی و (ویزیمجلده) نامنده برقاریسی بولوندیغنی
 حالده آلدیغنی تقریر ایدیور . (داغوبرت) ك بو خط حرکتله
 عمجه سی (قلوتهر) ی تقلید ایتدیکنی ، قلوتهرک اوچ زوجه سی بولوندیغنی
 حالده (قربودومیر) ك دول قالان زوجه سی آلدیغنی علاوه ایدیور .
 تعدد زوجاتک فیسولوزیک اسبابندن بحث ایدیور کن (مونته -
 سکیو) صیجاق مملکتلرده قادینلرک سکز ، طقوز ، اون یاشلرنده
 اولمک چاغنه واردقلرینی ، یکرمی یاشنده عادتاً اختیارلادقلرینی ، عقللرینك
 کوزه لاکلریله برلکده نشوونما بولمادیغنی ، بناءً علیه بو مملکتلرده
 تعدد زوجاتک بک طبیعی اولدیغنی بیان ایتمکده در .

معتدل مملکتلرده ، قادینلرده یوکسک بریاشده تکمیل ایتدکلری
 و اوله ندکلری ایچون زوجلریله برابر اختیارلایورلر . و اوله ندکلری

زمان عقلاً و عرفاً خایلی ایلیله مش بولونیورلر، بناءً علیه بونلرده برزوجه ایله اکتفا ایتمک قانونی تولد ایندیور . ار ککلی عقل و قوت بدنیله ایله تمیز ایدن طبیعت، اونلری بو عقل و بو قوتدن باشقه برشیله تقید ایتمه مشدر . طبیعت قادینلره حسن و فسون بخش ایتمش، ار ککلی اوزرنده کی نفوذلری بو حسن و فسونک دوامیله تأمین ایدلمشدر . صیجاق مملکتلرده ایسه حسن و فسون حیاتک مبادیسنده کورولور، اوندن سوکره زوال بولور .

بوندن دولاییدر که آنجق بر قادینله اولنمه یی ایجاب ایدن قانون اوروپا ایچون موافق اولدیغی حالدله آسیانک اقلیمنه موافق ده کلدرد . وینه بوندن دولاییدر که مسلمانلق آسیاده سهولتله انتشار ایتدیگی حالدله اوروپاده مشکلاتله انتشار ایتمش، خریستیانلق ایسه اوروپاده تأسس ایتدیگی حالدله آسیاده طوتوناماشدر . مسلمانلغک چینده انتشار ایتدیگی حالدله خریستیانلغک انتشار ایدمه مسنکده سببی بودر . (سه زار) دن آ کلاشیلدیغنه کوره اجدادیمز (انکلیرلر) تعدد ازواجدن استفاده ایتمش، یعنی اون، اون ایکی زوج بر تک قادینله یاشامشدر . قاتولیک میسیویوه لرلی بو ابتدائی انسانلرک آراسنه کلدکلری زمان رهبانیتی تشویق ایتمش، بر انسانک بردول ایله اولنمه سنک تعدد زوجات اولدیغنی، بونک ایسه دیناً موجب مجازات اولدیغنی سویله مشلر، نهایت وحدت زوجه اساسی قبول اولونمشدی . اسکی آلمانلرکده وحدت زوجه اساسنه رعایتکار اولدقلری آ کلاشیلور . تعدد زوجاتک مشروعیتنه کلنجه کتاب مقدسک آتیده کی اسفارینه مراجعت اولوندیغنی تقدیرده اونک (یا هووا) طرفندن هم تصویب، هم ده تقدیس اولوندیغنی کورورز :

کتاب التکوین ۳۰ نجی باب . کتاب الخروج ۲۱ نجی باب ،
کتاب تنیه ۱۷ نجی باب ، صموئیل اول ، صموئیل ثانی ، و سائرہ
(سن قریسوستوم) ابراہیم ایله ہاجر دن بحث ایدر کن دیر کہ :
« بو کبی شیر منع اولونماشدی . » (سن اوغوستین) ده دیر کہ :
« بر انسانک بر زوجه دن فضله بر قادینله ازدواج ایتہسی کبی شایان
مؤاخذہ اولمایان بر عادت شایع بولونیوردی . بو عادت بر فریضہ
صفتیله ایفایدیلیردی . انسانک تکثیری ایچون تعدد زوجا دن استفادہ بی
منع ایدن بر قانون یوقدی ! »

۷۲۶ سنہ سنده آلمان رؤسای دینیہ سندن (بونیفاس) پاپا
(غریغوری) دن بر آدمک ایکی قادینله نہ زمان ازدواج ایدیلہ سنہ
مساعده اولونا جغنی صورمش ، پاپا غریغوری ، عینی سنہ نک ۲۲ تشرین
تانیسنده شو جوایی ویرمشدی : « شاید بر زوجه ، وظائف زوجیہ نک
ایفاسنہ مانع بر خسته لغه طو تولور سه زوج دیگر بر قادینله ازدواج ایدہ بیلیر .
شو شرطله کہ خسته زوجه سنہ ده ایجاب ایدن هر معاوتی ایفایتمه لیدر . »
خریستیان محرر لر آراسنده ده تعدد زوجاتی مدافعه ایدن لر ظهور
ایتمشدر . بر تاردو اوشینوس ، اون آلتنجی عصرک اورتالرنده محاوروی
بر اثر نشر ایدرک تعدد زوجات لهنده اولدیغنی کوسترمش ، عینی
صیره لرده بوموضوعه دائر دیگر بر رساله انتشار ایتمش ایسه ده
محرری اولان (لیساروس) ، (توفیلوس آلتوس) نام مستعارینی
قوللامشدی .

(سہلدهن) ، تعدد زوجاتک یالکیز یہودیلر آراسنده ده کل ،
سائر بوتون اقوامک آراسنده ده مباح اولدیغنی اثبات ایتمکده در .
فقط تعدد زوجاتک اک ممتاز مدافعی مشهور (ژون میلتون) در .
میلتون « عقیده خریستیائیہ حقنده رساله » عنوانلی رساله سنده تعدد

زوجانہ دائر کتاب مقدسہ کی متعدد سوزلری نقل ایتد کدن سو کرہ دیور کہ: « رب »، مجازی بر مثله کنڈینی ایکی زوجہ آلمش، (اھولہ) و (اھولیتہ) ایلہ اولہ نمش کو ستر مکدہ در . طبعی بو عادت منفور ویا شہہ آور اولسہ (یاھووا) ولو تمثیلی بر صورتدہ بونی موضوع بحث ایتزدی . او حالہ کرک تورات ، کرک انجیلدہ ہیچ بر کیمسہ ایچون ممنوع اولمایان برشی ، نیچون حجاب آور ، یاخود ناموس شکن عد اولونیور ؟ ! « مسئلہ پی باشقہ بر نقطہ نظر دن محاکمہ ایدہ بیلیرز . تعدد زوجات ، یانکا حدر ، یاخود زنادر . حرمت ایتدی کمز بونجہ انڈیا متعدد زوجہ لر آلمش اولد قلدن اونلرہ زنا اسنادینہ امکان یوقدر . او حالہ تعدد زوجات « نکاح » در . نکاح ایسہ مشروع و شرفلیدر . بناء علیہ حضرت محمد ، جناب حقک اسکی شریعتلردہ مشروع کوردیکی برشیی آنجق تنظیم ایتشدر . اوکا تعدد زوجات دن دولایی بر کونا هجومدہ بولونمغہ محل یوقدر .

تعدد زوجات علیہندہ کی باشلیجہ دلائل ، اونک حیات عائلہدہ جنسین آراسندہ کی مساواتی احما ایدن بر استبداد وجودہ کتیردیکی ، اونک حقیقی محبت و دوستلغی بیقدینی ، حسد و عائلی اختلافی تولید ایتدیکی در .

متعدد زوجہ لرہ صاحب اولانلرک اولرنده مستبدانہ بر مطلقیتک حکمفرما اولدیغنی ظن ایدنلر ، آسیالیلرک عاداتنہ آگاہ اولمایانلرک جاھلانہ خطاسنہ صاپیورلر . شرقلیلرک عاداتی تصویر ایدن ، فقط شرق محررلری طرفدن یازیلان اثرلری او قویانلر ، قادینک او طر فلردہ محکوم اولدیغنی ظن ایدنلر باطل بر ذہابہ صاپیورلر . (اتکینسون) ، ایران قادینلری حقندہ یازدیغنی اتردہ دیور کہ : « انکلترہدہ شرق قادینلری حقندہ بیلین یکانہ شی ، اونلرک جبارار ککلرینہ جاریہ لک ایتد کلرندن ، حرملردہ محبوس اولد قلدن عبارتدر . « اتکینسون بو ذہابک باطل

اولدیغنی بیان ایدرک شرقده قادینلرک ، بالخاصه اسلام قادینلرینک حائز اولدقلری حقوق و منافعی ایضاح ایتمکده در . حرم بر محبس ده کل ، بر مأوای حریتدر . زوج حرمه کیردیگی زمان ، آرتیق افندی اولدیغنی اونوتور، هر کسک نظری اولخانمه توجه ایدر. آلتمش یتمش سنه مقدم انکلتره بی زیارت ایدن ابو طالب خان ، انکلتره عائله حیاته دقت ایتمش، اوکا دائر انکلیزجه یه ترجمه اولونان بر اثر قلمه آلمشدی . مومی الیه اسلام قادینلرینک، آوروپالیلردن دها قوتلی حقوق وحریته صاحب اولدقلرینی بیان ایتمکده، تعدد زوجاتک حیات عائله ده مطاقیت تأسیس ایتدیکنی شو ملاحظه ایله رد ایتمکده در : « بنم آکلادیغمه کوره ایکی دیشی قاپلانله یاشامق ، ایکی قادینله یاشامقدن اهوردر . » مشهور سیاح (نایبوه) ده عینی فکرده در . مومی الیه دیورکه : « آوروپالیلر شرقده ازدواجک ، غربده کی ازدواجدن بام باشقه اولدیغنی ظن ایتمکه اکتفا ایدیورلر . بن عربستانده بویله بر فرق کورمه دم . بومملکتک قادینلری، آوروپاده کیلر کبی سربست و مسعود کورونیور . کرچه مسلمانلر آراسنده تعدد زوجات عادتی شایع بولونیور ، بو ایسه آوروپالی قادینلری متدهش ایدیورسه ده، عربلر درت زوجه آلق حقندن نادراً استفاده ایدیورلر . آنجق زنکینلر تعدد زوجاتدن استفاده ایتمکده ، فقط بونلر عموم طرفندن خوش کورولمه مکده درلر . عقللی آدملر، بوجوازی، موجب ممنونیت کورمه یور، بالعکس اونک اضطراب آور اولدیغنی سویله یورلر . چونکه بر زوج زوجهلری آراسنده مساوات و عدالت تامه دائره سنده حرکت ایتمکه شرعاً مجبوردر ، فقط بووظیفه بی ایفا ایتک او قدر مشکلدر که عربلر اوندن نادراً استفاده ایدیورلر . »

تعددزوجاتک حقیقی محبت ومودتی امحا ایتدیکنه کلنجه آوروپانک

یو کسکجه صنفلری آراسنده تعدد زوجاتدن استفاده ایتک امکانی اولسه
 شبهه سز، اوندن استفاده ایدنلر پک محدود اولور و ایکنجی ازدواجلر
 برنجیسندن دها آز مرغوب اولوردی . ازدواج معامله لرینک بارد
 عراسمی ، آیری آرابه لر ، و یو کسکجه صنفلر آراسنده معلوم اولان
 سائر ترتیبات ، تمیز و صاف محبتی تخریب ایده جک ماهیتنده در . غریبه
 مودایه تابع اولان قادین ، تعدد زوجاتی مباح طانیان مملکتلردن
 فضا ، آلینوب صاتیلمقده در .

تعدد زوجاتک محبتی اطفا ایتدیکنه دائر در میان اولونان فکر ،
 اسکی انکله تره نك یکانه حریت و مسعودیت مملکتی اولدیغنه دائر ایلری
 سورولش متعصبانه مطالعاتدن تولد ایتکده در . شاید تعدد زوجات ،
 سه نیلدیکی قدر فنا ایسه ، دنیانک بو قدر بویوک بر قسمنده شیوع بولمازدی .

در دینی قسم

قرآنک معالیندن انخابلر

معالي قرآنه

زكات و صدقات ايله مكافاتی - حقیقی مؤمنلرك جنتده مسعودیتی - خلقت عالم - شریکی ونظیری اولمایان ذات کبریا - بوتون مخلوقات ذات اجل واعلائی تقدیس وتنزیه ایله - خالقك یدنجی کونده استراحت ایتدیکی بهتانی رد - عرش الہی - جناب حقك هر یرده حاضر وناظر اولدیغی - ذات کبریانك اوغللاری یوقدر - بر ذره آغیرلغنجه خیر وبر ذره آغیرلغنجه شر - روح، کناهلرینی نه صورتله ونه کبی شرائط آاتنده طانیه جق - حیواناته قارشى شفقت - چوجق اولدیرمك - ابوینه حرمت واطاعت - الفرقان (حاشیه) - طاهر اولمایانلر قرآنه ال سورره منزلر - دوغرو اولچمك - قرآن طرف کبریادن کوندریلن بر وحی الہی در - جناب حقك حضرت عممدی صیاتی - ایچکی وقار ممنوعیتی - والدینه حرمت (حاشیه) - ایتمه قارشى بروشفقت - حقیقی تقوی - نمازلر - مفتریلرك جزاسی - ارواح ناصل محافظه اولونور ، ناصل محو اولور - قادینلر .

زکات و صدقات

§ « فاتقوا الله ما استطعتم واسمعوا واطيعوا وانفقوا خيراً لانفسكم ومن يوق شح نفسه فاولئك هم المفلحون »
سورة تغابن ۱۶

« قدر تیکز یتدیکی قدر جناب حقه قارشى وظائفکزی ایفایدیکز . دیکه ییکز واطاعت ایدیکز . کندى نفسکزک خیر وسعادتی ایچون ماللریکزدن انفاق ایدیکز . نفسلرینک خست وامسا کندن قورتولانلر یوقی » ایشته فلاحه ایره نلر اونلر در . »

« الذين ينفقون اموالهم بالليل والنهار سرا و علانية فلهم اجرهم عند ربهم ولا خوف عليهم ولا هم يحزنون . » سورة بقره ۲۷۵
 « اونلر كه كيجه، كوندوز؛ كيزلي، آشكار ماللريني انفاق ايدرلر، اجر ومكافاتلري نزد الهيده مهيار . اونلر ايجون هيچ بر خوف وكدر بوقدر . »

« ان تبدوا الصدقات فنعما هي وان تخفوها وتؤتوها الفقراء فهو خير لكم ويكفر عنكم من سيئاتكم والله بما تعملون خبير . » سورة بقره ۲۷۱
 « صدقه لريكزي آشكار ويريرسه كز بو كوزهل برشيدر . فقط اونلري كيزلرده فقرايه ويريرسه كز بو سزك ايجون دها خيرليدر ، سزك كناهلريكزي محو ايدر . جناب حق هر ياپديغكزي بيلير . »
 « ان تقرضوا الله قرضاً حسناً يضاعفه لكم ويغفر لكم . » سورة تغابن ۱۷
 ماللريكزي خلوص قبله امر اولونديغكز يولده صرف ايدرسه كز جناب حق بونك اجريني مضاعف ايدر وسزني مغفرتنه نائل ايلر . »

دؤمنلر

« ونزعنا ما في صدورهم بما كنتم تعملون » سورة اعراف ۴۲
 « اصحاب جنتك قبلرندن هر درلو بغض وحسدي چيقاردق . اونلر مسكنلرينك آلتندن ايرماقلا آقار . اونلر ديرلر كه : الله تعالايه حمد وثنا اولسون كه بزي بو نعمت و مقامه ايرديردي . بزه بو يولي كوسترمه سيدي بز كنديلكمزدن طريق حقه ايره مزدك . محقق ربمزله پيغمبرلري حقله كلديلردي . اصحاب جنته دنيله جك كه ايشته سزه عمللريكزدن دولايي ويريلن جنت بودر ! »

« و بشر الذين آمنوا وهم فيها خالدون » سورة بقره ۲۴
 « ايمان ايدوپ اعمال صالحه ايشله ينلره تبشيرايت كه اونلره ايجنده

ایر مقلر آقان جنتلر ویریله جکدر . اونلرک میوه لرندن رزقله ندجه
بو بزم اولجه نائل اولدیغمزه بکزه یور ، دییه جکلر . چونکه اونک
مشابهنی الده ایده جکلردر . اونلرک طاهر زوجهلری واردر . واوراده
ابدیاً قالا جکلردر . »

خلقت

« الله الذی رفع السموات بغير عمد ترونها توقنون » سورة رعد ۲
« الله او اللهدر که کوکلری کوردیککزه هیئتده دیر کسز رفع ایلدی .
صوکره عرش اوزرینه طوردی . کونش و قمری (مصالح عباد ایچون)
تسخیر ایلدی که بونلرک هر بری معین بر زمان کندی یولنی دور
ایدر . جناب حق هر شیئی تدبیر ایدر ، آیاتی توضیح ایلر ، تا که
هیکزه اللهکزه ملاقی اولاجغکزه یقیناً امین اولاسکز . »

« وهو الذی خلق السموات والارض بالحق تعالی عما یشرکون . . . » سورة نحل ۳
« او اللهدر که کوکلری ویری حق ایله یاراتدی . ذات کبریایی
هر شریکدن منز و متعالیدر . »

« الله لا اله الا هو الحی القيوم وهو العلی العظیم . » سورة بقره
« الله او اللهدر که اوندن باشقه بر اله یوقدر . باقیدر . هر آن
بوتون خلقت اوزرنده حاکم وقائمدر . نه او یوقلار ، نه او یور ،
کوکلرده و یرده نه وارسه هپسی اونکدر . کیم تصور اولونابیلیر که
قالقسینده اذنی اولقسزین نزد الهیسنده شفاعت ایده بیلسین ؟ . .
مخلوقاتنک ایشله دکلرینی ، ایشله یه جکلرینی بیلیر . مخلوقات ایسه علم
الهیسنده یالکزه اونک دیله دیککی قاورا په بیلیر ، باشقه برشی بیله مز .
علمی بوتون کوکلری ، یری قوجاقلار و بونلرک نکهبانلغی کندیسنه

آخیر کلمز . یوکسک ، بویوک یالکیز اونک ذات کبریاسیدر . «

« سبح لله ما فی السموات ... وهو علم بذات الصدور » سورة حدید
 « کوکلرده ویرده نه وارسه هپسی ذات کبریایی تقدیس و تنزیه
 ییلر . علم و حکیم اودر . کوکلرک صاحب و متصرفی اودر . یاشاتیر ،
 اولدیرر ، هرشی اونک دائره قدرتمنده در . اول اودر ، آخر اودر ،
 ظاهر اودر ، باطن اودر ، هرشی بیلن اودر . کوکلری ویرلری
 آلتی کونده یاراتدقن صوکره عرش تدبیرندن هر شیئی اداره ایدن
 اودر . یره کیرن ، یردن چیقان ، کوکدن اینن و اوکا چیقان
 هر ذره بی بیلن اودر . نرده بولونورسه کز ، اوسزکله برابردر . سما
 وارض ملکوتی اللهکدر . هپکیز اوکا دونه جکسکیز . کونی کیجه یه
 تعقیب ایتدیره ن ، کیجه بی کونک پشندن کتیره ن اودر . انسانک اک
 کیزلی دوشونجه لرینه آگاه اولان اودر . «

ذات الوهیت

« الحمد لله رب العالمین ... علیهم ولا الضالین آمین » سورة فاتحه

حمد او الله ایدیلیرکه رب العالمیندر ، رحمن و رحیمدر ، روز قیامتک
 صاحبیدر . (الهمی !) یالکیز سکا قوللق ایدهرز ، یالکیز سندن یاردم
 دیلرز . بزه دوغرو یولی ، نعمت لرینه نائل اولان ، غضبه اوغرامایان ،
 شاشیرمایانلرک یولنی کویستر . آمین .

« قل هو الله احد ، الله الصمد ، لم یلد ولم یولد ولم یکن له
 کفواً احد . »
 سورة اخلاص

دی که ، او الله بردر ، هرکسک پناه والتجا کاهی اولان اللهدر ،
 طوغورمادی ، طوغمادی واونک بر نظیر و شریکی اولمادی .

«تبارك الذي بيده الملك وهو على كل ... وهو حسير» سورة الملك

بوتون ملكی قبضه تصرفنده طوتان ذات کبریا منزہ و متعالیدر. هر شیئ قادر در. اولوی و دیرلیکی یاراتدی که هانکیکزک دهافضله حسن عمل صاحب اولدیغنی دهنه سین. عزیز و غفور اودر. اوست اوسته یدی کوك یاراتدی. اونک یاراتدیغنده هیچ بر قصور کوره منسکز. کوزلرینی سما طرفنه دوندیر. عجا اونده ذره قدر بر نقصان کوره بیلیرمیسک؟ سوکره تکرار بتکرار باقی. کوزلرک هیچ بر قصور و نقصان کورمیهرک دونر.

« و عنده مفاتيح الغيب ... الا في كتاب مبين » سورة انعام ۵۹
بوتون غیب خزینه لرینک آناختارلری اونک نزدنده در. اونلری آنجاق اوبیلیر. قره ده، دکزده نه وارسه هپسی بیلیر. آغا جلدن دوشن هر یاپراغک دوشدیکنی بیلیر. ارضک قارا کاکلرنده کی دانه لر، یاش، قورو هرشی کتاب مبینده در.

« تسبح له السموات السبع والارض ومن فيهن وان من شيء الا يسبح بحمده ولكن لا تفقهون تسبيحهم »
سورة اسراء ۴۴

یدی کوك ویر و بونلرک ایچنده نه وارسه هپسی ذات کبریایی تسبیح و تقدیس ایلر. بر شی یوقدرکه الهی تقدیس و تنزیه ایتمه سین. یالکز سه اونک طرز تسبیحنی ادراک ایده منسکز.

« لله ما في السموات وما في الارض وان تبدوا ما في انفسكم او تخفوا يحاسبكم به الله »
سورة البقره

کوکلرده ویرده نه وارسه هپسی الهکدر. ایچکزده کنی بللی ایتمه کزده کیزله سه کزده جناب حق سزدن اونک حسابنی صوراجقدر.

« ولا تجعلوا لله عرضة لايمانكم ان تبروا وتتقوا وتصلحوا بين الناس والله سميع عليم »
سورة بقره ۴۴۳

مقصدیکز برو تقوی و اصلاح بین ایسه یمینکزی مانعه یاپماییکز. جناب حو ایشیدیر و بیلیر.

« لا يؤاخذكم الله باللغو في ايمانكم ولكن يؤاخذكم بما كسبت قلوبكم والله غفور حلیم . »
سورة بقره ۴۲۴

ذات كهريا ناحق يره وقوع بولان يمينلر كزدن دولايي سزى مؤاخذه ايتمز . آنجق قلبكز لسانكزه مطابق اولهرق خلافه عین ايدرسه كز سزى مؤاخذه ايدر . الله ، غفور و حلیم ايدر .

سعادت و سعالت

« والليل اذا يغشى والنهار اذا تجلّى . . . فسنبسره للعسرى » سورة ليل
عالمی قارا کلغیله اورتن کیجه حقیچون ، کیجه نك قارا کلغنی بر طرف ایدوب
عالمه ضیا ویره ن کوندوز حقیچون ، ارکی و دیشی بی یارادن حقیچون ، سزک
سعی و عمل کزک مختلف هدفلی واری ایچکزده هر کسه حقنی ویره ن ، هر
فنا لخدن صاقینان واک ای شیشی قبول و تصدیق ایدنه اک کوزهل عاقبتی قولای .
یلاش دیره جغز . فقط خست کوستره ن ، اللهم ن مستغنی اولدیغنی ادعا ایدن
واک ای شیشی یالان تلقی ایدنه اک فنا عاقبتی قولایلاش دیره جغز !

انسانك كفرانی

« والعاديات ضبحاً . . . ان رهم بهم يومئذ خبير . » سورة عاديات
کوکسلی قاباره قاباره قوشان ، قوشپورکن آياق ليله طاشلردن قیویلاچمیلر
چیقاران ، صباحین دشمنه آتیلان ، توزی طوپراغی قالدیران ، وطویلو
کتیبه لری یارارق ایچلرینه دالان غازیلر حقیچون ، انسان اللهم نعمتلرینه
کفران ایدیور ، بوکالذات کندیسی ده شاهددر . انسان دنیا متاعنه حر یصدر .
بیلمه یورمی که منارلرک ایچنده کی هر شی آشکار اولور و قلبلرده کی هر شی میدانه
چیقارسه نه اولور ؟ محقق الله تعالی هر شی بیلیر و جزاسنی ویرر .

قیامت کونی

« اذا زلزلت الارض زلزالها واخرجت ومن يعمل مثقال
ذرة خیراً یره ومن یعمل مثقال ذرة شراً یره » سورة زلزال

وقتا کہ ارض دوچار اولاجنی زلزلیہ گرفتار اولور ، ایچنده کی بوتون یوکاری میدانہ چیقاریر ، انسازده « نه اولیور؟ » دیر ؛ اوکون ارض دیله کلوب هر شیئی خبر ویریر ، چونکہ جناب حق اوکا هر شیئی وحی ایدر . اوکون آدم اولادلی پرا کنده پرا کنده کلیرلر، ونه یابدقترینی کورورلر . کیم که ذره آعرافنجہ برخیر ایشله مشدر ، اونی کوره جک ؛ کیم که ذره آعرافنجہ شر ایشله مشدر ، اونی کوره جکدر .

« اذا السماء انفطرت واذا الکواکب انتثرت . . . علمت نفس

ما قدمت و آخرت » سورة انفطار ۱ — ۵

سما تارمار اولدینی ، ییلدیزلردو کولوب داغیلدینی ود کزلر بربرینه آقوب هپسی بر اشدیکی ، مزارلر آلت اوست اولوب ایچنده کنی طیشاری یه فیلاتدینی زمان هر کس اول و آخر نه یابدینی آ کلایا جقدر .

« اذا الشمس کورت واذا النجوم انکدرت واذا الجبال سیرت . . .

علمت نفس ما احضرت » سورة تکویر ۱ — ۱۴

کونش طوس طوب اولوب ده وریلدیکی ، ییلدیزلر قاراروب یاغمور کبی یره دو کولدیکی ، داغلر یرلرندن سو کولوب ذره کبی اوقلا ندقاری ، حیوانلر عقامتہ اوغرادینی ، ده کزلر بربرینه قاریشوب قانادینی ، جانلر بدنلره قاووشدینی ، دیری دیری کوموله نلر هانکی کنه یوزندن اولدیرلر کارینی صور دقلمی ، کتابک یاپراقلمی آچیلدینی ، کوکار دری کبی یوزولدیکی ، جهنم قیزدیر ییلدینی و جنت یاقلاشدیر ییلدینی زمان هر کس ایشله دیکی خیر و شری آ کلایا جقدر .

قرآن

« تبارک الذی نزل الفرقان علی عبده . . فقدره تقدیرا » سورة فرقان

متعالی ومنزه اولان ذات کبریا بوتون اقوامی انذار ایتمک اوزره فرقانی [۱] قولنه کوندردی . کوکلرله یرک ملکوتی اونکدر . او هیچ بر اوغل

[۱] فرقان حق ایله باطلی بربرندن آیبرداندن دیمکدر . مؤلف بوکلر دن

ایدیئهدی ، ملکنده شریکی اولمادی . شیئی لایق اوزره یارادوب مقدارینی تعیین ایتدی .

« والنجم اذا هوى .. علمه شدید القوی » سورة نجم ۱ - ۵

غروب ایدن بیلدیزلر حقیچون سزک آرقاداشکنر ، اصلا ضلالتله صامادی وخطایه دوشمه دی . کندی آرزو وهوسیه بر سوز سویله مدی . اونک دین نامنه تبلیغاتی آنجق وحی الهیدر . بو وحی اوکا قوتی چوق شدتلی اولان اوکره تدی .

« أفرأیت النار الی توروں ، ءاتم شجرتها ام نحن المنشئون . . .

تنزیل من رب العالمین » سورة واقعه ۷۲-۸۱

یاقدینگز آتشی کورییور میسکز ؟ اونک آغاجنی سزمی وجوده کتیردیکز ، یوقسه بز می ؟ بز بو آتشی بر نمونه عبرت یابدق که اهل بصیرت اونی کوروب عبرتین ، وهرکس اوندن مستفید اولسون . اویله ایسه حق جل وعلانک نام اقدسنی تسبیح و تقدیس ایله . بیلدیزلرک مواقعیله قسم ایدرم ، که بو قسم چوق بویوک بر قسمدر ، بو محقق قرآن کریمدر ، لوح محفوظده مصون کتابدر ، اوکا آنجق طاهر اولانلر ال سوره بیایرلر . بو کتاب ، رب العالمین اولان الله طرفندن کوندلمشدر .

طارتیلر و اولچولر

« ویل للمطففین یوم یقوم الناس لرب العالمین . » سورة مطففین

ویل او اکسیک اولچن ، اکسیک طارتانلره که ، انسانلردن برشی صاتین آلدیلر می کندیلرینه عائد اولانی تام اولچوب ، تام چکرلر ؛ فقط انسانلره صاتیدیلر می اکسیک اولچرلر ، اکسیک طارتارلر . بونلر بیلمه یورلر می که بویوک بر کون ایچون بعث اولوناجقلر ، واکون بونون انسانلر رب العالمینک حضورنده دوراجقلردر .

بحث ایدیورکن اونک قورتاریجی ، آیدینلا تیحی مناسنده اولدیغنی ، یهودیلرکده توراته فرقان نامنی ویردکارینی و بوکله یی بومعنا لرده قولاندقلرینی بیان ایدیوره

« الرحمن علم القرآن ... ولا تخسروا الميزان » سورة الرحمن ۸-۱

رحمانیتله متصف اولان الله محمدہ قرآنی تعلیم ایتدی . انسانی خلق ایدوب اوکا بیانی اوکره تدی . شمس و قمر برجلر تده و منزلارنده تقدیر اولونان حسابله جاریدر . نجم و شجر الله سجده ایدیورلر . الله تعالی سماوی یوکسلته رک میزنی وضع ایتدی . تا که میزان عدالتده حدی تجاوز ایتمه یه سکر . وزنی عدالتله دوس دوغرو وزن ایدیگر و انسانلرک حقندن برشی اکیسلفمه ییگر .

« القارعة ما القارعة وما ادريك ما القارعة... نارحامیه » سورة قارعة

قلبلری داغلایان کون ، نه مدهش کوندرکه اونک هیبتندن قلبلری ووریلور ، اوکونک شدت واضطرابندن انسانلرچکرکه کبی بربرسته قاریشوب پامال اولورلر ، داغلا آتیلمش پاموق کبی داغیلوب اوچارلر . فقط اوکون ایشله دکلری حسنانی آغیر کلنلر ، جنتده اک کوزهل حیاتی سورهرلر . حسنانی خفیف و سیئاتی آغیر کلنلرک یری ، جهنمک اسفایدرکه ، اوراسنک نه اولدیغنی بیلیر ، رمیسکر . اوراسی اک یاقیجی آتشدر .

حضرت محمد

« طه ! ما انزلنا عليك القرآن لتشقي الا تذكرة لمن ينحشى »

سورة طه ۷-۱ « لا اله الا هو له الاسماء الحسنى »

یا محمد ! بز سکا قرآنی محنت و مشقته اوغراماک ایچون کوندرمه دک . اوننی قلبنده خشیت و رقت اولانلره وعظ و نصیحتده بولونمق اوزره کوندرمک . قرآنی : ارضی و یوکسک سماواتی یارادان ذات کبریا کوندردی . اله رحمت ، عرش تدبیرنده قائمدر . سماوات و ارضک ایچنده ، یرک آلتنده نه وارسه هپسی اونکدر . سن سوزینی آشکار سویلر سئک سویله ، فقط جناب حق ، کیزلی سوزی ده ، ضمیردن کچه نی ده بیلر . الله ، او اللهدرکه اوندن باشقه بر الاله یوقدر ، اسمای حسنی اونکدر .

« والضحي والليل اذا سجي ماودعك ربك وما قلبي ... واما بنعمة

سورة ضحی ربك فيحدث »

قوشلق حقیچون ، ظلمتی اشیایی قابلایان کیجه حقیچون ، ربک سنی اصلا ترک ایتهدی ، سندن نفرت ایتهدی . محقق بیلکه آتی ماضیدن ده ائی

اولا بقدر . ربك سكا احسان ابد جك وسنى خوشنود قيله بقدر . ربك سنى
 یتیم بولوب ایوا ایتمه دیمی ؟ سنى یا کاش یولده بولوب ارشاد ایتمه دیمی ؟ سنى
 محتاج بولوب زنکینلشدیرمه دیمی ؟ صاقین یتیمی آزارلما ، سائلی رد ایتمه ،
 ربك نعمتی اعلان ایله شکر ایت !

« اقرأ باسم ربك الذى خلق علم الانسان ما لم يعلم » سورة العلق

هه شیئی یارادان ربك نامنه او قو . الله انسانى بر پارچه او بوشمش
 قاندىن یاراتدی . او قو ، ربك ، جمله کرىءاتك اکر میدرکه قلمله او کرتدی ،
 انسانه بيلمه دیکنى بیلدیردی .

« والعصر ان الانسان لفي خسر وتواصوا بالصبر » سورة عصر

عصر حقیچون انسان (عمرینی فانی دنیا ایشلرینه حصر و صرف ایتدیکی
 ایچون) خسران وزیانده در . فقط ایمان ایدوب اعمال صالحه ایشله یئر ،
 بربرینه حق ، بربرینه صبری توصیه ایدنلر مستثنادرلر .

اوامر ایهوقیه

« ولا تقربوا الزنا، انه كان فاحشة ومقتاً، وساء سبيلاً » سورة اسراء

زنايه يا قلاشمايکز ، چونکه کوتولکدر . واک فنا یولدر .

« ولا تمش في الارض مرحاً انك لن تحرق الارض ولن تبلغ الجبال

طولا »

سورة اسراء

يرك اوزرنده مغرورانه آدم آتمه ، سن نه ير يوزینی دهله بیلیر ، نه ده

داغله بوی اولچه بیلیرسک .

« واصبر نفسك مع الذين يدعون ربهم بالغدوة والغشى ... و كان

امرہ فرطاً »

سورة كهف — ۲۷

صباح آقشام اللهم رضاسنى طلب ایله ربلرینه طاعت اوزره بولونان

ودعا ایدنلرله صبر ایت . بونلردن نظرینی چه ویروب حیات دنیا زینتنه مائل

اغنيا واشراف مجلسنه ملازمت ایتمه ، قلبی بزم ذکریمزدن غافل ، هواسنه

رام و بوتون ایسته دیکی هدر اولان کیمسه لره اطاعت ایتمه .

« قُلْ تَعَالُوا اِتْلُ مَا حَرَّمَ رَبِّي... لَعَلَّكُمْ تَعْقِلُونَ » سورة انعام ۱۴۹

دی که کایکیز ، اللهک سزه حرام قیلدینی شیلری بیان ایدیم : اللهه هیچ بر شریک قوشماییکیز ، ابونیکزه اییلک ایدیکز ، ضرورت قورقوسیله چوجوقلریکزی اولدیرمه ییکیز ، الله اونلرکده ، سزکده رزقکزی ویریر . کیزلی ، آشکار فناقلره یا فلاشماییکیز ، اللهک قتلنی تحریم ایتدیکی نفسی اولدیر . مه ییکیز . مکرکه حق ایله اوله .

« یا ایها الذین آمنوا انما الخمر والمیسر والانصاب والازلام... فهل

اتم منهون » سورة مائده ۹۰

ای مؤمنلر ، ایچکی ، قار ، بتلر و بتلر نامنه آتیلان اوقلر شیطان ایشی بر کوتولکدر . بونلردن اجتناب ایدیکزکه فلاح بولاسکز . شیطان ایچکی وقارله سزک آرا کزده فتنه و فساد ، عداوت و منافرت وجوده کتیره رک سزی اللهی یاد ایتکدن ، دعا و عبادتدن منع ایتک ایستر . اوحالده بونلردن وازکچمه کز ایجاب ایتز می ؟

شهادت

« یا ایها الذین آمنوا کونوا قوامین بالقسط... » سورة نساء ۱۳۵

ای مؤمنلر ! حضور الهمیده ایفای شهادت ایدیورکن عدالت اوزره ثابت قدم اولیکز . ایفا ایده جککیز شهادت کندی علیه کزده ، یا خود ابویسکیز ، یا خود اقربا و تعلقاتکیز عیننده ده اولسه و بونلر زنکین و یا فقرا اولسه لرده اوله جه حرکت ایدیکز .

تیمبلر

« ویسألونک عن الیتامی قل اصلاح لهم خیر... » سورة بقره

یا محمد ، سکا نیملره دائرده سوال صوراجقلردر . دی که اونلره حسن معامله و اونلری اصلاح ایتک خیردر . فقط شاید اونلره عائد ایشلری اداره یه کیریشه جک اولورسه کز ، اونلره قارشلی بر خطا ایشله مه ییکیز . اونلر سزک قارداشک زدرلر . جناب حق ، اگری کیدنلری ده ، دوغرو یورویه نلری ده بیلیر .

انویه

« وقضى ربك ألا تعبدوا إلا اياه .. كاربیبانی صغیرا » سورة اسراء

کنندیسندن باشقه سنه عبادت اتمه مکزى و با بالریکزه ایملک اتمه کزى ربك سکا صورت قطعیه ده احرا ایدیور . شاید ابوینندن یالکز برینه ، پاخود ایکیسنه بردن سنك انه باقدقلى زمان اختیارلق چوکرسه صاقین اوصانوب کندیلرینه الا الله دیمه ، یوزلرینه باغیرما ، یوموشاق سوزلرسویله . صوکره اونلره شفقتندن قنادلریکی یرلره ایندیرده قارشیلرنده اویله طور . و « یارب نبی کوچک یاشمده ایکن ناصل مرحمتله بو یوتدیلسه سن ده شیمدی اونلره رحیم اول » دیمه دعا ایت .

تقوی

« لیس البران تولوا وجوهکم ... واولئک هم المتقون » سورة بقره

یوزلریکزی مشرقه ، یاخود مغربه دونمه کز طاعت ده کلدر . طاعت آنجق او کیسه لک ایشله دیکیدر که الله ، آخرت کوننه ، ملکاره ، کتابه ، پیغمبرلره اینانیر ، سودیکی مالنی خیصیملرینه ، یتملره ، یچاره لره ، تولده قالمشلره ، ایسته ینلره ، برده اسیرلره ویریر ، نمازی قیلار ، زکاتی ادا ایدر ، صوکره معاهده عقد ایتدکاری زمان عهدینی یرینه کتیردنلر ، هله صیقینتی وخسته لقی صیره لرنده و حرب زماننده ثبات و متانت کوستره نلر یوقی ایشته اللهمن قورقانلر بونلردر .

نماز

« اتل ما اوحی الیک من الکتاب ... ولذکر الله اکبر »

سورة عنکبوت

سکا کتابدن وحی اولونانی تلاوت ایت و نمازه مداومت ایت . محقق نماز انسانی فحشادن (عقلاً و شرعاً مذموم اولان هر شیدن) و منکرلردن نهی و منع ایدر . شبهه سز ذکر الله اک بویوک واک مقدس وظیفه در .

غمازلر و مقربلر

ویل لیکل همزة لمزة : هرکسه دیل اوزاتان ، افترا ایدنلره ویل !

روح

« قد افلح من زکاهها وقد خاب من دسائها » سورة شمس
نفسنی تزکیه ایدن فلاح بولور ، اونی کیرله تن خسرا نه دوچار اولور .

قادینلر

« ووقل للمؤمنات یغضضن من ابصارهن ولا یبدین زینتهن »
مؤمنه قادینلره دی که فبالغه کوزلرینی دیکمه سینلر ، عفنلرینی محافظه
ایتسینلر ، زینتلرینی میدانه چیقارمه سینلر .

میتام

DATE DUE

To renew
call 292-3900

LIBRARY
OHIO STATE UNIVERSITY

OHIO STATE
UNIVERSITY
LIBRARIES

stx

BP75.27

D383

1928